


Hethadenee  
waunauyaunee vadan  
Luke Vanenāna



The Gospel According to Luke in the Arapaho Language of the  
United States of America

**Hethadenee waunauyaunee vadan Luke Vanenāna**  
**The Gospel According to Luke in the Arapaho Language of the**  
**United States of America**

Public Domain

Language: Arapaho

Translation by: Michael White Hawk and John Roberts

2015-05-06

---

PDF generated using Haiola and XeLaTeX on 18 Apr 2025 from source files dated 31 Aug 2023  
49903679-7190-57d9-b73a-1c2da4854577

Contents

Luke . . . . . 1

## Hethadenee waunauyaunee vadan Luke Vanenāna

<sup>1</sup> Hanau waunauthathee hadnedanuu hejadenenau hadjenanuu hauthase vavesee hauthedau hena hayauhuhau nanāe hājavaānethauwuthajauthaunin,

<sup>2</sup> Hasevenānauau nanāa hehethee jasesee vasesā hānenuu nau nejaanuu hanadedanau;

<sup>3</sup> Hasethajau nau hethadee heee nananenau jea, vavesethaugudenau vahee hayauhuhau hehetheejasesee hadnewauthaunauwunathane nedānee, javaānethadee Theauthenus,

<sup>4</sup> Hadeaenauwu hethauwuu hena hayauhuhau nesechauhauthehane.

<sup>5</sup> Hena hese Herod, naja Judea, jasaa vevethahehe Zacharias haseede, hadaachunanede Abia: nau henene hedaunāhene Arauneau, nau henese daunin Elisabeth.

<sup>6</sup> Nau haenesauuthāhenauau hathaāhenith Hejavaneauthu, thaunaugudethee vahee nanavaavedaunau nau hauchuwudaunau Vahadāde dejauthauwuvade.

<sup>7</sup> Nau hehauwunesaunenauau, hanau henee hehauwunesaune Elisabeth; nau wauwu haenesauu vaehahenenauau.

<sup>8</sup> Nau hethauwuu, henee daunau suvadanedaude hathaāhenith Hejavaneauthu hānauauchaude,

<sup>9</sup> Nesedaunethe vevethahehehau, nesedaude hadnejaāde yehauthe hevadanauauwunene Vahadāhenith.

<sup>10</sup> Nau haunauude henanedanede haevethahedaune jathee nauaichuu jaa.

<sup>11</sup> Nau haenauhauva hautheaune Vahadāde haetheaugune hejavese jaanaa.

<sup>12</sup> Nau hānauhauwaude Zacharias, haejanethajau, nau nāthajau de haedasaa.

<sup>13</sup> Hau nuu hautheaune, jevanāthajau hathāhuk, Zacharias: havevethahede nanedauwuhuu; nau hadasea Elisabeth hadjanese waude hāau, nau Jaun hadeseau.

<sup>14</sup> Nau nananin hadaunauwuthajau nau hadeneethajau; nau hadnewauthathee neethajathēe hāejanese.

<sup>15</sup> Hanau haudvasāthaa hathaāhenith Vahadāhenith, nau haudnehauwuvane daudaude dadajevenenaje, wauāthe neauthunaje; nau haudnechauchaunadede Hevadanauwauthauwunene Hejavaneauthu, haa hehethee hāejanese.

<sup>16</sup> Nau haudnewauthaa dāeyaunenede Israel hadjaechuwauyāaunaude hese Vahadāhenith Henesaunaunenau.

<sup>17</sup> Nau haudnedauwaunaude nauguu Vadanauwauthauwu nau neesenaudāhenith Elias hadjaechuwauyāauau vadauhau henesaunaunenau hese dāeyaunauau nau nejedauvathee gaugauuthajaudenau hadauethadee; hadnesaanudedede henanedanede hesanaa hese Vahadāhenith.

<sup>18</sup> Nau Zacharias naudedusaene nuu? wauwu vanaehahenenau nau nadasea wauwu vadavehahenede, hathauhuk hautheaune.

<sup>19</sup> Nau hautheaune hanaāauchuhananadethāde, Nananenau Gabriel henee theaugudau nau hathaāhede Hejavaneauthu; nau janeauthēavānu nau haudnāedauwunathana, nau hadnauhauthehathana nuu neethajau de waunauyauau.

<sup>20</sup> Nau, naune, nananin haudnejanadene nau haudnehauwunēanade, haunaude hese nuu hayauhuhau nauauchaugu hethauwuu, hanau nananin daujethauwaudauwu nadanadede, nuu hadnethauwunauaichuu nauauchaugaune.

<sup>21</sup> Nau henanedanede haedauyauhauvanauau Zacharias, nau haegaugauanadauwu henee dauguthetheaugude vadannauauwuu.

<sup>22</sup> Nau hāejenauāhede, haejēanadetha: nau haeāenauwu daunauhauthāde vadanauauwuu: haevathasauwuna nau haejanade.

<sup>23</sup> Nau hethauwuu, henee, chauchaunu hese hāesevadanedaude haeyehau hese nehayau hedauauwuu.

<sup>24</sup> Nau hee hena hese henene Elisabeth hanaāenesaunenith, nau haegauduse nehayau hayauthaunenethe hesese hee, hanaāenehede,

<sup>25</sup> Hesau Vahadāde naasehānu hese hāedaugauhauvānu hadgudanauwunānu nāedayāhede henanedaa.

<sup>26</sup> Nau nanedauchauchaunauwaude hese hautheaun Gabriel haejeauthēawau hehethee Hejavaneauthu hese hedan Gananee haseenaugu Nazareth,

<sup>27</sup> Hesāhedāeyaun haenenēhauwaune henanin Joseph haenaneeseenith, hehethee hedauauwuu David; nau hesāhedāeyaun Mare haenaaseede.

<sup>28</sup> Nau hautheaun haedasaa, nau hanaāenehethāde, Haunauwuthajau, nananin vechauthane, Vahadāde hanedaunaunāne: hauwunaunane hesāna.

<sup>29</sup> Nau häenauhauwaude, haejanethajaude hedanadedauinin, nau haegaugauanade daun hadnesenaunenechuhude nuu hadnesauau.

<sup>30</sup> Nau hautheaun, Jevanāthajau, hathāhuk, Mare: hanau nananin vechauthāne Hejavaneauthau.

<sup>31</sup> Nau, naune, nananin hadnensesaunin, nau hadneahene, nau JESUS hadeseau.

<sup>32</sup> Hadvasāthaa, nau Vāā Hejavaa hadethauva: nau Vahadāde Hejavaneauthau hadvaneau naja theaugudau hensesaunaune David:

<sup>33</sup> Nau hadnajawaudauau hededanin Jacob jethauujenee; nau henajanede hadnehauwuthauwadauaune.

<sup>34</sup> Hanaāenehethaude Mare nuu hautheaune, Haddusenesau nuu hanau nāhauwāenaunau henane?

<sup>35</sup> Nau hautheaun hanaāauchuhananadethāde, Hejavaneauthau Hevadanauwauthauwu hadnedasāne: nau naunauthauau Hejavaa haddugauyāunāne; henaheee jea henee Nau-naudāde hadnensesaunewaude Heau Hejavaneauthau hadnethade.

<sup>36</sup> Nau, naune, have Elisabeth, jea wauwu hensesaunede hadneahede wauwu dauvadav-ehahenede: nau nuu nanedaudauchunethe hesese wauwu hehauwunesaune neethade.

<sup>37</sup> Hanau Hejavaneauthau vahee neneededede hayauhuhau.

<sup>38</sup> Nau naune, Vahadāde daununānuu hahagu Mare, hadnaasauau nuu hasenehene, nau hautheaun hanaāeneauthāde.

<sup>39</sup> Nau Mare hanaāethauwauthede hena hese, nau hanaāehaude jauaudanenauauwu nauhauhaunee hesee hedan Juda;

<sup>40</sup> Nau hanaejedāde hedauauwunene Zacharias, nau haenaunenechautha Elisabeth.

<sup>41</sup> Nau hethauwu, henee, Elisabeth häenedauwauthaude daunaunenechuhunith Mare, dāeyaunaa haenauauwuja hethauwaudauau; nau Elisabeth haeechauchaunaude Vadanauwauthauwu:

<sup>42</sup> Nau haevasanade, nau hanaāenehede, Hauwunaunane hesānaa, nau hauwunaunade dāeyaunaa hethauwaudauau.

<sup>43</sup> Nau naudauhuthedasaa nuu, henee henaune Navahadāhewaunāde hadnedasānuu?

<sup>44</sup> Hanau, naune, chauchaunu hanadedauunau haunaunenechauhude häenedauwaudauau naunaudaunuu, dāeyaunaa naunauauwujahede naunaudauau heee haunauwuthajaude.

<sup>45</sup> Nau hauwunaunade hesā henee hethauwuthajaude: hanau hena hayauhuhau hadnethauwunaasauau neethāedauwunade hehethee Vahadāhenith.

<sup>46</sup> Nau Mare hanaāenehede, Navadathuwu hauwaunehāde Vahadāhenith,

<sup>47</sup> Nau navadathuwu neethajaudaunaude Hejavaneauthu Nānayauhāde.

<sup>48</sup> Hanau nedaugauhauwaude hadavenuhuhau hedaununaunau: hanau, naune, hewaunehaa heejasesee vahee henaededaunau hauwunaunade hadnethanau.

<sup>49</sup> Hanau hena Naunaudāde vanasaunee hayauhuhau hasehānuu; nau vadanaunee hensesede.

<sup>50</sup> Nau nauwunaunade henee headaunādaunau henajāthee henaedede nau nausnee henaedede.

<sup>51</sup> Nenuhauthethāde hedāahede hejadena; neneāsauaunade hesāethajauhuhau hedāhene.

<sup>52</sup> Nejananaude naunaudāhenethe hehethee hetheaugudaunene, nau nejejenanaude hadavenuhuhau.

<sup>53</sup> Negaudauhaude hasenahehau nauguu hethadenee; nau nethauyādahehehau negudanaude jessaa.

<sup>54</sup> Nenedahewaude heau Israel, nedauyewuwude hedauwuyau;

<sup>55</sup> Neesenehethaude havasevāene, Abraham nau hedāeyaunewau jethauujenee.

<sup>56</sup> Nau Mare haenedauguva hanāenethe hesese heee, nau hanaāejaehaude nehayau hedauauwu.

<sup>57</sup> Wauhā Elisabeth hanaāevadauauaude hadneejanēsāde; nau hanaāeahede.

<sup>58</sup> Nau henedaudevādaunau nau henethesaunau haenedauwauthaa hasauwunaunāde Vahadāhenith haenauhauthehaa vanasaunee hauwunaunadede, nau haenetheneethajauvaa.

<sup>59</sup> Nau hethauwu, henee häenasaudaunese haejenaususanaunau hadgauguusenith dāeyaunauau; nau haedethanauau Zacharias, thauguu hensesedaunin hensesaunaune.

<sup>60</sup> Nau henaune hegau, hāheyaugaune, Jaun hadnethade,

<sup>61</sup> Nau hathauhaugaunee hehauwuseenauau hādauānauau nuu neseede,

<sup>62</sup> Nau haevathasauwunanaunau hensesaunaunin, haadeneseenethe.

<sup>63</sup> Nau haenaudedede dasewauthaunauha, nau haewauthaunauhā, Jaun haseede, hahagu. Nau haunauude haegaugauuthajaudene,

<sup>64</sup> Nau haegaunadenanauau, nau henethaune haegauchauunauaune, nau hanaāanadede, nau haevaveenethedauna Hejavaneathu.

<sup>65</sup> Nau nāthajaude haedasā haunauude henee hathāeouchaunauthee: nau vahee nuu nehedaunau haegaugauuedaune jedauwuu hathāauau jauaudanenauuwuu Judea.

<sup>66</sup> Nau yahee hathāenedauvade haejenanauwu hedahenauau, haudduthā naa dāeyaunaa, hahagaunee? Nau hejadenene Vahadānith haenedaunaa.

<sup>67</sup> Nau henesaunaune Zacharias haechauchaunaudene Vadanauwauthauwu, nau haeaeānautheda,

<sup>68</sup> Vaveenethedaunaa Vahadāde Hejavaneauthau Israel; hanau haenauujāda nau daujauaudanauau hedenanedane,

<sup>69</sup> Nau thauwaudanaude henenese hadnenayauhānauau jedauwuu hedauauwunene hedaununaune David;

<sup>70</sup> Dau nausunanadede hedenaa Hevadanaeyāhewau neenaedenethe hājeenaedenauau:

<sup>71</sup> Henee hadnenanedanenauau hehethe haujauthavene, nau hehethee hejadenaa vahee hāthāsānavādaunene;

<sup>72</sup> Hethauwuu hauwunaunadede nesayānēdauwunaude havasevāene, nau hadnedauyewuwude Hevadanenesedauwau;

<sup>73</sup> Deneauwauhude yesee havasevāene Abraham,

<sup>74</sup> Henee hadvenānauau, jenāthajaude hehethee hejadenene haujauthavene hadnenayauhānauau hadnevevethedaunauau.

<sup>75</sup> Nauguu vadanaunee nau chuwwu hathaāhede, vahee hesee hadenaededaunene.

<sup>76</sup> Nau nananin, dāeyaunaa, haeyāhe Hejavaa haudnethane: hanau nananin hadnedauwaudauwu Vahadāde hadnesaanudene hevaunaa;

<sup>77</sup> Hadvāde haeyaude hadnenanedanedaunee hededane hadjaegudanauwunaude hewauchudaunenenu,

<sup>78</sup> Hehethee havathee hauwunaunadede Hāsaunaunene; nanaa Naugusaje hehethee hejavaa hadnenauujādaunānauau,

<sup>79</sup> Hadvenaude hesee hathāetheaugunethe hadauveeyaunee nau hadaudugauyāsaa gaujauadahede, hadnedauwaudauau hauauthene hesee hadaudādauyaunee.

<sup>80</sup> Nau dāeyaunaa haeseau, nau hevadathuwu haedāeaune, nau haenaadaude hadaunechaudanee haunaude hesee hadneenauhauthethāde Israel.

## 2

<sup>1</sup> Nau hethauwuu hena hese hauchuwude haeneāsanaunee hehethee Caesar Augustus henee vahee henanedane hadnayāadee.

<sup>2</sup> (Nau nuu nayāadede haenedauwunese deauchuwunanenede Cyrenius Syria.)

<sup>3</sup> Nau vahee haeauāchudene hadnayāadee haunauude hanesāde hesee nehayau hededan.

<sup>4</sup> Nau Joseph jea haeyehau hehethee Gananee, hehethee hedan Nazareth, jedauwuu Judea, jedauwuu hededan David Bethlehem neseee, (hanau naadahagu hedauauwunene nau nedānee David.)

<sup>5</sup> Hadnethenayāde naguu Mareheau heauthehewauthādaune hadnenaune wauwu haeehāthane heee henesaune.

<sup>6</sup> Nau hethauwuu, henee hajesenausunanedauthee, hese haevadaunau hadnejanēsāde.

<sup>7</sup> Nau hanaāejanesāde henedauwusaune heau, nau haeajetha, nau haesevana hewauchuhauchave nedau vethehenethe; hanau haeneau vethedanaunauwuu.

<sup>8</sup> Nau hena vavade vedauauwuu haudānajuāhehauau haeadenauau, haeaunaunehanaunau haeaunauyauhauvanauau hadajauanenau vegau.

<sup>9</sup> Nau, wauhā, Vahadāde hadauthaune haedasā, nau havathee haeseenausāaunauau Vahadānith; nau haevasenāthajauunauau.

<sup>10</sup> Nau hautheau jevanāthajauau hathāhaugaunee: hanau, naune, nauuchaudaunathana hethadee waunauyauau havathee neethajaude, nanaa heee vahee henanedane.

<sup>11</sup> Heee nananena janese nuu desenee hededan David Henayauthāhe, nananede Chris Vahadāde.

<sup>12</sup> Nau nuu hadneaunauwuna; Nananena hadveehauna dāeyaunaa hanajehede, saese hewauchuhauchave nedauvethethee.

<sup>13</sup> Nau nauhaunee hena haewauthanauau hejavaa hautheanauau nauguu naa hautheau haevaveenethedanauau Hejavaneauthu, nau hasenehehaugaunee,

<sup>14</sup> Havathee hauwunede hesee Hejavaneauthau hejavaa, nau dasee vedauauwuu nanethaunee, hethadee hathanavana henanedane.

15 Nau hethauwuu, hauthaunauau haejaenauthā heseē hejavaa, Wauhā hadeehau-nau Bethlehem, hanathadagaunee nuu haudānajuāhehauau, nau nauhaudaawuu nuu hayewhu javeauau, nanaa Vahadāde hāēdauwunādaunene.

16 Nau haenauchuhanauusanauau, nau haeevehanauau Mare nau Joseph, nau dāeyaunauau haesaeseene hewauchuhauchauwauwuu heneē nedavethehenethe hewauchuhauchāve.

17 Nau hāenauhawauthee, haeneānauthedanauau nuu hathauthedaunāhethee heeē dāeyaunauau.

18 Nau vahee hathāenedauvade haegaugauanadauwu heneē hayauhuhau nuu hathauthedaunāthee haudānajuāhehau.

19 Nau Mare haeaunaunede vahee nuu hayauhuhau, nau haegaugauanade hedahaa.

20 Nau haudānajuāhehauau haejaesanauau, haevaveenethedaunanauau nau haevaveenethedaunanauau Hejavaneauthu heeē vahee hanathadavathee nau hathauhauthāthee, neethāedaunāhethee.

21 Nau hāenasaudauchuneseē hadneegaugausede dāeyaunaa heneeseēde Jesus, haseadagu nuu haseēde haenaneeseēde hauthaunau haunauau deejethāsee.

22 Nau heseē hāewaudeauchaude hasaunee hedauchuwude Moses hāevadaunee, haeyehauthanaau heseē Dadaunedan hadjenanauwunauthē Vahadāhenith;

23 (Hathauthaunauhunee hauchuwudaunaa Vahadāde, Dajee haunauahee heneē nedauwusau vadade hadnethade heseē Vahadāhenith:)

24 Nau hadnausāyadunee neesenehedaunee hauchuwudaunaa Vahadāde, Hanesethee vedāenauau, wauāthe hanesethee neauthuvedāesaunauau.

25 Nau, naune, hena henane haenedau Dādaunedan, Simeon haenaneeseēde; nau naa henane haechuvā nau haethauwuthajau, haeejauwuwude hadneneethajauthee Israel: nau Vadanauwauthauwu haethāsade.

26 Nau haeeauthedaunaa Vadanauwauthauwu, heneē hadjenauhauwauwau gaujauwauwude, haunauwude hadnauwauwude Vahadāhenith Chris.

27 Nau haeyeheenanauusa Vadanauwauthauwu jedauwuu Vadannauwuu: nau hāene henehā Hejavaeneauthusau jedanāde hadnesehāde thauguu hasauau hauchuwude,

28 Hanaējavethenauanaude hejadenaa, nau haevaveenethedauna Hejavaneauthu nau hanaēnehede,

29 Vahadāhene, hewaunehaa nanehāejenanaude hauwauwauwauwude hadnauwauwauwau nanethauaunee, hasauau hadanadede:

30 Heeē nasesā naunauhawauwauwau havāde Henayauthāhe,

31 Naa nananin hadnesaanudene hathaāhedaunee vahee henanedane;

32 Heseē hadneeseene Hathāauau henanedane, nau havathee hadnenedane Israel.

33 Nau Joseph nau henaune haegaugauanadauwu hena hayauhuhau hanasenehethavathe.

34 Nau Simeon haevethasa, nau haēdauwuna Mareheau henaune, Naune, Naa dāeyaunaa hanejenanade hadneanenauaudeneneē nau hadneejaegauhadeneneē hauwauwuu Israel; nau hanau nauhauthethau hadnevathavade;

35 (Haa, gaugauu hadneegauchuguhune nehayau havadathuvaa jea; ) heneē gaugauuthajaudenau hauwauwuu vadauhau hadneauthasuu.

36 Nau hena haenesā Anna, haeyāhe, hedaunau Phanuel, hanaadāde Aser: haewauthanenau hejajenewau, nau haenethenaedeva hechu nesaudauchu jajene hehethee neeseēde;

37 Nau haenevesāne heeē nasaudausauau yāneneē jajene, nananede haeejethaunauwude vadannauwuu, nau haenesedauna Hejavaeneauthu nauuguu nauwauwauwude nau vevethahede dajāee nau heseē.

38 Nau haeyejedā heeē haevaveene jea Vahadāhenith, nau haeeauthedauna vahee nethāejauwuwudethee jauwauwauwude jedauwuu Dādaunedan.

39 Nau hāesedaunee vahee hayauhuhau hasauau hauchuwude Vahadāde, haejaesanauau heseē Gananee, hadahethee hadan Nazareth.

40 Nau dāeyaunaa haeseau, nau haedāeune hevadathuwu, haeechauchaunauwude haeyauwude: nau Hejavaneauthu vadaude haethāsade.

41 Nau wauhā henehā haeehaunenau heseē Dādaunedan hadauchuvenaneneē vasevadaneseē Hadavechauthadede.

42 Nau deneseneneē hejajenewau, haeehaunauwau heseē Dādaunedan hanau nesedauneneē vasevadaneseē.

43 Nau hese hāevadaunee, hāejāesathee, dāeyaunaa Hejavaneauthusau haenasedauusa Dādaunedan; nau Joseph nau henaune haejaenauwu.

<sup>44</sup> Hau henaneda haenehauvā hathanauwauhauganee, nau haejanaugudaanee; hanaāenaudehauthee henedauānene nau henedaehāhene.

<sup>45</sup> Nau hāejeveehauthee, haejaesanauau hese Dādaunedan, daunaudehauthee.

<sup>46</sup> Nau hethauwuu hāenasese hanaāeveehauthee jedauwuu vadannauauwuu, haetheaugune nahethēe hauthedahehau, haejaatheha, nau haenaunaudeadauna.

<sup>47</sup> Nau vahee hathāenedauwauthāthee haegaugauanadauwu hedaeyaunene nau hedauchuhanehedaunene.

<sup>48</sup> Nau hāenauhauwauthee, haegaugauanavanauau: nau henaune, Nā, nau du hane-sehāane? hathāhuk, naune hāsaunau nau nananenau nenaudehane nejeneethajane.

<sup>49</sup> Nau hathauhuk, nau du haenaudehena? gauhajaene nauchāe wauwu hanedau-dauwau Nāsaunau henesethaude?

<sup>50</sup> Nau haejaenauwu hasenehethāthee.

<sup>51</sup> Nau hanaāenethaunaude, nau haenauusanauau Nazareth, nau haethauwaudaunā: nau henaune haeanaunedene vahee nuu nehedaunau hedahaa.

<sup>52</sup> Nau Hejavaneathusau haeneenaneune hedaeyau nau hajedāde nau vechauthaude Hejavaneauthu nau henanedanede.

### 3

<sup>1</sup> Wauhā yauthaunenee jajene wauwu neenanenede Tiberius Caesar, Pontius Pinade nausunajawaudauau Judea, nau Herod nanajawaudauau Gananee, nau henauhauwauau Theneb nanajawaudauau Iturea nau vedauauwuu Trachonitis, nau Lysanias naja Abilene,

<sup>2</sup> Annas nau Caiaphas vevethenajanauau, Hejavaneauthu nanadede haeedasaa Jaun heau Zacharias nauaunee.

<sup>3</sup> Nau haedade vahee vedauauwuu hanathaudanee Jordan, haeauthaude dusaahede haudneaugauthuu gaugauuthajaudenau hadneegudanee wauchudaudenau;

<sup>4</sup> Naauthaunauhuu wauthaunauhanaa hedanadede Esaias haeyāhe, Jasaye haevasehe nauaunee, Hesaanuu hathaāhede Vahadāhede, nesedee hevau chwuwuu.

<sup>5</sup> Hadauchugaauadayauau hadnechauchanaa, nau hadauchaē hauene nau jauaudane hadjananee, nau jajāvāe hadchuvanee, nau hadauhauauyauau bau\* hadneyauthauau;

<sup>6</sup> Nau vahee henanedanede hadnauhaudauau Hejavaneauthu hedenayauthaunene.

<sup>7</sup> Haenaāenehethaude waunauthanee henanedanede henee hedaśadaunau haddusaanaude, Hau hedenaedadaunenau seseyānauau, hanaa hāedauwunādaunenau haddaugauhudauwuna nauthee hasenaunaude hadnauusanauau?

<sup>8</sup> Hethadee nesedee hadeheaenaunee hadnaugauthuu haugaugauuthajaudenenau jevaauthenehee hadahenauau, hāsaunaunene Abraham: hanau nāedauwunathana, Hejavaneauthau neene nesehaude nuu hauunaugānau Abraham hedāeyaunewau.

<sup>9</sup> Nau wauhā jea hauunauchu janenee hethājee hauhaudee: vahee hauhaudee jeneeadehuk vevenaundenau haddauwauhude, nau hadneewaudeadaunanee.

<sup>10</sup> Nau henanedanau haenaudeadaunaa, hauddusedaune? hathāhuk.

<sup>11</sup> Hanaāēdauwunaude, Daun nanesevehudaunade, jevensaunau javevehudaunenith; nau daun hevethenede jenaasedaude, hahagu.

<sup>12</sup> Wauhā haenaāenuusathee hauāyāhehauau haddusaahethee, Hechauhauthethāhe haud-dusedaune, hathāhuk,

<sup>13</sup> Nau hathāhaugaanee, javaauthaunaudaunāthe henee nethautheavane.

<sup>14</sup> Nau vanenanenau hanaasedaunethe, hanaasenehethāde, Nau haddusedaune, hathāhuk? Nau javaauthasenehaa henaneda, hathāhaugaanee, javaauthenanauneevā henaneda, nau hadnanethauaunahedava haunaudaunadenenau.

<sup>15</sup> Nau henanedanau hathanavāhuk, nau vahee henanedanede haegaugauanavaa hedāhenenau Jaun wauau Chris haenane, nau wauāthe hajee;

<sup>16</sup> Jaun hanaāauchuhanehethaude, hathauhuk vahee, Hadneedusaanathana hee naje; hau hanesāde javaānauāde javaāhenau jaunau hewauhugu hewauaunaa nāhauwuneaugunavane, hadneedusaanāna hee Hejavaneauthu Vadanauwauthauwu hee heseda.

<sup>17</sup> Henaunasāhau nanewauunauau, nau hadgaunauhauau heyauthee nedauthauayāde, nau hadnauānauau wauchunethauuhanau nedauthānauau jenayaunau; hau jenethauayaunau hadvadauchauauau hesedaa nedaujesaudaunaahe.

<sup>18</sup> Nau waunauthanee hanasejāesaunee hayauhuhau hanathauthedaunade henanedanau.

\* 3:5 "Bau" probably should be "vau" (meaning "way" or "road"), in line with the rest of the text, since the letter "b" appears nowhere else except in foreign names.



<sup>19</sup> Hau Herod naja haeauaunewau heee Herodias henauhauwauu Thenebeau henenene, nau vahee hathäewausaunee hanasedaude Herod,

<sup>20</sup> Haewauhaunene nuu vahee henee dauaugauhude Jauneau duguhunauuwuu.

<sup>21</sup> Wauhā häevahesedusaahedaunee henanedanede, hethauwuu henee Hejavaneauthusau haenethedusaā, nau haevevetha, hejavaa hanaāegaunanenee,

<sup>22</sup> Nau Hejavaneauthuvadanauwauthauwu haejejanauhuse hedanayaunaa hedanayau haenaasaunee waude vedäene nau hanadede haejenauusa hehethee hejavaa, hasenehehuk, Nananene vechauthauu Nāa, nananene vaveenethedaunathane.

<sup>23</sup> Nau Hejavaneauthusau nehayau wauwu wauau hanasauau jajeneva, hanane (hathanavade) heau Joseph, nananenith heau Heli,

<sup>24</sup> Nananenith heau Matthat, nananenith heau Levi, nananenith heau Melchi, nananenith heau Janna, nananenith heau Joseph,

<sup>25</sup> Nananenith heau Mattathias, nananenith heau Amos, nananenith heau Naum, nananenith heau Esli, nananenith heau Nagge,

<sup>26</sup> Nananenith heau Maath, nananenith heau Mattathias, nananenith heau Semei, nananenith heau Joseph, nananenith heau Juda,

<sup>27</sup> Nananenith heau Jonanna, nananenith heau Rhesa, nananenith heau Zorobabel, nananenith heau Salathiel, nananenith heau Neri,

<sup>28</sup> Nananenith heau Melchi, nananenith heau Addi, nananenith heau Cosam, nananenith heau Elmodam, nananenith heau Er,

<sup>29</sup> Nananenith heau Jose, nananenith heau Eliezer, nananenith heau Jorim, nananenith heau Matthat, nananenith heau Levi,

<sup>30</sup> Nananenith heau Simeon, nananenith heau Juda, nananenith heau Joseph, nananenith heau Jonan, nananenith heau Eliakim,

<sup>31</sup> Nananenith heau Melea, nananenith heau Menan, nananenith heau Matthatha, nananenith heau Nathan, nananenith heau David,

<sup>32</sup> Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason,

<sup>33</sup> Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda,

<sup>34</sup> Nananenith heau Jacob, nananenith heau Isaac, nananenith heau Abraham, nananenith heau Thara, nananenith heau Nachor,

<sup>35</sup> Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala,

<sup>36</sup> Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech,

<sup>37</sup> Nananenith heau Mathusala, nananenith heau Enoch, nananenith heau Jared, nananenith heau Maleleel, nananenith heau Cainan,

<sup>38</sup> Nananenith heau Enos, nananenith heau Seth, nananenith heau Adam, nananenith heau Hejavaneauthau.

#### 4

<sup>1</sup> Nau Hejavaneauthusau wauwu haechauchaunade Vadanauwauthauwu haejeehedesa hehethee Jordan, nau haeyehauthaa Vadanauwauthauwu nauaunee,

<sup>2</sup> Yāyauu hese hananeedauchunese haenayāthethaa Haujaune, nau hena hese haeheejeveth: nau häevathenesee, haenaāasenade waunee.

<sup>3</sup> Nau Haujaune hathāhuk, hith nananene Haāthauwuāvaa Hejavaneauthau häedaunene naa hauunauga hadejauaujaunenede.

<sup>4</sup> Nau Hejavaneauthusau haeauchuhanehe hathauhuk, Wauthaunauhuu henane hehauwuunaede jauaujaunau jasaa, hau heee haunauude hedanadedanene Hejavaneauthau.

<sup>5</sup> Nau Haujaune haenauauhuchauhaa hauanee hadaujauudanenee, nau haenauhauthehaa vahee najanede hathāauauvaa henanedanede chauchaunu.

<sup>6</sup> Nau vahee nuu najawaude hadvenathane, nau hauwunede, hathāhuk Haujaun: hanau henee nananenau devenanau; nau daun navadaunau hadevenauau.

<sup>7</sup> Hith nananene henaheee hevevethedaunenagu, vahee hadnehanāhene.

<sup>8</sup> Nau Hejavaneauthusaun hanaāauchuhananadethāde nau hathāhuk, Hedehau naugauvaa, Haujau haugau hathauthaunauhuu, Nananene hadevevethedaunade Vahadāde Hāsaunau, nau hanesāde haudnevevethedaunade.

<sup>9</sup> Nau hanaāehauthāde Dādaunedan, nau haejenanaa naunauchuu vadannauuwuu, nau hith Haāthauwuāvaa Hejavaneauthau hauwujanauu hede hehethee, hathāhuk:

<sup>10</sup> Haugau hathauthaunauhuu, Hadādaunauude hedaunau haddunānaune:

11 Nau hejadenenau hadejedunānaune, havaaugugausene heaudaa dasee hauu-naugāe.

12 Nau Hejavaneauthusaun hanaāauchuhananadethāde nau hathāhuk, Hasenehee, Nananene jevanayāthehene Vahadāde Hāsaunau.

13 Nau hāevathenayāthedaude vahee, hanaāejathāde haujau najee,

14 Nau Hejavaneauthusau hanaāejaenadāhede Vadanauwauthauwu haduu Gananee: nau hanaāauthedaunenede hanaāeneāsanaunee vahee hathāauau Gananee nauanee.

15 Nau haeechauhauthaha vevethahenauauwu, nau vahee haevaveeneha.

16 Nau haenauusa Nazareth, needaunauuchauhade: nau dajauanee nesedaude haeye-hau vevethahenauauwu vadanese, nau haetheaugu dasauhaudauau wauthaunauha.

17 Nau haevenau hewauthaunauhanene haeyāhew Esaia. Nau hāegaunauau wauthaunauha, haeveede hadauwauthaunauhune,

18 Vahadāde Hedauwauthauwu nanadeaunānau, hanau dehedusaanānau javeda hadnauthedaunu hethadene waunauanee hadavenuhethethe: hanejevāde haudne-nayauhu naudauwuthajauthee, hadnauthedanau haudjaejenanathee wauwaunauau, nau hadnejanauhauthāthee nanenauguthee, haud-jaejenanathee\* hasenethaunauau,

19 Haudnauthedaudauwu hethadee jaunaunauau jaje Vahadāde.

20 Nau haeauauvane wauthaunauha nau haējaevana vevethahew, nau hanaāejanaugude. Nau vasesā vahee hathāanedauthee vevethahenauauwu haenāuhauvanauau.

21 Nau hanaāejasesenehethaude, nuu desene nuu hathauthaunauhu hethauvaa haunau-daununenau.

22 Nau vahee haesegaugauudedaunene, nau haegaugauanadauwu hethadenee hedanadedaunene hethāenethaunene. Nau gaunuu jee heau Joseph? hahagaunee,

23 Nau hanaāenethaude, Nananena hadethauwunehesena nuu heeejegausudede, Nau-daunehāhe, nehanaenayuhade: heene nanāthadauwanee nanāsedaunee Capernaum nane-hasedaunee nechau hede nehayau havadauauwuvaa.

24 Nau hathauhuk hethauwu nehethathana, Hegau haeyāhe hehauwuvechauthau nehayau hevedaauwuvaa.

25 Hau hadauthedaunathava hethauwu, waunauthathee henevesānauau neanedauthee Israel, hesee deanedaude Elias, hejavaa denausunaugauhuu nasau jajene nau nedau-dauchu hesese, devasauau hasenaude denanadesanauau vedauauwu;

26 Hau hehauwunesāhene hejevādaunene Elias, vavade Sarepta, hedan Sidon, hesā nananede henevesā.

27 Nau newauthathee naugaugauwuhauau neanedauthee Israel deanedaude Eliseus haeyāhe; nau hehauwunesā henayuhade vavade Naaman Syrian.

28 Nau vahee hathāetheauguthee vevethahenauauwu, hāenedauwauduu nuu hayauhau, haeechauchaunadenenau hasenaunade,

29 Nau haegauhānauau, nau haenunanatheguthanauau hedan, nau haeehauthanauau hauchauguu jauaudanee haduunee hededanenau needaunesehenee neaudnedauauwuguthathee hauthedaunaānee.

30 Hau haejavechautha hehethē nahethāe, haejathāau,

31 Nau haenauusa Capernaum, hedan Gananee, nau haeauthedauna vadanesenenee,

32 Nau haegaugauanadauwunenau hasechauhauthaude hedanadedaunau, hanau hedanadedaunau haenauthaunenau.

33 Nau vevethahenauauwu henane haenedau hevadathuwu haewauchāhene hau-jaun, nau haevasanade,

34 Jenehāaa; hathāhuk, haudduseha nananene Jesus Nazareth? gauhāejau haud-nauauhāane? Haenaunathane hadāhene; Vadanauau Hejavaneauthau.

35 Nau Hejavaneauthusau haeneuva, dādaunauu, hathauhuk, nau jenauchune. Nau haujau hāegausewaude nahethāe hanaāejenauthaude nau haejaseneha.

36 Nau vahee haegaugauanavaa, nau haeanadethadenenau jae, nuu hayew hanadede; hathāhuk, hethauwu naugu hanauthenehetha haenesedauwauna wauchāhenethe hau-jaunau, nau hanaāejenuahethee.

37 Hanaāauthedaunenede nanadee jasesee gauānee vedauauwu,

38 Nau haegauhā haenauā vevethahenauauwu, nau haiejedā Simon hedauauwu. Nau Simon henene henaunene haenauauwuvāhene; nau haeeauthewaunauthasanauau.

39 Nau haetheaugudauna, nau haeneude hasauwauvahede; nau haenauthaa: nau nauhauhaunee haegauhā nau haedauihauvanauau.

\* 4:18 There is a midline hyphen in "haud-jaejenanathee" which doesn't appear in same word earlier in the verse. There are no other midline hyphens in this text at all, and this hyphen is probably without significance.

<sup>40</sup> Wauhā hesese hāenaesade vahee hathāenethenauthēe hasauwauvahehehau hanasejaechauwauvāhenethe haenauuchaudaunau; nau haedajevasana nau haenayauha.

<sup>41</sup> Nau haujaunau nau nauuu haevanauusanauau haewauthanauau, haeneānadenauau, nau haenehenauau, Nananene Chris Heau Hejavaneauthau. Nau haeneneuva haejehuwaunanadeha: dauhaenauwunethe dau Chris denede.

<sup>42</sup> Nau hāesenene, hanaāejathāude hesee hadauncheaudanee, nau henanedanau haenaudehaa, nau haeedasaa, nau haedauduvaa, haudjenauthaude.

<sup>43</sup> Nau hanaāēdauwunaude, haudnauthedaudauwau najanede Hejavaneauthau gauchuhunee hedanau nauuu: haugaunaasejejenananau.

<sup>44</sup> Nau haeautheda vevethahenauauwuu Gananee.

## 5

<sup>1</sup> Nau hethauwuu, henanedanede haeneenavadaunedaauwauwuu hedanadedauunene Hejavaneauthu, haetheaugu sasethauwuu neajee Gennesaret,

<sup>2</sup> Nau haenauhaude hanesanenee thewaunau haetheaugunenau sasethauwuu neajee: hau naunauyāhehauau haeyauhaudesanauau, nau haeanahesadenauau henauyaundenau.

<sup>3</sup> Nau haejedā jāsaa hethewaunene, Simon, nau haenehetha hadwauauwuhudede vanehaa hehethēe vachuwauauwuu vedauauwuu. Nau haejanaugu, nau haechauhauthēha henanedanau hehethēe thewaunaa.

<sup>4</sup> Wauhā hāevadauthedade, hanaāēnehethaude Simon, wauauwuhude hadaudavee, nau henaunauwuu haunauyaude hadjathāne.

<sup>5</sup> Nau Simon hanaāauchuhananadethaude, Hechauhauthethāhe, naunaugaunenesethānauau, nau nāhauwuthaujathāva: hau hegaugaunauau hadnaenauwuaudenau nauyaude haugau hasenehene.

<sup>6</sup> Nau hāesedauthēe nuu haewauthanenau hejathauenau, nau haethauwunauaune henauyaundenau.

<sup>7</sup> Nau haeadethanauau henedaehahenau danachaugunethe jāsaa thewaunaa, haudjaunethe, nau haudnedāhevāthee. Nau haenauusanenau, nau haechauchaunaudenauau hanesanenee thewaunau hanaāēnauwuu.

<sup>8</sup> Hāenauhaudauau Simon Peda, haechauāgūjanaugu hejaedayānene Hejavaneauthusaun, nau chu, hathāhuk; haugauhauhauganenau, Hau Vahadāhene.

<sup>9</sup> Haejenaunethajau, nau vahee hethāenethaunādaunau daunauanauthēe nauwu hejathauenau.

<sup>10</sup> Nau nauuu James, nau Jaun, heauhau Zebedee, henedaehauhau Simon. Nau Hejavaneauthusaun hanaāēdauwunaude Simon, Jevanāthajau, hewaunehaa heee nananene haudnesedanaude henanenauau.

<sup>11</sup> Nau hāenauuchaudethee hethewaunenau vedauauwuu, hanaāēnauduu vahee, nau hanaāēnethauguhauthēe.

<sup>12</sup> Nau hethauwuu, hānedaude jāsaa hedan, naune henane haechauchaunaude naunaujaunee haugauwude; hāenauhauwaude Hejavaneauthusaun haeuāneseeve, nau haeauthēava, Vahadāhene, vathēhānenagu hadeneeyaudanene hathauhuk.

<sup>13</sup> Nau haeyethauha, nau haevasana, vanathehānau: heyaudāhe, hathaukuk. Nau nauhauhaunee naunaujaunee haugauwude haenauthaa.

<sup>14</sup> Nau haenesedauwunā haudjēdauwunaunith henanedane: hau najesa hadnauhauthēhau hadanayau vevethāhevāhe, nau hadvā dauhenayauhane, Mosase neesedauvade, haudneāenuu.

<sup>15</sup> Hau haeneenanauthedaunene neānee: nau havathee haewautha henanedanede haeauānauuchaudene daujēwaunējaathededaunee, nau haudnenayauhāthee hedaauwauvahedaunenau.

<sup>16</sup> Nau haejathāu hesee nauaunee, nau haeevetha.

<sup>17</sup> Nau hethauwuu jāsaa hesee, hajesechauhauthethāde, Nesethajauhuhauau nau hechauhauwauwuhuhauau nanavaavede haetheaugunauau hejava, haejeehedesanauau hadauchāe hauwauhauauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhaude.

<sup>18</sup> Nau, naune, henanenauau haenauuchauhanauau henanene heee hedauwune haesevāhene nau haenayāthējedananauau, nau hadjenanauwunauthēe hathaājēnith,

<sup>19</sup> Nau hāejevedethee haudnethējedanauthēe hanau dauwauthaa henanedanede, hanaāēnauaunauthēe dasee hauauwuu, nau haejanauhaujānanauau, hehethēe dasee hejavaa hauauwuu nauuu hedauwune nahethāe hathaājēnith Hejavaneauthusaun.

<sup>20</sup> Nau hāenauhaudauwunith hedethauwuthajaudenenau, hanaāēdauwunaude, Henane, hauwauchudaude gaunudanauwunane.

21 Nau wauthaunauhāhehauau Nau Nesethajauhuhauau hanaāejasesegaugauuthajauthee, Hanaa naa hananade nehedaduhude Hejavaneauthu? hathāhuk. Hanaa haudgudanauau wauchudaude, vavade Hejavaneauthau, naanesāde?

22 Hau hāenauwunith Hejavaneauthusaun hegaugauuthajaudenenau, Haudusethajauva hadahenauau? hathāhaugaunee,

23 Hayew gauchauaa, nehehāgu, Hauwauchudaude gaunudanauwunana; nau wauāthe gauhā nau javesa heheagu?

24 Hau hadaenauwu henee Heau henane naunaudāde dasee hathāauauvadee negudanauau wauchudaude, (naasenehethauhaugu neasauwauvahedauwunith hesevahede) Hāedauwunathane, Gauhā, nau hedanau hauddau nau najesa nananene haudauauwu.

25 Nau nauhauhaunee haethauwauthe hathaājenethe nau haedane heaugusenadenau nau hanaāejathāude hedauauwu haevaveenethedauna Hejavaneauthu.

26 Nau vahee haegaugauuthajaudene nau haevaveenethedaunanauau Hejavaneauthu, nau haechauchaunaudenauau nāthajaude, Naunaudauhauthānauau nuu desene, hāheagu.

27 Nau hāevathedaude haejathāau nau haenauhauva hauāyāhe Levi hanaaseenith, haetheaugune nedaudanauau hauāyauau, nau jethauguhu hathauhuk.

28 Nau haevanauthā, haegauhā, nau haethaugu.

29 Nau Levi haevasevethheha nehayau hedauauwu, nau haewauthanauau hauāyāhehauau nau hauthauau haenedauguvā.

30 Hau wauthaunauhāhehau nau Nesethajauhuhauau haeaunevā hethauguhādaunau, nau haenethevethewauana nau haenedaveyāwauana hauāyāhehauau nau wauchudauhuhauau, hathāhaugaunee?

31 Nau Hejavaneauthusaun hanaāauchuhananadethāthee, hathāedēnaedetthee hehauwuvathēhā naudaunehāhew; hau hathāasauwauvahethee.

32 Nāhauwujenauusa haudnadethu hethahethee hau wauchudauhuhauau hadnaugaudanene hegaugauuthajaudenenau.

33 Nau hathāhuk naudu hethauguhādaunau Jaun denauaunenaugauyānethe, nau devevethahethee, nau naasedauthee hethauguhādaunenau Nesethajauhuhauau; hau hanethenaunauau havethehethē nau havaveyāthee?

34 Nau hathāhaugaunee, Gauhājeneenesehauva dāyauanaunauau nedauenenedaunee hauauwu naugaugauade hajesanedaunāthee waunenenehew?

35 Hau hese haudnauauchu, haudneedanauwunana waunenenehe, nau hee hadnaēnauyāthee hena hese.

36 Nau hanaāanadethaude jea jegausauhānee; Henane hehauwu jenane waunauyane neauthayew hadaugauthāyane, hith hesedauhuk, nau hadauwayane needaunauu, nau jasaa needanee hadau wayane hehauwunēauchauna gauthāyane.

37 Nau hegau henane hehauwujenane waunauyane vasevenenaje gauthānēvajaunaa; nau wauāthe wauyagu vasevenenaje haddaudeauau nevajaunau, nau hadgusenauauau, nau nevajaunau haddenanaunauu.

38 Hau waunauyauau vasevenenaje hadedaunee hadauwayauau nevajau, nau nane-saauthadee.

39 Nau hegau henane hesevanaagu gauthānevasevenenaje nauhauhaunee haevathēhaa waunauyane; hanau gauthāyauau hethadee, hathauhuk.

## 6

1 Nau hethauwu naneseauwauau vadanese, haehedesa jenayaunaa; nau hethauguhādaunau haegaugauunauwu wauchuunethauuhanau, nau haevethenauau, haegaunee gudenauau hejadenenau.

2 Nau hauthauauau Nesethajauhuhau, Naudu hanesedauna waujaa nanavanau nesedaude vadanese hathauhaugaunee?

3 Nau Hejavaneauthusaun hanaāauchuhananadethaude, Gauhājethaunauhaude nuu hasauau David neesedaude, nehayau deasenade, nau neethāenethaunāde.

4 Neesejedāde Hejavaneauthu hedauauwunene, nau needanauau nau nevethee nauhauthēthājauaujau, nau haevana heethāenethaunaunau; waujaa nanavanau veyāgu hau jasaa vevethahevahehauau?

5 Nau hanaāēdauwunāthee, Heau henane nanethadāde vadanese.

6 Nau hethauwu jea jasaa vadanese haejedā vevethahenauauwu nau haethada: nau henane haenedau hejavese hejadenaa haesevane,

7 Nau wauthaunauhāhehau nau Nesethajauhuhau haeanauyauhauvaa, wauau haadenayauthā vadanese; hadnejauadaunauthee dauhanājauauunauthee.

8 Hau haeanauwu hegaugauuthajaudenenau nau hanaāanadethaude henanene hesevenasanih, Gauhā nau yethaagu nahethāe. Nau haegauhā nau haeyethaagu.

<sup>9</sup> Hejavaneauthusau hanaāēdauwunaude, haudnaudedauathana nananena hanesadee; Gaujenanavanau vadanese hethadāgu hasedaunee, nau wauāthe wauchudauneagu? henayauhāgu henaedede, nau wauāthe nanaunehāgu?

<sup>10</sup> Nau hanaāenauānede vahee, hanaāēdauwunaude henanene, Segauha hajade. Nau hanaasedaude: nau hejade haenayauhune jasaa hasaunee.

<sup>11</sup> Nau haeechauchaunaudenau hasenaunade: nau hanaāaunauchuwuhadethee daun haudnesehauthee Hejavaneauthusaun.

<sup>12</sup> Hethauwuu hena hese, haeehau hauanee haudnevevethahede, nau haunau nau-gaunee haeevethedauna Hejavaneauthu.

<sup>13</sup> Nau hāesenee, hanaāadethaude hethauguhādaunau; nau haedana vadadauchunesenee, hanaāeneseaude vadauhanauau.

<sup>14</sup> Simoneau (jea haegauguthea Peda haseauhuk), nau Andwheau henauhauwauau, James nau Jaun, Thenib, nau Bathaunaumew,

<sup>15</sup> Matthew, nau Taumis, James heau Atheas, nau Simon Zenantes haseadagu,

<sup>16</sup> Nau Judas James henauhauwauau, nau Judas Iskariot,\* hanane jea neheaudaunade Hejavaneauthusaun.

<sup>17</sup> Nau haejenauunethauna nau haetheaugunauau hethauauwuu, nau hadauchenanene the hethauguhādaunau, nau haevasenauthenanedau henanedanede hehethēe vahee Judea nau Dādaunedan, nau hehethēe sasethauwu hadajee Tyre nau Sidon hethājenauuāathēhādaunau, nau haudnenayauhāthee hedasauwavahedaunenau;

<sup>18</sup> Nau hathāenaunauthauwauvahethee wauchāhenethe haujaunau: nau haenayauhau-nauau,

<sup>19</sup> Nau haunauude hadaucha haevadauvasanau hanau daunudesanaunee hevadaude nau haevahenayauha.

<sup>20</sup> Nau hanaāenāuhauwaude hethauguhādaunau, Hauwunaunana nananena hadavenuhuna; hanau nananena najanede Hejavaneauthu, hathauhuk.

<sup>21</sup> Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena.

<sup>22</sup> Hauwunaunana nananena, henaneda hasānavānā, nau jaasauunānā, nau naunau-nauthēvānā, nau hausāgudenauthē haneseedaunenau hadauwauasaunee, haugau Henane Heāhene heee.

<sup>23</sup> Haunauwuthajauau henee hesee heee, nau jajanauauau heee haunauwuthajaude: hanau, naune, hanavanasauau hadaugautheavadenene hejavaa: hanau naneesedaugaunee henesaunaunenau naneesehauhaugaunee haeyāhehau.

<sup>24</sup> Hau naunauthauau hadnauauchaudaune hathāeveaunauaune; haugau hanesedanauwuna hauwauthenaedede.

<sup>25</sup> Naunauthauau hadnauauchaudauna hathāegaudana; haudnasenana. Naunauthauau hadnauauchaudauna hathāauchaunena hewaunehaa, hadnaudauwuthajauna nau hadvewauhuna.

<sup>26</sup> Naunauthauau hadnauauchaudauna, daunhāene vahee henaneda hāethadenee hasenehethānā, hanau henesaunaunenau naneesehauyaugaune jayaudauwaeyāhehau.

<sup>27</sup> Hau hadāedauwunathava nananena hathāenedauvana, Vechauthaa nananena haujauthavenau, heneehaa hasānavādaunenau,

<sup>28</sup> Hauwunaunaa hāwauwauchuvādaunenau, nau hevevethasaa hāwauwauchuhādaunenau nananena.

<sup>29</sup> Nau henee haudauauvāde hajāeanaa nau naugautha venene; nau hedanauaugu nananene hauddu jevaedanau jea naudauguvechude jevaethaa.

<sup>30</sup> Hevenaa daun henaneda hānedauwunādaunenau nananene; nau jeva jaenedauwunaa hedanauwunānagu daun hanethēyaunenau.

<sup>31</sup> Daun hasevatēhānaune henaneda hesehānenagu, nechau jenaasehaude.

<sup>32</sup> Hith nananena vechauthaunagu daun havechauthādaunenau nananena, haddusevaveeneva nananena? haugau wauwauchudauhuhauau nechau nevehauthathee hethāevechauthādaunenau.

<sup>33</sup> Nau hith nananena hethadāgu hasehaunā daun hānēneehādaunenau, haddusevaveeneva nananena? hanau naneesedaugaunee wauwauchudauhuhauau.

<sup>34</sup> Nau hith nananena hehaunagu daun hānējeauaunaudaunādaunenau, had-dusevaveeneva? hanau wauwauchudauhuhauau nechau neehauhaugaunee wauwauchudauhuhau, hadnejanaasesedanuu.

\* 6:16 "Iskariot" is spelt with a "k" here but in 22:3 with a "c". Biblical names in this text generally but not always follow the spelling of the King James Version (KJV).

<sup>35</sup> Hau vechauthaa nananena haujauthavenau, nau hethadeha hasedauna, nau hehānagu, jevajavathehāe; nau nananena haudaugauthevadenenau hadvasauau, nau nananena hadnaāedēyaunenena Javaājauthee: nau nenenehaude nethējevaveenenethe nau hauhauganau.

<sup>36</sup> Hedauiwuyane nananena, nananena Hāsaunaunenau jea hasedauiwuyane.

<sup>37</sup> Jevauuchuwuu, nau nananene hadnaajauhuwane: nau jevaduguthāe nau nananena hadnehauwuduguhuva: hejaegudanauiwuyāe nau hadnejaegudanauiwunane nananene:

<sup>38</sup> Vāe, nau hadnevenana nananene, vavesethajauauthāe, dāayāe, nau dāesathāe, nau haunauwauauthāe, hauchauva, henane hadvenāna. Nechau hadnaasethajauaudaunāna hasethajauauthānā hadnanesethajauaudaunana.

<sup>39</sup> Nau hanaāanadethaude haejejegausuhu, Gaunanenauguhu jenenuājetha nanenau-guhu? Gauhaudjenesauujanesenauau gauuhanaa?

<sup>40</sup> Thauguthāe hehauwujavāhe hechauhauthēhadaune: hau haunauude hanesāde daun haunauudaunāde hathāhenith hechauhauthēhadaune.

<sup>41</sup> Nau naudu hanauhaudauwu nananene hahavaa hejaheede hesesāe, hau haājevaseshau havadauhaude hathāsewau hasesāe?

<sup>42</sup> Wauāthe haudduesenehethau nananene hahavaa, Jāedaā, hadaugauhauwunathe ha-jaheede hasesāe, hau daujenauhauwaude havadauhaude hathāsewau nehayau hasesāe? Nananene jayaudauwunaedehe, nedauau haugauhune havadauhaude hathāsewau nehayau hasesāe, nau hadenaāeneauvane hadenaāeneaugauhauwu jaheede hethāsathau hahavaa hesesāe.

<sup>43</sup> Hanau hauhaude hethahagu hehauwuseaude wausaunee vevenaundenau; nau wauāthe wauchahagu hauhaude hehauwuseaude hethadeneee vevenaundenau.

<sup>44</sup> Hanau hadauchude hauhaude neaenaunede hanasaunee hevevenaundenau. Hanau hauchahevesee henanenauau hehauwunaadauhauānuu hauyuauchuwunau nau dauchuwusee hehauwunaadauguunee dadajevenau.

<sup>45</sup> Henane hethāde hehethee hethadeneee heda nenauchaudede hethadenee; hau wauchāhede henane wausaunee heda nenauchaudede wausaunee: hanau waunauthaa hehethee hedahaa hede nanadenaunee.

<sup>46</sup> Nau naudu, Vahadāhene, Vahadāhene, haesena, hau nejesedauna hayauhuhau hasenehethathana?

<sup>47</sup> Daun nādasāde nau nedaunānagu hasenehenaunauau, nau hesedauhuk, haudnauhauthehathana haudnethāde:

<sup>48</sup> Henanene henee nenesedenethe hauauwu naathāde, nau henee nejayauchauhuu, nau naneejenanauau hauauwu dasee hauunaugāe: nau nauunauuu naje neje nau-nauthuu jaathāsāe henee hauauwu, nau hehauwunauauvathāu: hanau daunāadaa hauunaugāe.

<sup>49</sup> Hau jaathedehe, nau janenaasedauthē, naathāde henanenau henee nedasauauvānethe vedauauwu; nau neje jaathāsāe naunauthuu, nau nauhauhaunee naunenauau; nau thauwusāe henee hauauwu nevasauau.

## 7

<sup>1</sup> Wauhā hāevathanadede vahee hanasenehede daujajaathēhade henanedanede, haejedā Capernaum.

<sup>2</sup> Nau jasaa vanenenaja hewauwaune haevēchautha haeaugauwune, nau haeyānājane.

<sup>3</sup> Nau hāenedauwauthaude Hejavaneauthusaun, haeauthēava vachaugananenau Jews, haedetha hadjaunith nau hadnenayuthaunith hewauwaune.

<sup>4</sup> Nau hāedauchauthē Hejavaneauthusaun, haeauthēauwunauthasanauiwau haugau-naunee, hanau hethāde naa henane naa haudneenesedaude, hathauhaugaunee:

<sup>5</sup> Hanau vechaudauau nadedanenau, nau nenesedaunānauau vevethahenauauwu.

<sup>6</sup> Hee Hejavaneauthusau hanaāejasesenethaunāde. Nau hāeauthauau hauauwu, nanene-naja haejajedauaunenenu henedaehauhau, Vahadāhene, jevauwauthajau Nananene: haugau wauchāhenau hadjedāne naudauauwu, hathauhuk:

<sup>7</sup> Nanaa nājewauchanavadede dauudasathane: hau vavade nehedau hanadede, nau naudauthēau hadeenanedanede.

<sup>8</sup> Hanau nananenau nanethenenenau naunaudāhenau, nanethenu vanenenenauau, nau naāēdauwunauau hanesāde yehau nau naāejathāude; nau jasaa, Nahāje, hathauau nau jaunau; nau naudauthēau, Nesede, hathauau, nau nanesedaude.

<sup>9</sup> Hejavaneauthusau hāenedauwaudauau nuu hayauhuhau, haegauguanava, nau haenauthēgauthaagu, nau hanaāēdauwunaude henanedanau hethāethauguhādaunau,

Hadāedauwunathava, Haunauau nāhauwuveehau vasee hethauwuthajuhu (naa hathāde henane), hegau, hehauwuu haduu Israel.

<sup>10</sup> Nau henee hathāautheavathee, hājeaunuusathee hauauwuu, haeveehanaau wauwaune haenanedanene henee neasauwauvāhenith.

<sup>11</sup> Nau hethauwuu jasaa hese, hanaāehaude hedan Nain hase nauyāgu; nau haewauthanenau hethauguhādaunau henethaunādaunau, nau hauwauhuu henanedanede.

<sup>12</sup> Wauhā hāyānausade hejavaaa dajanaunaa hedan, naune, naa najaa henane naunudanade, jasāsau henaune, nau haenevesānene: nau haewauthane henanedanede hehethēe hedan haenethaunaa.

<sup>13</sup> Nau hāenauhauwaude Vahadāde haeauwunauna, Najanaudāve, hathauhuk.

<sup>14</sup> Nau haedasa nau haevasane nauaunechauthau: nau hethāenauaunechauhādaunau haedādauyaugunenau. Haunaua, hāedauwunathane, Thauwauthē, hathauhuk.

<sup>15</sup> Nau henee nenajaa haethauwaudaugu, nau haenāējasesanadede, nau hanaāevenaude henaunene.

<sup>16</sup> Nau nāthajaude haedesa vahee: nau haevaveenethedaunanaau Hejavaneauthu, Havathee haeyāhe hanejauaude hadedanene; nau, Hejavaneauthu haenaujādauna henesaunau, hahagaunee.

<sup>17</sup> Nau nuu dauauthedaunenede haenanadesanaune vahee Judea, nau nanadee gauānee vedauauwuu.

<sup>18</sup> Nau hethauguhādaunau Jaun haeauthedaunaa vahee nuu hayauhuhau.

<sup>19</sup> Nau Jaun haedetha hanesenethe hethauguhādaunau haeyethatheava Hejavaneauthusaun, Gauhanane henee waudaudjaude? nau wauāthe gauhadnaudenauhauwau jasaa?

<sup>20</sup> Hāedauchathee henanenauau, Jaun Dusaayāhe janādauthēavānaau Nananene, hathauhaugaunee, hanaāenaudedanaunthee, Gauhanane henee waudaudjaude? nau wauāthe gauhadnaudenauhauwau jasaa.

<sup>21</sup> Nau vavade hāauchaauau haenayauha haewauthanenau vavavāauhuhau nau havathee haugauwude, nau wauchāhenith haujaun; nau haewauthanenau nanenauguhuhau haevana nauhauthau.

<sup>22</sup> Hejavaneauthusaun hanaāēdauwunāthee, Najajathāauau, nau hadāedauwunauva Jaun hathāhaugaunee, hayewhu hanathauhauthāna nau hathadauvana; hasejaenauhauthāde nanenauguhu, jeneejavesāhe daujavesade, naunaujaunee hedaugauwudaunenau dauyudaahethee, hayājadāhe daunedauvade, gaujauadahehe daujaethauwauthede, hadavenuhu hethadenee waunauyaunee dauauthedaunade.

<sup>23</sup> Nau hauwunaunade daun najewauchuthajaudaunāde.

<sup>24</sup> Nau hāejathāaunethe Jaun hedauntheaunau, hanaāējasesanadedauau henanedanede hase-naedenethe Jauneau, Hayew nananena haewaunenauhauthaunenau nauaunee? gaugauguyāse daunauaavasee?

<sup>25</sup> Hau hayew nananena hāewaunenauhauthaunenau? Gauhenane hedāchaunau hejajhaunenau hedāchaunau? Naune, nethāeneenuhthee, nau neneenedethee thanāsee nauhuwunethe hedauauwunenenu.

<sup>26</sup> Hau hayew hāewaunenauhauthaunenau? Gauhaeyāhe? Haa, hadāedauwunathava nananena, nau javaāsee haeyāhehau.

<sup>27</sup> Naa nananene, wauthaunese, Naune, hadjejenanaau Naudauthēau hathaaguna, hadnesedaunāna hauvaunenau sayānee Nananena.

<sup>28</sup> Hanau nāedauwunathana, hadedanenu nethāenesaunēvāna hesānaau hehauwujavaāse haeyāhe hathāde Jaun Dusaayāhe: hau hena haugajehede hanedauhuk henajanedanene Hejavaneauthu javaāhehuk.

<sup>29</sup> Nau vahee henanedanede hathāenedaunāde, nau hauāyāhehauau, hanaāechuwauthethajaudaunauthēe Hejavaneauthu, haenethedusaanā dusaayāhew Jauneau.

<sup>30</sup> Hau Nesethajauhuhauau nau nanavaavehēhau yese nehayau haeausagudenaau hevathēhādaunene Hejavaneauthu, haejenethedusaanā (Jauneau).

<sup>31</sup> Nau Vahadāde hahagu, Hayew naudneedajenehethau henanedanede nuu henaedede? nau haethahenauthē?

<sup>32</sup> Waude dāeyaunauauau hathahethee theaugunauthē haudaunanaauwuu, nau danadethadethee, nau nanāhethēe, Nevadaunana, hau nananena nejevadana; naudauwuthajaudauwunana nananena, hau nejevewauhuna.

<sup>33</sup> Hanau denausade Jaun Dusaayāhe dejevethēe jauaujaunau nau dejevanaa vasevenenaje; nau nananena nanethenaude haujaun, nethauna.

<sup>34</sup> Heau henane daunausade dauvethede nau dauvana; Nauhauvaa naa henane naudaudāhe, nau vasevenenajevanehe, henedaehauhau hauāyāhehau nau wauwauchudauhuhau, nethauna.

<sup>35</sup> Hau haeyaude chaunuwuthajaudaunaude vahee hedēyaunewau.

<sup>36</sup> Nau hanesāde Nesethajuhu haedetha haidjewaunenethevethehevāde, nau haeye-hau haejedā Nesethajauhu hedauauwunene, nau haejanaugu hadvethede.

<sup>37</sup> Nau, naune, hesā hedan, haeauhaugane, hāaenaunaude Hejavaneauthusaun daujanau-gunith hadvethehenith Nesethajauhu hedauauwunene, haejāchaude jaāvāsaa chauayau,

<sup>38</sup> Nau haetheaugu hegauwune heauthene haewewau, nau hanaāejasesahasadede heau-thene heee hedejee nau haehaenauwu heee henethaanene, nau haenedane heauthene, nau haechauane heee chauayau.

<sup>39</sup> Wauhā Nesethajuhu hāadethaude hāenauhauwaude, haejaevenanadethade, Naa Henane, haeyāheyaugu, hanaenaunaude daunhadāhenith nau daunhathāhenith nuu hesāne hevasanādaune: hanau wauwauchuduhu, hahagu.

<sup>40</sup> Nau Hejavaneauthusaun hanaāēdauwunaude, Simon, haudnāedauwunathane nananene. Nau hanaāēnehethaude, Hechauhauthethāhe, nanehe.

<sup>41</sup> Hena jasaa sayānedanauwuyau haenesenenau hesayānedanauwunādaunau: hanesāhenith yauthaunevadadausauu vāejethā, nau jasaa yauthauyauu.

<sup>42</sup> Nau hāeyauhuunee haunaudauhudaunene, haenanethauaunegudanauwuna nesauuu Jeāedauwune, hanaane hevechauthādaune javaānee?

<sup>43</sup> Simon hanaāējaēdauwunaude, Nauchāe nananenith heneehejavaāgudanauwunaune. Nau hanaāēdauwunaude, Nananene neaenauwu.

<sup>44</sup> Nau hanaāeyethaagude hesāne, nau hanaāēdauwunaude Simoneau, Gauhau-nauhauwau nananene naa hesā? Nananenau nejedānau haudauauwu, nananene hāehauwuvene naje heee nauaudau: hau neheahasadede nauaudau heee hedejee, nau nehaenauau henethaa.

<sup>45</sup> Nananene hāehauwunedane hau naa hesā hāenauusanaunauu hehauwuthauu-jenenedane nauaudau.

<sup>46</sup> Nau dauguhua nauuu javeda nananene hajechauusānene hau naa hesā nechaua-nauu nauaudau heee chauayau.

<sup>47</sup> Naa hāedauwunathane nananene hewauchudaudenau waunauthanee gaunudanauwu-nade; hanau dauvechauthāde javaānee hau daun vanehaa gaunudanauwunade vavade hasevechauthāde vanehaa.

<sup>48</sup> Nau hanaāēdauwunaude hesāne, nananene hauwauchudaudenau jaegudanauwu-nane.

<sup>49</sup> Nau hethāenedauguvādaunau dauvethethee hanaāejasesanadethee hegaugauuthajau-denenauu hanaa naa negudanauu wauchudaudenau jea?

<sup>50</sup> Nau hanaāēdauwunaude hesāne, Nananene hadethauwaudaude henayauhāne nananene; najesa hadnauwauthenesane.

## 8

<sup>1</sup> Nau hethauwu waunee haejathāau nanadee hadauchanene hedan nau hajasee-hedan, dauaunauthedade nau daunaunauthethāde neethajauwe waunauyaunee hasaunee henajanaunene Hejavaneauthu: nau vadadauchunesene haenethaunaa,

<sup>2</sup> Nau jasaa hesānauu, haenayauhau dewauchāhenethe haujaunau nau vavavāuhuhauu, Mare haseadagu Magdalene, naunudanavathe nesaudauchu wauchāhenethe haujaunau,

<sup>3</sup> Nau Joanna henene Chuza Herod hadāhevāhe, nau Susanna, nau haewauthanauu hauthauauu, hevenādaunau hethāenetheyaunenenu.

<sup>4</sup> Nau hāeneenawauthaa henanedanede dauauāchaudenee, nau haedasaa hehethee nanadee hedane, hanaāeanadede jegausauhānee:

<sup>5</sup> Jenayāhe haewauneneāgude hejenayaunau: hauthauu haejajanesanau vaunaa; nau haeauguhudaunene, nau neahehauu hejavaa haeadauvanauu.

<sup>6</sup> Nau hauthauu haedasegaugausanau hauunagāe; nau chauchaunu hāeveseuu, haenadadanau, hanau daujenajenee.

<sup>7</sup> Nau hauthauu haejajanesanau hegauu dauchuuwusee; nau dauchuuwuse haenau-guveseaunau, nau haejedaunanā.

<sup>8</sup> Nau hauthauu haegaugausanau dasee hadauuthadee vedauauwu, nau haeveseaunau, nau haeneeaunau vadadausauu jenayaude. Nau hāenehedauu nuu hayauhuhau, haevasenehe, Daun henaundaunede, nanahanedauvade.

<sup>9</sup> Nau hethauguhādaunau haenaudeaunaa, duthanau nuu jegausudede, hathāhuk?

<sup>10</sup> Nau hahagu, Nananena vanenana haudnaenauwuna jaeyanau henajanede Hejavaneauthu: hau hauthauauu janegausauhuthee; hadnenuhauthāthee havajenauhau-dauu, nedauvahaehauu havajanauu.

<sup>11</sup> Wauhā, heyew hasauu jegausudede: Jenayaunau hedenehede Hejavaneauthu.



<sup>12</sup> Henee vaunaa nanathee nenedauvathee; hanaāenuusade haujau, nau nedanauwunāthee hanadede hedahenauau, naseduhuu hethauwuthajauau, nau hadenanedanena.

<sup>13</sup> Henee haunaugāe nanathee, nanedauvanauthe nesedanuu hanadedaunau nau-guu haunauwuthajau; nau nuu hehauwuthājenenauau, vanehaa nethauwauduu, nau nauauchadaunauthe vasehadede naenenanegauhuthee.

<sup>14</sup> Nau henee nejajanesāe thauhauthauchauyauau dauchuuwusee nanathee, hanesenedauvanauthe, naneejathāauthee, nau neenadejethathee heee haunaunethaude nau nethauyādahede nau haunauwudaude, heee nuu henaedede, nau hehauwunauuchaude-nauau vevenaudenau hadauuyauthaunee.

<sup>15</sup> Hau henee hadauuthadeneee vedauauwuu nanathee, hethauvahethee nau hethadenee hedahenau nenedauwauduu hanadedaunau, naunaunedethee, nau nenuuchaude-thee vevenaudenau heee jenauwauaunee.

<sup>16</sup> Hegau henane, hāesedeauchauuu nauauuthayau, hehauwaugau heee vasenau, nau wauāthe hehauwujenane thānee hauvaa; hau nethānuau nauauuthayau neetheaugunee daun janedāde hadenauhaudauau nauauuthayāgu.

<sup>17</sup> Hayewhu hehauwuyauthesa, haudjauthasenesehēe; wauāthe hayewhu hehauwuyau hadjaenaunee nau hadnejaunauau hauthasauau.

<sup>18</sup> Haunauyauhaudauwuu hanathadauvanā: daun nanethenaude, nananede haudnevenade; nau daunjanenethenaude, nananede haudnedanauwunade daun henetheyaunau.

<sup>19</sup> Hanaāedasāde henaune nau henethesaunau, nau haejeneedasaa heee dauneethenedaunenee.

<sup>20</sup> Nau haeāedauwunaa jachau hathāhuk, Hānau nau hāthesaunauau theauguthee jathee, vanadaunauhauvānaune.

<sup>21</sup> Nau hanaāauchuhananadede nau hanaāēdauwunaude, Nānau nau nāthesaunauau nuu nanathee nanedauwauduu hedanadedaunee Hejavaneauthu, nau naasedauthee.

<sup>22</sup> Wauhā hethauwuu jasaa heseē, haejedā thewaunaa nauguu hehauguhādaunau: nau hanaāēdauwunaude, hadeyehaunau hauchaunau neajee: nau hanaāējathethuauthee.

<sup>23</sup> Hau hajechuauthee haenaugau: nau hanaāenuusasaa neajee haenaudasa; nau haeechauchaunane naje, nau haenedaudauwugaujauaudahede.

<sup>24</sup> Nau hanaāēdauwunaude, nau haeauwaudananauau, Hechauhauthethāhe, Hechauhauthethāe,\* gaujauaudāhenauau, hathauhaugaunee Hanaāethauwauthede, nau hanaāēneudauau hasāse nau dasenaunanaunee naje: nau hanaāēdauunauuu, nau hanaāēdāduyauau.

<sup>25</sup> Nau hanaāēnehethaude, daude hadethauwaudadenenau? Nau haenāthajauunauau haejenaunethajauunauau, Dauhuthenane naa, hanathadagaunee; haauchwudede hasāse nau naje, nau hanaāethauwaudaunāde.

<sup>26</sup> Nau hanaāēnuusathee vedauauwuu Gadarenes, hauchaunau Gananee.

<sup>27</sup> Nau hāeyehaude vedauauwuu, hena haenuchaunaa jathee hedan jachau henanene, haenethena haujaun daujchauuu, nau haevedauchauna, haejenaede hauauwuu, nau nedauthānavathe gaujauaudahehehau.

<sup>28</sup> Hāenauhauwaude Hejavaneauthusaun haevasanade, nau haechaagujanaugudauna, nau hanaāēvasanadethaude, Hauddusehathe, Hejavaneauthusau, Nananene Heau Hejavaneauthau javaājauuthee? Nenedauwunathane Nananene jevanaunauauthethee.

<sup>29</sup> (Hanau haenesedauwauna wauchāhenith haujaun hadjenauahenith hehethee henanene. Hanau nauaunee dauhusedanāde: nau naunaunehade neduguhude heee vāejethāduguthaunau nau nesaunajethaunau; nau haegaugauchauagude heeduguhudaunau, nau haejathethasauunaa haujaun heseē nauaunee.)

<sup>30</sup> Nau Hejavaneauthusaun haenaudedanaa, Haudusee? hathāhuk, Nau hanaāēdauwunaude, Waunauthade: hanau dewauthanethe haujaunau hethāchadaunādaunau.

<sup>31</sup> Nau haenedauwunanaunau hadjenesedauwaunathee hadjeyehauthee hethauvaa.

<sup>32</sup> Nau hena haewauthanaunau neauthuwauchu nevethehethee hauanee: nau haenedauwunanaunau hadjenanāthee wauhaunee. Nau haejenana.

<sup>33</sup> Hanaāēnauahethee haujaunauau hehethee henanene, nau haewauhaunesanaunau neauthuwauchuu: nau vahee neauthuwauchu haejathegauhunauau neenanee janahuu yesee neajee, nau haevanadeavenauau.

<sup>34</sup> Hāene henee nachauwauthee daunauhauduu hasedaunenenee, haedaugauhunauau, nau haejathāanaunau nau haeaunauthedanaunau hedan nau vedauauwuu.

\* 8:24 Possible missing "h" in "Hechauhauthethā(h)e" ("Master").

<sup>35</sup> Hanaäeyehaudenee hadnauhauwuu daun hasedaudenee; nau haedauchau Hejavaneauthusau, nau haeevehau henane, heneenenauthäde haujaunau, haetheaugu heauthene Hejavaneauthusaun, haedächaunene, nau haechuwuthajaune: nau haenāthajaudene.

<sup>36</sup> Henee nenauhauwauthee haeauthedanauu neesenayauhade nenethenaude haujaunau.

<sup>37</sup> Hadauchaa hathāauauvaa Gadarenes gauānee haejathethajenāhenauau; hanau dauusāhede: nau hanaäeyehaude nauauhuu jethee thewaunaa, nau hanaäejaesade.

<sup>38</sup> Wauhā henane nenaauthäde haujaunau haenehethaa hadnenethaunāde: nau Hejavaneauthusau haejathethajenāhe, hathauhuk,

<sup>39</sup> Jaeyehau haudauauwuu, nau hadnauhauthethā hathāenavasauau hayewhu Hejavaneauthau hasehāne nananene. Nau hanaäejathāaude, nau haeautheda nanadee hathāaunee hedan hathāenavasauunee hayewhu Hejavaneauthusaun hasehāde.

<sup>40</sup> Nau hethauwuu hāejaenauusade Hejavaneauthusau, henanedanede haeneethajaudanaa: hanau haevadauyauhauwau.

<sup>41</sup> Nau, naune, haejenauusa henane Jairus haseagu, nau hadāhevāhe vevethahenauauwuu: nau haeuāneseve Hejavaneauthusaun heauthene, nau haeadetha hadjewaunejedānith hedauauwuu:

<sup>42</sup> Hanau haenesāhene hedaunau wauau hanesenee jajenevāhe, nau haeyānajanane. Hau hajesesade henanedanede haevauhaunaa.

<sup>43</sup> Nau hesā haevathaude nesenee jajene heee, haevathede haunauude hevāejethāwau heee naudaunehāhehau, nau haeyenayauhau,

<sup>44</sup> Haedasa hegauwune, nau haevasane naunauchuu heduwune: nau chauchaunu haejenevathaude.

<sup>45</sup> Nau Hejavaneauthusau hanaa navasanāde hahagu? Hāevahethedauwadenee, Peda, nau hathāenethaunāde, Hechauhauthethāhe, henanedanede vauhaunane nau naneethenane, nau hanaa navasanāde, nesehene? hathauhaugaunee.

<sup>46</sup> Nau Hejavaneauthusau, hanaadee vasanānu, hahagu: haenauwau daujasesenauau vadaude hehethene nananenau, hahagu.

<sup>47</sup> Nau hāenauhadauau naa hesā daujeyauthesee haejeyehau haehenauau, nau hanaäechauāgujanau gudaunau, haeauthedauna hauthasee vahee henanedanede hathavasanaude, nau hasenayauhāde chauchaunu.

<sup>48</sup> Nau hanaāēdauwunaude, Nauddau, nanehāauwauthenaedene: nananene hadethauwuthajaude henayauhāne nananene; najesa haunauwuthajau.

<sup>49</sup> Hajesanadede, hena haejau hanesāde hehethene hadāhevahew vevethahenauauwuu, haeāedauwuna, Haudauna najaa; jevajenaunevene Hechauhauthethāhe.

<sup>50</sup> Hau hāenedaunāde Hejavaneauthusaun, haenaāēdauwunāde, jevanāthajau: hethauwuthajau vavade, nau haudnenayauhade, hathāhuk.

<sup>51</sup> Nau hāejedāde hauauwuu, henanedane haejeवादुजēdāne, vavade Peda, nau James, nau Jaun, nau henesaunaune nau henaune hesāhedāeyaune.

<sup>52</sup> Nau vahee haevewauhudaune, nau haeaudauwuthajauhā: nau hanaāenehede, Jevavewauhu; hehauwunaja, nauthe nau gauhude.

<sup>53</sup> Nau haechauthanaau haevachunaunau, dauaenaunauthee daunanethe.

<sup>54</sup> Nau haevanudana, nau hanaāedanaude hejadenene, nau hanaāanadethau, Hesāhe, thauwauthe, hathauhuk.

<sup>55</sup> Nau hevadathuu haejaedasaa, nau haethauwauthe chauchaunu nau hanaāenehede hadnauchauvathe.

<sup>56</sup> Nau henehā haegaudauwuthajaunenau: nau haeāedauwuna hadjēdauvanethe henanedaa hasedaude.

## 9

<sup>1</sup> Hanaāadethau vadauchuu nesenee hethauguhādaunau hauānee, nau haejaanauwuna naudaheide nau hadvaheneedauthee nanadee vahee haujaunaa, nau hadnenayaudethee haugauwude.

<sup>2</sup> Nau haejenana hadnauthedaudauwunethe henajanedaunene Hejavaneauthu, nau hadnenayauhauwunethe hasauwauvahehehau.

<sup>3</sup> Nau hanaāēdauwunaude, Jevadanauwuu hayewhu heee hajavechaudenenu, daudause haugaudauhunau, daudause newaugusajaānauthau, daudause jauaujau, daudause vāejethā; daudause jevanesauguvechudaunaa.

<sup>4</sup> Nau daun hauauwuu hadaujedānā jenaadauna, nau jenaathethāauna.

<sup>5</sup> Nau daun hajethauhauvādaunenau, hāenauahenā hena hedane, hadegauyāējaheva nau dauyāgu hadneaenaunathēe.

<sup>6</sup> Nau hanaāejathāuthee, nau haeehedesanaau hauauwudan, haeauthedaudu wu het-hadene waunauyaunee, nau haevahenayauthānau nanadee.

<sup>7</sup> Wauhā Herod naja haenedauva vahee hanasedaudenenee heee: nau haejaene, hanau haenaasenedaunee gauuu, henee Jaun jaegauhāde hehethee denajaa;

<sup>8</sup> Nau gauuu, henee Elias naunauhauthethāde hedanayau: nau hauthauauau, hanesāde dajechauau haeyāhehauau jaegauhāde.

<sup>9</sup> Nau Herod haenehe, Jaun nedavaāsauau: hau hanaa naa, nanedauwauthau? Nau haevadaunauhauva.

<sup>10</sup> Nau vadauhanauau, hāejaenuusathee, haevahauthedaunaa hanasedaunethe. Nau hanaāedanaude, nau hanaāejathāuthee hevenanee hese hadaunechaudanee hathauau hadan Bethsaida haseāgu.

<sup>11</sup> Nau henanedane hāaenuu, hanaāethauguhauthee: nau haeesedana, nau haeauthedana hasaunee henajanedaunene Hejavaneauthu, nau haenayauha hathāevadaunayauhathee.

<sup>12</sup> Nau hāyānaesade, hanaāejenuusathee nesenee, nau hanaāenehethāde, Nanehāejathāudenee henanedane, hadeehaudenee hauauwudan nau vedauauwu nauanee, nau hadenethee, nau hadejasedauthee vethewau: daunechadaa hadaunauau.

<sup>13</sup> Hau, Vena nananena hadevethedaudenee, hathauhuk. Nau hanaāēdauwunauthee, Hau nanethenauwunauau hehauwujavaānee hayauthaunāe jauaujaunau nau hanesethe nauwu; hanāyehaunee nau haunadaunauhuu vethewau heee vahee nuu henanedane.

<sup>14</sup> Hanau wauau haeyauthaune vasevadadausauau henanenauau hanaadauchuthee. Nau hanaāēdauwunau hethauguhādaunau, Janauguhaa yauyauthauyauaugunauha.

<sup>15</sup> Nau hanaasedauthee, nau haevajanauguhanauau.

<sup>16</sup> Hanaāedanauau hayauthaunanenee jauaujaunau nau hanesenethe nauwu, nau hanaāejenāauguaude hejavaa, haevethasa, nau haenaāejeanaau, nau hanaāevenaude thaughtāhehau haudjenanauwunethe hathaājedaunene henanedane.

<sup>17</sup> Nau haevethedane, nau haevahegaudaudene; nau haeauānenau jeyauwaunau hathāenathaudāe nesenee hanaadauchāe hanechauchaunāe nenethaudanee.

<sup>18</sup> Nau hethauwu, haenesenane, dauvethahede, Hethauguhādaunau haenethaunaa: nau hanaāenaudeadaunade, Hanaa nenehede henaneda daunanau? hathauhuk;

<sup>19</sup> Hanaāauchuhanāedethauthee, Dusaayā Jaun; hauhauauau nethee Elias; nau jasae nethee hanesāde dajechauau haeyāhehauau jaegauhāde.

<sup>20</sup> Hanaāenehethaude, hau hanaa nenehede nananena daunanenu? Peda hanaāauchuhanāedauwunau, Chris Hejavaneauthau.

<sup>21</sup> Nau haeneenadaudvā, nau haenesedauwaunā hadjāedauwunauenthe henanedanu henee;

<sup>22</sup> Heau henane hadnasenede wauthanee heee hayewhu, nau hadnausāguthāde vachaugānanenu nau naja vevethahevahehauau nau wauthaunauhāhehauau, nau hadnaude, nau hadjaegauhāsanade nasee, hanathauhuk.

<sup>23</sup> Nau hanaāevahāedauwunau, Hith henaneda jethauguhānau nanehanaunauchauthehadede, nau jeedane henaugauchu hayauwusenenee, nau najeethauguhaa.

<sup>24</sup> Daun haunagaunayaudede hedenaedede hadnanadede: hau daun hanadede hedenaedede heee nadanayau, nananede hadnenayauhadede.

<sup>25</sup> Hauddusedau henane, vahesedanauugu hathāauavadenee, nau hanahadagu, nauwauāthe hausāguthadagu?

<sup>26</sup> Daun naudauthedaunāde nau nadanadedauau, nananenith Heau Henane haudnau-dauthedaunaunith, hāenausathe nehayau hadauvasāthanith, nau Henesaunane hadauvasāthanith, nau vadanee hautheanauau hadauvasāthanethe.

<sup>27</sup> Hau hadethauwauthedaunathava hauthauauau theauguthee hede, haudnehauiwuvajadawu gaujauaudahede, haunau haudnauhaudu henajanedaunene Hejavaneauthu.

<sup>28</sup> Nau hethauwu wauau hanasaudauchuse hāesenehede, Hanaāedanaude Peda nau Jauneau nau Jameseau, nau hanaāenauuhsathee hauanee hadnevevethahethee.

<sup>29</sup> Nau hajesevevethahede haenausaune hedauchaveau haenathadene, nau hedāchaunau haenaujaunenau nau haenaunauaugausaunenu.

<sup>30</sup> Nau naune haenadethaa hanesenethe henanenau, haenanenu Mosaseau nau Eliaseau;

<sup>31</sup> Daunauhauthethāde hedanayau haenausaune, nau haeauthedaude haudgaujauaudāde hadvathechauchaunadede hehethee Dādaunedan.

<sup>32</sup> Hau Peda nau hethāenethaunādaunau haenauwananenau: nau hāuwaudauaunethe, haenauhaudauwunenau henausaunde, nau hanesenethe henanenau haenethauguaa.

<sup>33</sup> Nau hethauwuu, häenauthāde, Peda hanaāanadethaude Hejavaneauthusaun, Hechauhauthethāhe, hethadee hasanedaunee hede: nau hadenesedauna hanasāe nenaunau; hanesadee Nananene, nau hanesadenee Mosese, nau hanesadenee Elias; haejaene daunhasenehede.

<sup>34</sup> Hajesanadede, haejenausanau henaunauade, nau haeduguaunā: nau haenāthajauanaunau daujedāthee henaunauadee.

<sup>35</sup> Nau haejeanadede hehethēe henaunauadee, Naa nananede Navechauthau Nāa: nedaunaa, hāheagu.

<sup>36</sup> Nau häesanadede, Hejavaneauthusaun haenesenane. Nau haeyaudenauau, nau haejēdauwunauau henanedane hena hese neanāthauhauuu.

<sup>37</sup> Nau hethauwuu, dauauthesenenee, haejejanauhusthee hehethēe jauaudanee, hae-gauāhenenau henanedanau hejajedauunādaunenau.

<sup>38</sup> Nau, naune, henane hehethēe henanedaa haevasanade, Hechauhauthethāhe, nenedauwunathane Nananene, daugauhauwune nāa: vavadenaanesāde nadāeyauneve, hathauhuk.

<sup>39</sup> Nau, naune, haujaun hedanāde, nau chauchaunu haedauyānade; nau haethauwuguthaa haevevechauchaunau jeda, nau haeasenehaa haejechuwauthenauthaa.

<sup>40</sup> Nau nananenau neauthēawu hāthauguhādaunau hadnausāguthauthēe; nau neje-needauthēe.

<sup>41</sup> Nau Hejavaneauthusaun hanaāauchuhanadethaude, Hau hāhauwuthauwuthajau nau daujechuwauthenaedene, haudedauhjesenedauguvathe, nau haddauhjesenethaugu-vathe? Jāsene nananene hāa hede.

<sup>42</sup> Nau hajesējaude, haujaun haeauneguthaa, nau haethauwuguthaa. Nau Hejavaneauthusaun haeneneuva wauchāhenith haujaun, nau haenayauha dāeyaunauau, nau hae-jaevana henesaunaenene.

<sup>43</sup> Nau haevagauanganadauwu hasevasenaudāhenith Hejavaneauthu, Hau hajesegauguanaduu haunauade vahee hayauhuhau Hejavaneauthusaun hanasedaunith, Haeāedauwuna hethauguhādaunau,

<sup>44</sup> Chuwauthēe nuu hanadedaunau jedānauha haunadaununenau; hanau heau henane hadvenavathe hejadenene henanenau.

<sup>45</sup> Hau haejaenauwu nuu hasenehenith, nau haeyaudaunaunauau, haejaenauwu: nau haeedaunaudedauunauau hasenehenith.

<sup>46</sup> Hanaāegaugauudedane, hanaadee haudvasāthaa.

<sup>47</sup> Nau Hejavaneauthusaun, haeenauwu hanasethajauthēe hedahenauau, haedana dāeyaunauau, nau haeauyējanauguna,

<sup>48</sup> Nau hanaāēdauwunaude daun hanesedanaude nuu dāeyaunauau naneseedaunaa hadnesedanānu: nau daun nāsedanāde haudnesedanaude nājejenanādaune; daun jāvānadavenuhunedē haunauade nananena vahee nananede hadnaasevasāthaa.

<sup>49</sup> Nau Jaun hanaāauchuhanāedauwunaude, Hechauhauthethāhe, neenauhauwaunauau hanesāde nenuguthaude haujaunau hee haneseede; nau needauduwaunauau, hanau dauhjenethaunānauau.

<sup>50</sup> Nau Hejavaneauthusaun hanaāēdauwunāde, Jevadauduvaa hāhauwasānavāne nane-sevānauau.

<sup>51</sup> Nau hethauwuu, häenauauchaunee hadneejejanauhudanāde, haechuwuyethāne had-nehaude Dādaunedan,

<sup>52</sup> Nau haeauthēava sayānee; nau hanaāejathāaunethe, nau hāejedāthee hajase hauauwu-dan Samaritans, hadnesaanudaunāde.

<sup>53</sup> Nau hajesedanaa, hanau dauyethāāsade Dādaunedan.

<sup>54</sup> Nau hāene hethauguhādaunau James nau Jaun daunauhauwunethe nuu, hanaāenehenethe, Vahadāhene, gaujevadaunedauwaune heseda hadjejanauhusanauau hehethēe hejavaa, nau hadnevadauchauthēe, neesedaude Elias?

<sup>55</sup> Hau hanaāeyethāādausade, nau haeneneuva, Nananene hāhauwaenava daun vadathau nananena hadahena, hathauhuk.

<sup>56</sup> Hanau Heau henane hehauwuujau hadnenauadede henanedanau hedenaedadaunenau, hau hadnenayauhaude. Nau hanaāeyehauthēe jasaa hajase hauauwudan.

<sup>57</sup> Nau hethauwuu, hajesethaugudethee vau, jachau henanene hathāhuk, Vahadāhene, nananenau hadnethauguhathane nananene daun nananene hanasesanaune.

<sup>58</sup> Nau Hejavaneauthusaun hathauhuk, Gauauwuauau neyāethee, nau neaheauau he-javaa nenauhuchauthēe; hau Heau henane heyauhuunee nedaausevānede.

<sup>59</sup> Nau hanaāenehethaude jachau, Jethauguhu, hau hathāhuk, Vahadāhene, nedauau nawaunejenanau nāsaunau.

<sup>60</sup> Hejavaneauthusaun hanaāēdauwunāde, Nanehajanauthee gaujauaudahehehauau negaujauaudāhenethee: hau jathāau nananene nau haddauthedaude henajanede Hejavaneauthau.

<sup>61</sup> Nau jachau jee, hathāhuk, Vahadāhene, hadnethauguhathane nananene; hau jechuwauthehe nedauau nawaunenaunenachauthaunauau, hanedauthee nayāenau nau dauauwuu.

<sup>62</sup> Nau Hejavaneauthusaun hanaāēdauwunāde, Hegau henane, dunauaugu thauauauwujethau, nau jaaāyau, hehauwunaathā henajanedaunene Hejavaneauthau.

## 10

<sup>1</sup> Nuu hee Vahadāde haeauthaeva hauthauau nesaudausauau jee, nau haeyeyethaueava hanenesethe sayānee haunauude hedan nau vedauauwuu, haidnanādaunauusade.

<sup>2</sup> Henaheee hanaāenehethaude, Jenayaunau hethauuwauthāe haneseuu, hau nesehāhehauau hajewauthathee: vevethahee nananena hee Vahadāde deseujenayaunau, hadejenanauude nesethāhehau hejenayaunaa.

<sup>3</sup> Jathāauau nananena hathaāsana; naune nananenau janenanathana neānee waude haudāsaunauau hejee hauchāhee.

<sup>4</sup> Jevanewuunauwuu nesevāejethāwaunau, newaugusajaānauthau, nau wauaunau: nau jevanauanenāthedaunaa henane hauvaunenau.

<sup>5</sup> Nau daun hauauwuu nananena hadaujedānā, Dādauyauha nuu hauauwuu, nedauau hadeva.

<sup>6</sup> Nau hith heau dādaunee hanedauyaugaune, nananena hadādaunahedaunenau hadnaadaudayānusaa: hau jene hadjaegauusedaunāna.

<sup>7</sup> Nau vavade hauauwuu hadanedauva, hadevetheva nau hadevanava daun hayauhuhau hauchauvadenenau: hanau nesethāhe naunaudaunade. Jevaenejedāe hauauwuu.

<sup>8</sup> Nau daun hedan nananena hadaujedānā, nau hesedanānagu, hadevetheva daun hayauhuhau hajenanauwunādaunenau:

<sup>9</sup> Nau hadenayauhauva hasauwauvahehe daun hanedaude, nau hesau jeenanethādedauwunauna, Henajanede Hejavaneauthau hayāedasāna.

<sup>10</sup> Nau daun hedan nananena hadaujedānā, nau jesedanānagu hadjathāauva hasesana hehethee hadaugauchaudāe hauauwudan, nau hesau jeenanesehethauna,

<sup>11</sup> Daudause nauthejahathaugu nananena hadedanaunenau, heejahadāheagu, neyeseгаunuhudee nananena: hau nananena hadethauwaenava nuu, henajanede Hejavaneauthau hayāedasāna.

<sup>12</sup> Hau hadāedauwunathava, hadjavaānanethauauyauau hena hesee hee Sodom, javaānee hee hena hedan.

<sup>13</sup> Naunauthauau hadnauauchaudauna, Chorazin; naunauthauau hadnauauchaudauna, Bethsaida; hanau havathenayauthau heheenesedaudeneagu jedauwuu Tyre nau Sidon, nuu hasehana nananena, dajechauau neaunaunevethajauduuhewauchudaudene-nau, needanaugudaunee neauchuwaudenee naujuwau nau jaetha.

<sup>14</sup> Hau hadjavaānanethauauyauau hee Tyre nau Sidon hāenaudedauunedaunee, javaānee nananena.

<sup>15</sup> Nau nananena, Capernaum, hanejanana yesee hejavaa, hadjaejanauhanees yesee hadauveeyauau.

<sup>16</sup> Daun hajaathehādaunenau nananena hadjaathehānau; nau daun hauwauchānavādaunenau nananena haudwauchānavānau; nau daun nauwauchanavāde hadwauchanauwaude najejenanādaune.

<sup>17</sup> Nau nesaudausauau haejaenauusanauau nauguu neethajau, hanaāēdauwunauthee, Vahadāhene, daudause haujaunauau hanechauwauaunaunauau hee nananene hane-seede.

<sup>18</sup> Nau hanaāēdauwunāthee, Nenuhauwauau Haujau waude jahagude hasejanesaa hehethee hejavaa.

<sup>19</sup> Naune, Nananenau vanenathana nananena naudahede hadnauguhudaunauna seseyānauau nau hauwuhaudathee, nau nanadee vahee henaudahede haujau: nau hegau hadneaseneva.

<sup>20</sup> Hau vahee nuu jevaneethajaudauwuu, haujaunauau dauchauwauaunauna; hau henuthauneneethajauau hanau nananena haneseedaunenau dauwauthaunauhuu hejavaa.

<sup>21</sup> Hena hāauchaau Hejavaneauthusau haeneethajaune hevadathuwu, nau hanaāenehede, Nananenau vaveenethedaunathane Nananene, Hau Nāchau, Vahadāhene hejavaa nau vedauauwu, hanau Nananene dauyadaunaude nuu hayauhuhau hehethee nadaunahehauau nau hathauwunanenauau, nau hadnauhauthehauva dāeyaunauauau: hethauwu, Nāsaunau; waude hethadee nananena hasesānenau.

<sup>22</sup> Vahee hayauhuhau vanenānu Nāsaunau: nau hegau henane haenauna hanaadāne Heāhene, vavade Vāsaunau; nau hanaadāne Vāsaunau, vavade Vāa, nau nananede hanaadāne Heāwaune hadnenauhauthehāde.

<sup>23</sup> Nau hanaāejaedauhauwaude hethauguhādaunau, nau hanaāanadethaude hevenanee, Haunauwuthajauha hasesānenau dauhunauhauwuna hayauhuhau hānauhauthaunenau:

<sup>24</sup> Hanau nananenu hāedauwunathana, waunauthathee haeyāhehauau nau nenauchuwuthee nevadaunauhauuu hena hayauhuhau hānauhauthaunenau, hau hehauwuthaunauhauwuu; nau devadaunauwauuu hena hayauhuhau hānedauwuthaunenau, hau hehauwunedauwauwuu.

<sup>25</sup> Nau, naune, jasia nanavaavehe haetheaugu, nau haenaudayādauna, Hechauhauthethāhe, nauddusedane jethaujenee henaedede? hathauhuk,

<sup>26</sup> Hanaāēdauwunāde, Hayew wauthaunesaa nanavaavedaunaa? Hādusasauhaude nananene?

<sup>27</sup> Nau hanaāēdauwunaude, Nananene hadvechauthau Vahadāde nananene Hejavaneauthau nauuu vahee nananene hadahaa, nau nauuu vahee nananene hadathuvaa, nau nauuu vahee nananene hadāhedaunaa, nau nauuu vahee nananene haugaugauuthajaudena; nau nananene hanedaudewau waude nehayau nananene.

<sup>28</sup> Nau hanaāēdauwunaude, Nananene hethauvāne: nanehasedaune, nau nananene hadnenaedene.

<sup>29</sup> Hau nananede, vanadauchuanadede, hanaāenehethaude Hejavaneauthusaun, Nau hanaa nanedaudewau? hathauhuk,

<sup>30</sup> Nau Hejavaneauthusau hanaāauchuhanāedauwunaude, Jasia henane haejathāu hehethee Dādaunedan hese Jericho, nau haeesedanaa havedehau, haethauwujedaunaa hedāchaunau, nau haenesenehaa, nau haejathāaunenau, haenauthaa dauhayānaja.

<sup>31</sup> Nau haejathedasa jachau vevethavehew hehethee: nau hāenauhauvāde, haejavechauthaa gauchuhune.

<sup>32</sup> Nau vavade Levite, hāedadauau hadaunith, haeda sa\* nau haenāuhauva, nau haejavechautha gauchuhune.

<sup>33</sup> Nau jasia Samaritan, daujādade, haedasa hadaunith: nau hāenauhauwaude haeauwu-nauna,

<sup>34</sup> Nau haeyehau, nau haedugudauna hadaunesenenith, haedaunauwuna javeda nau vasevenenaje, nau haedasa nehayau hedauneau, nau haenauchauha vethehadanauauwu, nau haeanauneha.

<sup>35</sup> Nau daunaganene haejathāude, haedane hanesanene hevāejethāwau, nau haevana hadāvehew, nau hadaunaunehau, hathauhuk; nau daun hasegaujauauthedanāaune jee, hāejaenauusanaune nananenau hadaunaudaunathane nananene.

<sup>36</sup> Hayewnau nuu hanasāe, hadeanathaunau, henedaudevādaune henee neesedanāde havedehau?

<sup>37</sup> Nau hanaāēdauwunaude henee heauwunaunādaune. Hanaāenehethaude Hejavaneauthusau, nau jenaenesedaune nananene.

<sup>38</sup> Wauhā hethauwu, daunaujavesathee, haenauusanauau jasia hajasehauauwudan: nau jasia hesā haseagu Martha haejedana hedauauwunin.

<sup>39</sup> Nau haenahavāe Mare haseyugaune, jea haejanaugude Hejavaneauthusaun heauthene, nau haenedauwaude hedanadedauene.

<sup>40</sup> Hau Martha haedauwauchune dauwauthanee hasedaude, nau haejedasa, nau hanaāenehethaude, Vahadāhene, gauhajegaudauvanade daujenauthānau nahavaa daunenesethānau? hāedauwunene hadenedahevānau.

<sup>41</sup> Nau Hejavaneauthusau hanaāauchuhanehethaude, Martha, Martha, nananene hanaunāhene nau dejanethajaudauwu waunauthāe hayauhuhau:

<sup>42</sup> Hau hanesadee hayewhu chanaugauau: nau Mare hayāchauhauau henee hethadene hadāde, hehauwuneejathechauhau nauthee.

\* **10:32** Two words across a page (“haeda” and “sa”) perhaps should have been hyphenated, giving “haedasa” which, together with “haedasa”, occurs eleven times elsewhere in the text. There are no other occurrences of “sa” standing alone.

## 11

<sup>1</sup> Nau hethauwuu, henee, daunsausuvethahede haedaunanenee, hāejenedaude, hanesāhenith hethauguhādaune hathāhuk, Vahadāhene, jeechauhauthehā hadnesevethahee, waude Jaun jea neesechauhauthehaude hethauguhādaunau.

<sup>2</sup> Nau hanaāēdauwunaude, hāene nananena vanevethahenā jeenesenehena, Hāsaunaunene Nananede hanedaude hejavaa, Vadanauha Nananene hanesede. Nananene hanajanede hanājaunauu. Nananene hathanavāane hadnaasedaunee hasauu hejavaa, nau jee nuu vedauauwuu.

<sup>3</sup> Hejevenāa hadaachusenee hayauwusenee vethewau.

<sup>4</sup> Nau jeaegudanauwunāa hewauchudaundenadaunau hanau nechau nejaegudanauwunade haunauude hanesāde nethāesayānedanauwunāade. Nau jevaechauhāa nedavasehadee; hau haugaunayauhāa hehethee hadau wausauu.

<sup>5</sup> Nau hanaāēdauwunaude, hanaa nananena hadnenedaehahede, nau hadneyehaude thaudajaa, nau hadethaude, Va, jeehe hanasāe jauuajunau;

<sup>6</sup> Hanau nādae daunauujādaunānau, nau nananenau haeyauhuunee nauchauwaude?

<sup>7</sup> Nau hehethee jedauwuu hadnauchuhanehede nau hadnenehede, Jevajanethajuhu: dajanau wauwu haugauhude, nau nanesaunauu nanejauwu naudavua;\* nananenau nāhauwuneethauwauthe nau hajeneevenathane.

<sup>8</sup> Nananenau hāedauwunathana, hadnehauwuthauwauthene nau hadvenāde hanau dauhunedae hāwaude, auhanau dauneenāhede hadthauwauthenith nau hadvenāde daun hadaachuvathehāthe.

<sup>9</sup> Nau nananenau hāedauwunathana, Henedauwauu, nau hadnevenana; henaudethāe, nau hadnevedena; hewaūdāhee (dajanau), nau hadnegaunedanauwunana.

<sup>10</sup> Hanau haunauude hanesāde nethāenedauwaude neneaudauwaude; nau henee nenaudethāde nevenauu; nau henee newaudāhaude (dajanaune) hadgaunanauwunade.

<sup>11</sup> Hith hāahenau nedauwunānagu jauuajunau jasaa nananena henesaunaune, gauhadvena hāunauwane? wauāthe nedauwunāhuk nauwu, gauhadvena hauhuhanee gauhadnanene nauwunenith seseyāne?

<sup>12</sup> Wauāthe nedauwunāhuk nauu, gauhadvena hauwauhauanethe?

<sup>13</sup> Hith nananena, hauhauganenagu, hadaenava hadnesevenauna hethadenee venadedaunau nananena hadāeyaunevenau: duthāee nananena hejavaa Hāsaunaunenau hadvenāva Vadanauwauthauwu nethāenedauwunauna?

<sup>14</sup> Nau neausāguthaude haujaun, nau heehauwanadene. Nau hethauwuu hāejathāaude haujaun, hanaāējaanadede; nau henanedanede haegaugauuthajadene.

<sup>15</sup> Hau jasaa hahagu, Nausāguthaude haujaunau heee Beelzebub najane haujaunaa.

<sup>16</sup> Nau hauthauu, haenaudayādaunaa, haenehethaa hadnauhauthaudenenee hehethee hejavaa.

<sup>17</sup> Hau haeene hedenethajaudenene, haeāedauwuna, Hadauchaa najanede nanayāsenauaugu nehayau hadneyauhuu; nau hauuwwu hasānavadenaugu hauuwwu hadjanesaa.

<sup>18</sup> Hith, Haujaun jea hasānavadagu, hauddusetheaugune henajanede? hanau nananena denehena nananenau deausāguthaugaunee haujaunauu hehethee Beelzebub.

<sup>19</sup> Nau hith nananenau hausāguthaugaunee hehethee Beelzebub haujaunauu, hanaa hāahenau hadnausāguthaude? hadedauchuwuuna.

<sup>20</sup> Hau hith nananenau hejadenethedaunaugu Hejavaneauthau hausāguthaugaunee haujaunauu, hethauwuu henajuede Hejavaneauthau hedašana.

<sup>21</sup> Henane danāhetha hedauchaunau haunaunedehuk hedaauwuu, hevathayaunau nedādauyaunee:

<sup>22</sup> Hau hāejavaādāāhenethe javaāhehuk hedaāhuk, nau veavehāhaugu, hadnedanauwunāde vahee hedauchauunau heanadauwaudenau, nau hadjaanenee hesehadenau.

<sup>23</sup> Daun najenethaunāde hasānavānau: nau daun najenethauāyāvāde naneāsauuwaude.

<sup>24</sup> Hāenauthauthe wauchāde haujaun henanene, nehedesade hadaujenajenenee, denaude dede dauyānusenade; nau janevedethe, naneenehede, nananenau hadjaesanau nau dauuwwu needaujenauahenau.

<sup>25</sup> Nau jaenauusathe, nevedede nesewaudeauhunee nau neyauauthaunenee.

<sup>26</sup> Naeneejathāaude, nau naneedanauwaude hanesaudaachunethe hauthauu haujaunau javaānauhauaganethe javaāhede; nau nanejedāthee, nau nanejanaugethee: nau waunee henee henane naeneejavaānauhaganede nedauaunejeethāde.

\* 11:7 Mid-verse punctuation could be either a colon or semicolon as the lower part of the punctuation is malformed. It was decided to use the semicolon, in line with the KJV, as the punctuation of the two texts often coincides.

<sup>27</sup> Nau hethauwuu, hajeseanadede nuu hayauhuhau, jasaa hesā hehethee henaneda haevasanade, nau hathauhuk, Hauwunaunade henesaunehe hājanauthāde Nananene, nau hethanau nedaunenane.

<sup>28</sup> Hau hahagu, Haa, nausunee, nauwunaunathee nethāejaathededuu hedanadedauene Hejavaneauthu, nau naunaunedethee.

<sup>29</sup> Nau henanedede hāneenanauthenanedauhuu, hanaāejasesenehede, Nuu nanaa wausauu henaedede: nevadaunauhauthāthee; nau hegau nauhauthaude hadvenaunauu, hau vavade nauhauthau nananede Jonas haeyāhe.

<sup>30</sup> Hanau Jonas neesenauhauthe haude Ninevites, nechau jea Heau henane hadnaathāde nuu henaedede.

<sup>31</sup> Nenauchuwusā janauhuu hadjaegauhāde naudedauadenesee nauguu henane-nau nuu henaedede, nau hadnauthauwuvāna: hanau dejewaunejaathe haude hehethee hāuauvadenee naunaudāhenith Solomon; nau naune, hejavaāhedaune Solomon hanedaunith.

<sup>32</sup> Henanenauu hehethee Nineveh hadjaegauhāthee naudedauadenesee nauguu nuu henaedede, nau hadnauthauwuvāna: hanau dauaugauthethajauduu hedauthedaunene Jonas; nau, naune, hejavaāhedaune Jonas hanedaunith.

<sup>33</sup> Hegau henane, hāesedeauchauuu nauauuthayau, hehauwujenane yauthee, daudause hehauwugaudauyauvasenaunaa, hau dase nauauuthayauneetheaugunee, nethāejedāthee hadnenauhauuu naunauasādane.

<sup>34</sup> Hanesenee vadanayannaa nanaa nevasesānee: nanaa hāenesadee hasēsānenau nananena, nananene hadnaunauudauyauu hadanayau jea hanechauchanaa hese; hau hāene nananene hasesā wausuu, hadanayau jea hadnechauchanaudene vaneeyauu.

<sup>35</sup> Haunauyauhau dauwauu hanau henee hesee hathāsadaude nananene jeva veeyauha.

<sup>36</sup> Hith nananene haunauudauyauu hadanayau hanau hadnechauchanaudene hese, hadnehauwugauveeyau haunauude hadnechauchanaa hese, waude naunauasādāe nauauuthayau nevenāna hese.

<sup>37</sup> Nau hajesanadede, jachau Nesethajauhu haeadethaa hadnethevethehewaude: nau haewaunejedā, nau haejanaugu dauvethede.

<sup>38</sup> Nau hāene Nesethajauhu nauhau dauu, haegaudauvanava daujaheseuhunith nedauu hajesejevethenith.

<sup>39</sup> Nau Vahadāhenith hathāhuk, Hewaunehaa nananena Nesethajauhuhauu neyautha-henauwuna jathee vāenaunau nau saenaunau; hau nananena hethauvaa hanechauchanaudena vahedayaude nau hauhauganede.

<sup>40</sup> Nananena janethauvahena, gaujenane Hejavaneauthau nenesedede jathee gaujee henesede jedauwuu?

<sup>41</sup> Hau hevāe hauwuyau daun hanetheyaunenau; nau, naune, vahee hayauhuhau hadnesewaudeanaunwana?

<sup>42</sup> Hau nauauthauu hadnedasāna nananena Nesethajauhuhauu, hanau nananena hadvāna vadadauchu wauhaunauu nau nanejuadevejechau nau vahee hathāejajāesuu vejechau, nau hadjavechaudauwuna vavesauhuwude nau devechauthade Hejavaneauthau; nuu hāvachunaasedauna, nau hānanejenaudauwuna hauthauu nejesee.

<sup>43</sup> Naunauthauu hadnedasāna nananena Nesethajauhuhauu, hanau nananena devechaudauwuna najathaugaudaunau jedauwuu vevethahenauwuu, nau dejachauthana nedauaudaunauvadee.

<sup>44</sup> Naunauthauu hadnedasāna nananena, wauthaunauhāhehauu nau Nesethajauhuhauu, nanadaunahena, hanau nananena waude nedaugaudayauhadaunee dejenuhauwuu, nau henanenauu nedesejavesathee hehauwenaunā.

<sup>45</sup> Hanaāauchuhananadede hanesāde nanavaavehe, nau hathauhuk, Hechauhauthethāhe, nuu dauhanadene nananene naunaunauthevāna jea.

<sup>46</sup> Nau hathāhuk nauauthauu hadnedasāna nananena jea, nananena nanavaavehehauu, hanau nananena henenauchuna henanenauu nauguu henenauchude hehayaudee javechauhunee, nau nananena nehayau jevasanaunuu henenauchudaunau hee hanesadee nananena hajadenenau.

<sup>47</sup> Naunauthauu hadnedasāna nananena, hanau nananena denesedaunauna gaujauudahenauu haeyāhehauu, nau hāsaunaunenau denauuthee.

<sup>48</sup> Hethauwuu nananena haeyāna henee nananena wauhaunee nanāsedauthee hāsaunaunenau: hanau denauuthee, nau nananena nenesedena hegaujauaudahenauu wunenau,

<sup>49</sup> Naasauu jea hahagu hedaeyaude Hejavaneauthau, Hadjenanu haeyāhehauu nau vadahanauu, nau hauthauu hadnenaathee nau hadnenaunaunauthethathee:



<sup>50</sup> Henee hevaevenau vahee haeyāhehauau, hanedaunee hehethee davadeesehee vedauuwuu, hadneenaudedauwuhuu nuu henaedede;

<sup>51</sup> Hehethee hevaevaa Abel nauuu hevaevaa Zacharias henee nenajaa nahethāe jaanaa nau vadannauuwuu: hethauwuu nananenau nehethathana nananena, hadneenaudedauwuhuu nuu heee henaedede.

<sup>52</sup> Naunauthauau hadnedasāna nananena nanavaavehehauau, hanau nananena dauhudanauwuna gaunaudauauha haeyaude: nananena hadnehauwujedāva nehayau, nau henee hathāejedāthee nananena najauauna.

<sup>53</sup> Nau daunenehedauau nuu hayauhuhau yesee, wauthaunauhāhehau nau Nesethajauhuhau hanaāejaseseneenaudedauunāde, nau haenenadaunanauau hadnauthedauwunith hauwuhuu hayauhuhau;

<sup>54</sup> Haeaudenauthaa, nau hadnesedanauwunethe hayewhu hehethee hedenene, hadnāedauwauthathee.

## 12

<sup>1</sup> Gaunauwuu, hāene hena hauāchaudenee hauānee haejedaguu hadaucha henenedanede, dauwauthaa haeauauguhudaunadenauau, hanaāejasesāedauwunaude hethauguhādaunau nedauau vahee, Haunauyauhaudauwauau nananena gauhaujau Nesethajauhuhauau, nenadaunahethee.

<sup>2</sup> Hanau hehauwuyauthesa, hathāeyauthesaa, daudause hehauwuyauthesa, nethāejaenaunee.

<sup>3</sup> Hanau daun nananena hasanadenā veeyaugu hadnedauwuhuu hesenee; nau henee nananena hasenehenā waunadaunuu jedauwuu hadnauchunana dasee hauuwuu.

<sup>4</sup> Nau nananena hāedauwunathana Nādaehauhauau, Jevaesaa henee nenadethee henanedayāhau, nau heee hehauwauthesedaunauau.

<sup>5</sup> Hau nananena hāedauwunathana daun nananena hāchaunenau: Hesaa Naa, heee hesenaānagu naunaudāde hadgausevāna hadaugauhauchanee; haa, Nananenau hāedauwunathana nananena, Hesaa.

<sup>6</sup> Hayauthaunethee hajaseaheauau gujeaudaunaune heee hanesāenee nevaāhenee, nau hanesāde hehauwunauneethedaunā Hejavaneauthu?

<sup>7</sup> Hau daudausee hadauchāe hāthaanenau haudauguhanenau vahenayāee. Jevanāthajauau henahēee: nananena javaānauwauhuana hadauchtethee hajaseaheauau.

<sup>8</sup> Jea Nananenau hāedauwunathana, Daun naujaudautehāde hesee hananeda, nananede Heāhene hananene jea hadnehauwaudautethee hesee hautheaunau Hejavaneauthuu.

<sup>9</sup> Hau henee nauyauhāde hesee hananeda hadneyauhade hathāāhenethe hautheaunau Hejavaneauthuu.

<sup>10</sup> Nau daun hayādaunaude Heāhene hananene, hadjaegudanaunuwade: hau nananede henee hauhauganedauau Vadanauwauthauwu hadnehauwujagudanaunuwunau.

<sup>11</sup> Nau hāejedanānā vevethahenauuwuu, nau hauchuwunanenauau, nau najanauau, jevagaugauanadauwuu wauāthe daunhayewhu nananena hadnesauchuhanehena, wauāthe daun nananena hadnesenehena:

<sup>12</sup> Hanau Vadanauwauthauwu hadnāedauwunāna nauauchaugu daun nananena hadnesenehena.

<sup>13</sup> Nau hanesāde hehethee hananeda hathauhuk, Hechauthethāhe, hanadesene nasaa, hadegaugauanauwauau vathayaunau.

<sup>14</sup> Nau hathāhuk, Henane, hanaa nanesehāde hadnauchuwuthane nau hadjaanauwunathane nananene?

<sup>15</sup> Nau hasenehethauhuk, Haunauyauhaudauwauau, nau naseduhuu jevavathehāe: hanau henane hedenaedede hehauwunedahevaa wauthayāgaune hevathayaunau henethayaunau.

<sup>16</sup> Nau haeanadetha haejegausudenanadetha, Vedauuwuu jasaa nethauyāsenane haenauthauthā:

<sup>17</sup> Nau hasethajauhuk nehayau, hewauau hauaudnesedaunaune, hanau hajanethenauwau jedauwuu hadnedauthānauwau navethenau, hahagu?

<sup>18</sup> Nau hanaāenehede, nuu hadnaasedaunau: hadthauwunauwau nathāyānauuwuu, nau hadnesedenau hadjavaāvasauau; nau hadnaadauthānauwau vahee navethenau nau navathayaunau.

<sup>19</sup> Nau hadnaāenehethauau navadathuwu, Vadathau, nananene nanethenauwau wauthāe hanethayaunau janenane hadwauthāe jajene; hedanau nanethauaunenede, hevethete, hevaveyā, nau haunauwunaede.

<sup>20</sup> Hau Hejavaneauthu hathähuk, Nananene Hauhauga, nuu dauveeyauau nananene havadathuwu hadnedauwunane: hee hanaa hadnethenauau hajenayaunau?

<sup>21</sup> Nananede haenathaunau heveaunauaudenau, nau hehauwuveaunauau hese Hejavaneauthu.

<sup>22</sup> Nau hathauhuk hethauguhādaunau, Naa nehethathana, Jevaegaugauanadauwuu hadenaededaunenau, daun hadnevethedaunenau; daudause hee hadanayaunenau, daun hadnāsaunenau.

<sup>23</sup> Henaedede javaāsa vethevaa, nau vadanayau javaāsa hāchaunaa.

<sup>24</sup> Gaugauanavaa huunauau: hanau dejejenayāthee nau dejegauausauhāthee; hehauwunethenauwu thāyānauauwu nau vethewau nedauthāsanenee; nau Hejavaneauthau nauchauwaude: gauhajavaāneenaedeva neahenaa?

<sup>25</sup> Nau hanaa nananena vanadauanāde hee neejahehee?

<sup>26</sup> Hith nananena wauhā jeneenesedaunagu henee haugajuhuu, nauu hajanethajau-dauwuna hauthauau?

<sup>27</sup> Gaugauanadauwuu nenaugaānuu nejajaesaānuu neseveseuu: hehauwunethānaunau, hehauwunethadayānaunau; nau nausunee nāedauwunathana, henee Solomon vahee hevasāthade heehauwunaasenu hasaunee nuu.

<sup>28</sup> Hith wauhā Hejavaneauthau heneenudehuk wauchuunau, nuu desenee nauau, nau nauagaagu hadneewaudeaunane; hāduthāejavaāvenāva hāchaunau, Hau nananena vanehaa hethauwuthajauna?

<sup>29</sup> Nau jevanaudedee nananena daun nananena hadnevethedaunenau, wauāthe daun hadnevaveyādaunenau, jevauuwaugaugauthajauau.

<sup>30</sup> Hanau vahee nuu neauthudan hathāauauvaa nenaudethāthee: nau nananena Hāsaunaunenau haenauau henee nananena hāvathehādaunenau nuu hayauhuhau.

<sup>31</sup> Hau henaudedee nananena henajanede Hejavaneauthau; nau vahee nuu hayauhuhau hadnethedaunauwunana nananena.

<sup>32</sup> Jevanāthajauau, hāhauwuauthaheva; hanau nananena Hāsaunaunenau hayethanadauwunādaunenau hadvenāna henajanede.

<sup>33</sup> Heaunaana henee hanetheyaunenau, nau hauwunaana hadavenuhuhauau; jasedauau nesevāejethāwaunau henee nejethauuthauaachusāe, haenathaude haneduu hejava henee nejethauuyuhuu, nedaujavedadenee, hehauwujuudenauau nuvanauauau.

<sup>34</sup> Hanau haduu hadaenathaunenau, hena hadahenau jea hadnaaduuu.

<sup>35</sup> Duujehee, nau haunauauuthayaunenau gauhauchanauha;

<sup>36</sup> Nau nanethahena henanenauau henee nedauyuhauwauthee hanau Hada-thethedaunādaunenau, hāejejaesathe hehethee gauwuhau; henee hāejenauusathe nau had-waudāhaude, hadgaunauwunade nauhaunee.

<sup>37</sup> Hauwunaana henee nesethāhehauau nananenethe, Vahadāde hāejenauusathe hadveenaude hadnaunauyauhauthānehe: hethauwāedauwunathana, haddujede nehayau, nau hadjanaguhaude hadvethenethe, nau hadjeedauchaude nau hadnaunauchauwaude.

<sup>38</sup> Nau hith jenauusahek naneseauwaude haunauyauhauthāhe, wauāthe jenauusahek naneseauwaude haunauyauhauthāhe, nau hadveenaude hadnesaanunethe, hauwunaana henee nesethāhehauau.

<sup>39</sup> Nau nuu hāenauwu, henee hith henane hedauauwu haenauaugu daun hāauchaunee havedehew neenausanith, haunauyauhauwaude, nau hanājechuwauthedaunenauhunee hedauauwu.

<sup>40</sup> Nananena hadnaesaanuna jea, hanau Heau henane hadnausade daun hāauchaunee hāejenauanauwunā.

<sup>41</sup> Peda hanaāanadethaude, Vahadāhene, gauhanadethāa Nananene nuu hee jegausudede wauāthe vahee?

<sup>42</sup> Nau Vahadāde hahagu, Hanaa henee chuvahagu nau hesenaedehuk hadāhevāhe, nananede hadāhewaunādaune, hadnevenaude gauu vethewau nauauchaunee?

<sup>43</sup> Hauwunaana henee nesethāhe, nananenith hadāhewaunādaune hāedasāthe hadveehāde hadnaasehāde.

<sup>44</sup> Hethauvaa hathāedauwunathana, henee hadnesehāde hadāhewaude vahee hethāenetheyaunau.

<sup>45</sup> Hau nau hith henee nesethāhe hesethajauhuk, Nadāhewaunāde jeguthenauusahek; nau henenese gauhahek henanenau nesethāhehau nau hesānu, nau hevethehagaunee nau hevaveyāhaugaunee, nau henaunauneseavagaunee;

<sup>46</sup> Hadāhevāhe henee nesethāhe hadnausanith hajesesenee hāejeauwuwuhauthe, nau, neejaenauau, nau hadgudanāde nau hadjenanaude jethauwaudahehau.

<sup>47</sup> Nau henee nesethāhe haenauaugu hadāhewaunādaune hathanavāde, nau jesaanuhuk, daudaus dejesedaude hathanavāthe hadnenedesegauhude dejauaunee.

<sup>48</sup> Hau henee jaenauaugu, nau hesedauhauk neseneneseguhededaunenee hanājauwaunenesegehude, hanau daun hauwauhuvenāde nananede hadnauwaunedauwunade; nau nananede henane hauwauhauhauthade, nananede hadnauwaunedauwunade.

<sup>49</sup> Hadjejenanauwau heseda dasee vedauauwuu; nau hayew navathehāde wauwu gauhachagu?

<sup>50</sup> Hau nanethenauwau dusaahede hadneedusaahedaunee; nau hanahauwau-dauaunānau haunaude hesedaudeyāgu.

<sup>51</sup> Haneējaude hadjenanauwau dādaunee vedauauwuu haāthanaveva? hadāedauwunathava, Hegau; hau wauāthe hanāgauanauwau:

<sup>52</sup> Hanau hehethee heee yauthaunenenedauneagu hanesadee hauauwuu hadgauanee, hadnasaunauthee hanesenethe, nau hadnesaunauthee hanāenethe.

<sup>53</sup> Henesaunau hadgauanathee hadnasānauwaude heau, nau heau hadnasānavāde; hesā hadnasānauwaude hedaunau, nau hedaunau hadnasānavāde, hesā hesave hadnasānauwaude, nau hesave hadnasānavāde.

<sup>54</sup> Nau hanaāanadedauwau jea henanedanede, hāenauhaudauwunā henaunauade jevechauhauhu hehethee nesenaesade, chauchaunu nananena, Hadnauchuhajauwausauu; nau naenesauu.

<sup>55</sup> Nau hāenauhaudauwunā jenauhuu hanehedasāe, nananena, hadnasedaa; nau naenesauu.

<sup>56</sup> Nananena nanadaunahena, nananena naenauwuna hedauchaveau haunauu nau vedauauwuu; hau dusaudee haejaenauwuna nuu hewaunehaa?

<sup>57</sup> Haa, nau naudau daudause nananena haejaenauwuna hasethadee?

<sup>58</sup> Hāeyehauthānā hasānavādaunenau hauchuwunanenau, nausujavesanagu, nayātheneneveaa hadeenayauhāna; havaehauthāva najanauchuwunanee, nau najanauchuwunane havavena duguthāhew, nau duguthāhe havathānāva duguthānauauwuu.

<sup>59</sup> Hāedauwunathana havajeneenauthauva, haunaude vathauaudauhunagu havāejethāvenau.

## 13

<sup>1</sup> Hena hethaa heee jachau haeauthedaunaa Gananeans, hevaewu Pinade haewauhau-nauwuaunenau nedauausāyāthee.

<sup>2</sup> Nau Hejavaneauthusaun haeauchuhananadethā, Nauchāe nananena henee nuu Gananeans heaughaugayauganee javaānee vahee Gananeans, hanau daujeneethajauduu hayauhuhau?

<sup>3</sup> Nananenau nāedauwunathana, Hegau: hau, vavade nananena jaugauthethajauagu, nananena hadnavahethahena gaujauaudahede.

<sup>4</sup> Wauāthe hena nasaudauchunee, dasee hayauauwuu jedauwuu Siloam dethauwunauauu, nau haenanaā, gauguanadauwuu henee gauhujavaānauhauganenauu vahee henanedanede henee theaugude jedawuu Dādaunedan?

<sup>5</sup> Nananenau nāedauwunathana, Hegau, hau vavade nananena jeneethajauhadede, nananena hadnavahethahena gaujauaudahede.

<sup>6</sup> Haeheanade jea nuu dajenehede; Jasaa henane haenethena hauyauuchunauhudene haejenana jedauwuu dadajeneveese nethauchayaunaa; nau haejenauusa nau haenau-naudede vevenaudenau hanāvenee, hau haejeveede.

<sup>7</sup> Hanaāenehethaude nesethāhew hedadajeneveese nethauchayaunaa, Naune, nuu hanasāa jajene nananenau hanejaunau daujenaudedenu vevenaudenau nuu hauyauuchunauhaudee, hau hajeveedenau: dauwauhune; hadevachunauthauyauu vedauauwuu?

<sup>8</sup> Nau hanaāaachuhanadethāde, Vahadāhene, hauwaa nanehasene nuu heee jaje jea, nadeesenenesede, nau vehethe hadjenanauwau.

<sup>9</sup> Nau hith hāvāgaune vevenaudenau neee: nauhith jene, hadnaāedauwauhade.

<sup>10</sup> Nau haechauhauthethā jasaa vevethahenauauwuu vadanesee.

<sup>11</sup> Nau, naune hena hesā haujaunehaeheaugauwuu nasaudauchunee jajenee, nau haeva-janā hauānee, nau haejenechuwwuathē nehayau.

<sup>12</sup> Nau hāene Hajavaneauthusaun nauhauwaude, Haeadetha, nau hanaāēdauwunade, Hesā, nananene haunaugunane hehethee hadaugauwudaunaa.

<sup>13</sup> Nau hanaāēvasanaude: nau chauchaunu hanaāechuvāde, nau haevaveenethedauna Hejavaneauthu.

14 Nau hauchuwunane vevethahenauauwu haeauchuhananade nauuu hasenau-naude, hanau henee Hejavaneauthusaun denyauthänith vadanese, nau haeautheda henaneda, Hena nanedauchaehä hese henane heenesethädaunau hanānaneējauna nau hanānaneenayauhana, hau hegau vadanese.

15 Vahadāde hanaāauchuhananadethaude, nau hathauhuk, Nananene nanadaunāhene, gauhājene dajee hanesahena vadanese haugunauva hauwaugajevenau wauāthe nau-gauchaudaheauau hehethee hewauchuhauchauwauwu, nau gāyethājethauva devanauhauna?

16 Nau gaujenaasaunee naa hesā, hedaunau Ābrahim,\* henee Haujau heduguthaune, naune, nuu nasaudaachunee jajene, hāaugunade hehethee nuu deduguhude vadanese?

17 Nau hāenehedauau nuu hayauhuhau, vahee hejauthauwau haeaudādāhenenau: nau vahee henanedanede haeneethaujudene hee vahee havathee hayauhuhau henee hesethaunau.

18 Hanaāenehede, dusaune henajanede Hejavaneauthau? nau hayew naudnenehethau?

19 Waude nejenanenee mausdaude, henane nedanauau, nau neneāgudede hejenayau-naa; nau neveseaudede, nau hāhe haeavadauhudenē; nau neahehauau hejavaa negau-usee hedānaa.

20 Nau jea hanaāenehede, Hayew naudneedajenehethau henajanede Hejavaneauthau?

21 Waude nesaunauchaa henee hesā nedanauau nau nejenanauau nasau dejenauhunee thauauhanau haunaude devahenesaunadāe.

22 Nau haehedesa hauwauhauwudane nau hajasedan, dechauhauthethāde, nau haejāda hesee Dādaunedan.

23 Hanaāanadethāde hanesāhenith, Vahadāhene, gaujewauthanauau henee henayauhathē? Nau hanaāēdauwunaude,

24 Neaunedauwauau hadejedāna hadaugaugunesāde dajanau: newauthana, Nananenau dāedauwunathana, hadnenedadēna hadnedaujedāna, hau hadnehauwunēdauva.

25 Hāene hechauhauthethāhe hauauwu thauwauthehuk, nau haugauhahagu dajanaune, nau nananena hanānaētheauguna jathee, nau hanānaēwaudāhauna dajanau, hanānaēnehethauna, Vahadāhene, Vahadāhene, jegaunanauwunāa, nau hanānaēauchuhanehethāna nau hanānaasenehethāna, Hāhauwaenaunathe daun hadesane:

26 Hanānaēnehethauna, Nevethehenauau nau nevaveyānauau hathaāhene, hau nananene dauthedaunānehadaugauchadee.

27 Hau hadnaasenehede, Hāedauwunathane, Hāhauwaenaunathe daun hadesane; nayāsesave vahee nananena nesethāhehauau wauwauhudaude.

28 Hena hadnevewauhudaunee nau hadnegaugauchaugudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwu henajanede Hejavaneauthau, hau nananena nehayau nenuguthadēna.

29 Nau hadjenauuchaudenee hehethee nejeethevesesanith, nau hehethee nesenaesanith, nau hehethe nanavee, nau hehethee janauhuu, nau hadjanauguduu hējanēdaunene Hejavaneauthu.

30 Nau, naune, hena hedauaude hadnedauvade, nau hena nanedaudevade hadnedauchude.

31 Hajesesenee hena haejenauasa jasaa Nesethajauhuhauau, hasenehethāhuk, Nauahe, nau jathāau, hanau Herod hadnaāne.

32 Nau hanaāēdauwunāthee, Najesaa, nau hadāedauwunauva hena vachuhuu, Naune, nenuguthu haujaunauau, nau nenayauthānau nuu desenee nau naugaagu, nau nanaseauwauau hesee hadnaēsesadaunau.

33 Hau hadnēnesanau nuu desenee, nau naugaagu, nau jea hathavenaugaagu: hanau hehauwunaasau henee haeyāhe denaede Dādaunedan.

34 Hau Dādaunedan, Dādaunedan, nanathee nenauauthēe haeyāhehau, nau nēnauchauwathēe hauunaugāe henee hejejenanauwunaudēnenau; dauhudauchu naudnauāchauhaunauau nananena hadāeyaunewauau hauānee waude neauthuneahēe dauānaude henesanau hethauvaa hethaēnaa, hau hāhauwuvathēhāva.

35 Naune haudauuwunenau, naunaudauwunana hadnadauyewu: nau hethauwu nāedauwunathana, Nananena hadnehauwunauhauwuvu haunaude nauauchaugu hadneenehena, Hauwunaunaa henee jaunau hēe hēneseadaunene Vahadāhenith.

\* 13:16 "Ābrahim" is spelt thus once in this verse and spelt "Abraham" thirteen times elsewhere in the text. It is not known whether the spelling differences have any grammatical significance.

## 14

<sup>1</sup> Nau hethauwuu, daujedāde hedauauwunene hanesāhenith najane Nesethajauhuhau hadvethee jauaujau vadanese, henee haeaunauiyuhauvaa.

<sup>2</sup> Nau, naune, hena jasia henane hathaāhede haenenesaunenauau.

<sup>3</sup> Nau Hejavaneauthusau haeachuhananadetha nanavaavehau nau Nesethajauhuhau, gaujenanavanau henayauthau vadanese? hāthauhuk.

<sup>4</sup> Nau haedādaunaugunauau. Nau hanaāedanaunith nau haenayauha, nau haejenana;

<sup>5</sup> Nau haeachuhananadetha, Hanaa hedauneau naugauchaudahehau wauāth wau-gaje janesenayaugaune hadaundaunadene, nau gauchauchau nau gauhadnauuguthauva vadanese? hathauhuk.

<sup>6</sup> Nau haeyauhuune nesenehethauthee jea nuu hayauhuhau.

<sup>7</sup> Nau haedadajenehetha henee hathāadethavathe, hāenauhauwaude hasayāchauhauwunethe najatheaugudaunau; hanaāēdauwunaude,

<sup>8</sup> Hāene nananena hadethaunā henanenauau gauwuhaudeneagu, jevajanaugu nau-jatheaugudaunaa; havajavaānethā henane havajavaāheva henee hadethade;

<sup>9</sup> Nau henee hadethāde nau nananede hadjaude nau hadnethāne, Venene naa henane hadehedagu; nau nananene haddayāhene janaugunenagu hesaudavaa.

<sup>10</sup> Nau hāene nananene hadethanagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa; hadnaāene nananene vechau-thānaune henee hanethevethehevādaunauau.

<sup>11</sup> Hanau daun nanajathajau vade nehayau hadnausādauau; nau henee nausādauauadede nehayau hadnajanede.

<sup>12</sup> Hanaāenehethaude jea henee hadethādaune, Hāene nananene gauusevanenagu wauāthe hethunevethehevanenagu, jevaadesene hādaehauhau, wauāthe hāthesaunauau, daudause hādaunāunau, wauāthe nethauyādahagu hanedaudewau; havaadetha jea, nau havaaunadaunā.

<sup>13</sup> Hau hāene nananene vethehevanenagu, hadadethaunauau hadavenuhuhau, hene-senehehau, jeneejavesahehau, nanenauguhuhau;

<sup>14</sup> Nau nananene hadnauwunau; hanau daujeneaunadaunānaune; hanau nananene hadnaunadaunane jaegauchadeneagu hathāethadee.

<sup>15</sup> Hāene hanesāde henee henethevethehevādaune daunedauwaudauwunith nuu hayauhuhau, Hauwunaunade henee hadvethee jauaujau henajanedaunene Hejavaneauthu, hathāhuk.

<sup>16</sup> Hanaāēdauwunaude, jasia henane haeavathethunevetheheva, nau haeauwauhade-thānanena;

<sup>17</sup> Nau haejenana hewauwaune dauethunevethehedaune hadnēdauwunaunith henee hadethavathe, Jenajesia; vahee hayauhuhau wauwuhanejenanee.

<sup>18</sup> Nau vahee haenesadene hathauchuwuhadethee hadnudanethee. Nandedauwauade hasenehethauhuk, Neaundaunaduwau vedauwuu, nau hadneyehaunau nau had-nauhaudauwau: Nehethathane hadnudanene.

<sup>19</sup> Nau jasia ahagu, Neaundaunauthu yauthauyauna hedauhuwau gaje, nau hadneyehau nau hadnayāduuhuu; nenehethathane hadnudanene.

<sup>20</sup> Nau jasia hahagu, hedauwunenenu, nau naajenejaunau.

<sup>21</sup> Hanaāejenausade henee wauwau, nau hanaāenauhauthehaude hadāhewaunādaune nuu hayauhuhau. Wauhā hechauhauthethāhe hauwuu hanaāasenaunade hanaāēdauwunaude hewauwaune, Yegauhu nauhauhaune hadaugauchaudāe nau hadaugauchauchanee hedane, nau hadjāthaunau hede hathāadavenuhethethee, nau henesenehehau, nau jeneejavesahehau, nau nanenauguhuhau.

<sup>22</sup> Nau wauwau hasenehethauhuk, Vahadāhene, naasedaunau hasenesene nau nausu-nauthauyauau, hathāhuk.

<sup>23</sup> Nau Vahadāhede haeēdauwuna wauwaune, Yehau hathenavaunaa nau nethauchayau-naa nau hadjādasauaunau hadejejedāthee, henee naudauwuu hadechauchau-naa.

<sup>24</sup> Hanau nāedauwunathane, henee hegau hena henanenauau neadethethee hadne-hauwuvajaduwu nadethunevethehewau.

<sup>25</sup> Nau hena haenethaunau havathenanedane: nau hanaāējaagude, nau hanaāēdauwunaude,

<sup>26</sup> Hith daun henane hedaunagu, hau jasānauwauhuk henesaunaune, nau henaune, nau henene, nau dāeyaunau, nau henethesaunau, nau hedašāwau, haa nau nehayau hedenaedede jea, nāhauwuneethauguhā.

<sup>27</sup> Nau daun janenevaa henaugauchu, nau thaughānagu, nāhauwuneethauguhā.

<sup>28</sup> Hanaa nananena vanadaunesedede hayauwun gauhadjejanaugu nedauau had-nayādede hadaachuunee, wauwau hanaadauchanene hesehenee?

<sup>29</sup> Havaene hesejenanauhuk hauunauganau, nau hanājenesedede, vahee henee hathāenahaudauau hadneevavavayaudenenee.

<sup>30</sup> Naa henane nenesedede, hau hajenesedede, hanāthāde.

<sup>31</sup> Wauāthe daun naja, vadauvauthauhuk jachau najane, hanājanaugude nedauau, nau hanāgaugauanadauu wauau haneene nauuu vadadauchu vasevadadausauau hadnenuchaunaude henee heevenahedaunau nauuu nesauuu vasevadadausauau?

<sup>32</sup> Wauāthe, hajesenausujechaugunethe, hanāyethautheavede, nau hanānyāthenedauāwaunaude.

<sup>33</sup> Nau naasauau, daun nananena henee janenaunaudauau vahee henetheyaunau, nāhauwuneethauguhā.

<sup>34</sup> Nejaauuwuu hethadee: hau hith nejauauwuu jevanujadāgu, hayew hadneene-jauauwujauau?

<sup>35</sup> Daudause hehauwuuthade vedauauwuu, wauāthe heee vehethe; hau henanenauau hanāneāgudede. Daun henaudaununede heenedauvahek jaathede.

## 15

<sup>1</sup> Hanaāeuchaunāde vahee hauyāhehau nau wauwauchudauhuhau hee hadjaathēhāde.

<sup>2</sup> Nau Nesethajauhuhau nau Wauthaunauhāhehau haeneneedenenau, Naa henane hanesedanaude wauwauchudauhuhau, nau nanethevethēhewaude, hathāhuk.

<sup>3</sup> Nau haeauthaunanadetha, hasenehethauhuk,

<sup>4</sup> Hanaa henane nananena hedauneede vadadausauau jauaunawaudā, hith hanauhuhuk hanesahenith, gauhadnautha theaudausauau nau theaudauchunee nauaunee, nau gauhadnaudeha henee naunethauaunith gauhaunaude hadveeha?

<sup>5</sup> Nau hāveehauthe hadthāegauhaude hejaanaunaa, hadneneethajauude.

<sup>6</sup> Nau hānauajegauhuthe, hadnadethaude hauānee henedaehauhau nau henedaudevādaunau, netheneethajaudauwunee hanau daujaveehauau naudaūve nenaunethauaude, hathauhuk.

<sup>7</sup> Nananenau hāedauwunathana, nuu hadnaasauau neethajauude hayāene hāene hanesāde wauwauchuduhu haunaunevethajauhuk javaānee theaudausauau nau theaudauchunee hathauwunane janenethenauau haunevethajauude.

<sup>8</sup> Daudause daun hesā nethenauaugu vadadauchu gauneevāejethā, hith hanadehuk hanesadenee gaunee, gauhadjedauchauau nauauuthayau, nau gauhadwaudeau hauauwuu, nau gauhadvavesenaunee haunaude gauhadveede.

<sup>9</sup> Nau daun hāveenuu hanadethaude henedaehauhau, nau henedaudevādaunau hauānee netheneethajauwuu, hanau daujaeveenauwau hanesadee nāanathau, hanāthau.

<sup>10</sup> Naasauu, Nananenau nāedauwunathana, haneduu neethajauude hathāhethēe hathaunauau Hejavaneauthuu hanesāde wauwauchuduhu haunaunevethajauhuk.

<sup>11</sup> Nau hasenehuhuk, jasaa henane neseyaugaune heuhau:

<sup>12</sup> Nau hajauchaugade haenetha henesaunaune, Nāchau jevene gauuu vatheyaunau henee nāudnedadahedaunau. Nau hanaāgauuvenaude hethāenetheyaunau.

<sup>13</sup> Nau haunauahaejewauthanenau hese hajauchaugade hāesauānauau vahee hauānee, nauhanaāejathāde hese vavāune vedauauwuu, nau hena hanaāevadauthedede hethāenetheyaunau hee hauhaugānēnaedede.

<sup>14</sup> Nau hāevathedede vahee, hena haanaāenauauchauau naunauthauau hasenaude hena vedauauwuu; nau hanaāadavenuhunede.

<sup>15</sup> Nau hanaāeyehāde nau hanaāewauhānesade nehayau hauwauhauauwunanenau henee vedauauwuu; nau haejenanaa hethauauwuu hadnauchauwaude neauthuwauchu.

<sup>16</sup> Nau hanāneanadauu hanāchauchaunadede henaude hee jeyauwaunau henee neauthuwauchu hevethedaunenenu: hau hegau henanene havenaa.

<sup>17</sup> Nau hāaenadede hanaānehede, Wauthanethe hedauthaunau nāsaunau nenethenauau jauaujaunau naenedauchanenee nau nejeesesanenee, hau hadnenadaugayānau?

<sup>18</sup> Hadgauhānau nau hadeyehaunau nāsaunau, nau hadnaasenehethauau, Nāchau, nananenu nanethenauwau wauchudaude hese hayāene, nau yese nananene,

<sup>19</sup> Nau nananenau hegau hee hāhauwauthēāve: jenesehe waude haudauthaunauau.

<sup>20</sup> Nau hanaāegauhāde, nau hanaāedauchaude henesaunaune. Hau hajesejedauchaude, henesaunaune haenauhauvaa, nau haeauwunaunaa, nau haeyeseneegau, nau haeanaethesaunauagutha, nau haenedana.

<sup>21</sup> Nau heau hathāhuk, Nāchau, nananenau nanethenauwau wauchudaude yese hayāene, nau nananene, nau nananenau hegau hāhauwautheneēāve.

<sup>22</sup> Hau henesaunaune hathauyaugaune hedauthaunene, Jādee chaunauguuthadee hu, nau hauyauunaa; nau thānauwunaa nechaunathathau hejadena, nau jedauaunena:

<sup>23</sup> Nau hadjāthauva hede daun gauchujāde wauuu, nau hadnauauva; nau hadvethehenauau, nau hadeaunauwuthajauuau:

<sup>24</sup> Hanau naa nāa nenajaa, nau jaenaedede; nenaunethauaude, nau jaeveenade; nau hanaāejasesaunauwuthajauthee:

<sup>25</sup> Wauhā vanachauganith heau haenedaune nauau: nau daunsausaude nau hāayānausade hedauauwunenau, haenedauwaude haenevaudenene nau haevadaudenene.

<sup>26</sup> Nau haadetha hanesānith haunauaheau, nau haenaudeauna dusedaundene hathauhuk.

<sup>27</sup> Nau haeāedaunau, Nananene hahavaa nauusade; nau nananene hāsaunau nauaude gauchujānith wauuu, hanau daujaesedanaude nanethauaunee.

<sup>28</sup> Nau haeasenauna, nau haejejedā: hanaāejenaunehenith henesaunaune, nau haedadada-sevaa.

<sup>29</sup> Nau haeauchuhanadetha henesaunaune, Naune, nuu hawauthāe jajenee hānesedaunathadenau, daudause hāhauwujethauwaudaunathe hanāene hanathauchuwuhunaune: hau haunauau nananene hāhauwuthauuvene haudāsau, henee hanānesedenau haunauwuthajaude nauuu nādaehauhauau:

<sup>30</sup> Nau haeāedaunau, Nananene hahavaa nauusade; nau nananene hāsaunau nauaude gauchujānith wauuu, hanau daujaesedanaude nanethauaunee.

<sup>31</sup> Nau hanaāēdaunau, nā, nananene nanethenaedevene, nau vahee henee nāthāenethayaunau nanehanāhene.

<sup>32</sup> Dauudasadee henee haneenesehēe haunauwuthajaude, nau hadneethajaunee: heee naa hahavaa denajaa, nau jaenaedede; nau denaunethauaude, nau jaeveenade.

## 16

<sup>1</sup> Nau hanaāēdaunau, nā, nananene nanethenaedevene, nau vahee henee nāthāenethayaunau nanehanāhene.

<sup>2</sup> Nau haeadetha, nau hanaāēdaunau, nā, nananene nanethenaedevene, nau vahee henee nāthāenethayaunau nanehanāhene.

<sup>3</sup> Hadāhevāhe, Hewauau hauaudnesedaunaune? hasethaujauhuk, hanau navahadāhewaunāde haedanaunau nādaehauhauau: haeneenauchauhānau; thaununedauwauhenau.

<sup>4</sup> Haenauwau hadnesedaunau, henee hāenudanānaune hadāhewaude hadjedanethee hedauauwunenau.

<sup>5</sup> Hanaāedethaude haunaude hadāhewaunādaune hethāesayānedanaunau nādaunene, nau hanaāēdaunau nanaedauwauaunith, Dauhudauchanaunau hasayānedanaunau nanaedauwunenau nanaene nadāhewaunāde?

<sup>6</sup> Nau hāheyaugaune vadadausauau dejenauhuu javeda. Nau hanaāēdaunau, nā, nananene nanethenaedevene, nau vahee henee nāthāenethayaunau nanehanāhene.

<sup>7</sup> Hanaāēdaunau, nā, nananene nanethenaedevene, nau vahee henee nāthāenethayaunau nanehanāhene.

<sup>8</sup> Nau vahadāde haevaveenethedauna janechuvāhenith hadāhevāhe, hanau dauhaenauau hasedaude: hanau dāeyanaunau nuu hathāauauva henedaunau nādaunene hāenau javaanee hesenedāeyanaunau.

<sup>9</sup> Nau nananenu hādaunau nanaedauwunenau nanaene nadāhewaunāde?

<sup>10</sup> Henane henee chaunuvāde heee haugajuhuyāgu haneechuvāde jea vasee: nau henane henee janechuvāde vanehaa hehauwuuchuvā jea vanasaunee.

<sup>11</sup> Hith naaheene nananenu jechuvahena hāhauwuthahe hāhauwuthahe hanaa hadvenāde nananenu hadanethaude hethauwuu veaunauaude?

<sup>12</sup> Nau hith nananenu hejechuvahenagu heee hanehanahede jāsaa henane hanaa hadvenāde nananenu henee hanehanahede.

<sup>13</sup> Hegau nesethāhe hehauwunenenedauna hanesenethe hechauhauthethāhehau: jachau hanāasānauwaude hanesānith, nau hanāvechauthaude jachau; wauāthe hanādudevede hanesānith, nau hanāthauchauhauwaude jachau. Nananenu hāhauwunenenedaunau Hejavaneauthau nau nethauyādahehau.

<sup>14</sup> Nau Nesethajauhuhauau jea, haevēnaunau vājejhā, haenedauwaudauwuu vahee nuu hayauhau: nau haeauchaudanavanau.

<sup>15</sup> Nau hanaāēdauwunaude nananena nethadee hasehadenā hathaāhethee henane-nauau; hau Hejavaneauthau naenauau hadahenau: hanau henee nechauguanavadethee henaneda newauchanavathee hathaāhenethe Hejavaneauthu.

<sup>16</sup> Nanavaavedau nau haeyāhehauu haunaude nauu Jaun: hee hena henajane Hejavaneauthau deheauthedaunee, nau haunaude henanenauu neheeneethenadethee.

<sup>17</sup> Nau hehauwunauthau hejavia nau vedauauwu heyauhuāgaune javaānee hanesadee haugajuhuu nanavaavede hadneeayuhuu.

<sup>18</sup> Daun hausānaude henene, nau heneyaugu gauchuhunee, wauchudaudehaugau-thenenede: nau daun hausāyaune nanewaude wauchudaude.

<sup>19</sup> Hena jasaa nethauyāsenane, haeneenu haevējayaunenau nau haegaugunesaunenau, nau haeneechauna hadauchsunenee:

<sup>20</sup> Nau hena jasaa nedauwuhu Lazarus haseagu, haesaese hedajanaunaa haevahaseva,

<sup>21</sup> Haevadaugaudaude hee jeyauwaunau nejanesanenee hehethee nethauyāsenanee hevethehedaunee: jea hathave haedasaa nau haenenesaudauwu hedsawaunau.

<sup>22</sup> Nau hethauwu, henee nedauwuhu haenaja, nau haenauaunechauhaa hautheaunau yesee Abraham haenedauguva: nethauyāsenane jea haenaje, nau haejenanau;

<sup>23</sup> Nau hadaueyaunee haeejēnāauguau, haeadauwuthajau, nau haenauhauva Abraham vavāaune, nau Lazarus haenedauguvane.

<sup>24</sup> Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejegunauhade naunauchuu hejadenaa najee, nau hadedauyauvanauu nāthaune; hanau nananenau hanavachuunau nuu hesedaa.

<sup>25</sup> Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau hewaunehaa hauwauthenaedede, hau nananene naunauchauthenaedene.

<sup>26</sup> Nau jea vahee nuu, nahethāe nananee nau nananene haneduu vanasauu vanethaunauu janenane: hadnejeneehedechaunee hehethee hede hese nananene hehauwunee; daudause hehauwuneejeauchsanaunau hadaunee, henee nevadaujauthee hehethee hethaa.

<sup>27</sup> Hanaāēnehethaude, Vanevethedaunathane hena hee, Nāchau, henee nananene hadejejenanaude nāsaunau hedauauwu:

<sup>28</sup> Hanau yaunauthaunethee nauhauwauuau henee hadeēdauwunaude, jea havajane-nau nuu haduu naunauchauthauu.

<sup>29</sup> Abraham hanaāēdauwunaude nanethenauthee Mosaseau nau haeyāhehau; jaathehau-nauha.

<sup>30</sup> Nau, hegau, nāchau Abraham: hau hith hanesāde jaeyehauhuk hehethee degau-jauaudāde, haunauneevethajauthee, hathāhuk.

<sup>31</sup> Nau hanaāēdauwunāde, hith jenedaunauhaugane Mosaseau nau haeyāhehau, daudause hāhauwunee nadauwunauu, daudause hanesāhenethe jaegauhāyagaune hehethee degaujauaudāhenith.

## 17

<sup>1</sup> Hanaāēdauwunaude hethauguhādaunau, Hāhauwunee hau henee dausenadenau had-nauauchuu: hau naunauthauu hadnauauchaudaude daunjaunaude.

<sup>2</sup> Hanāneene henee thauyānaunauugane henauānauyauu, nau seāguthadagu hadaje, hauhanāheejegaudauvāhenethe henee haneedausenane the jachau nuu hajasedāyeanauu.

<sup>3</sup> Haunauyauhau dauwauu nehayau nananena: Hith hahavaenau havawauchuhāva, hadanadethauva; nau hith haunauneevethajauhuk, hadjaegudanauwunauva.

<sup>4</sup> Nau hith wauwauwuhānagu nesaudauchu hajesesenenee, nau nesaudauchu hajesesenene naujaeyethaagudaunānagu, haunauneevethajauu, hethānagu: nananena hadjaegudanauwunauva.

<sup>5</sup> Nau vadauhanauu, Vahadāhene, hethedaunauwunāa hedethauwaudaudenede, hathauhaugaune.

<sup>6</sup> Nau Vahadāhenith hathāhaugaunee, Hith nananena hethauwaudauwunāgu hethāee hethāuu mausdaude jenayaunau, nananena hanāna nuu segaumau hunauhauene, Hanāgauchauhana hethājee, nau hanājenanauna hadajee; nau hanāthauwaudaunāna.

<sup>7</sup> Hau hanaa nananena, hanāwauwunavede hanāthauauuwjethānith wauāthe hanana-jauānith, hanāthauna waunee hāenausathe hehethee nauu, Najese nau hadjanaugu nau hadvethe?

<sup>8</sup> Hau hanājenaasenehethauna, Hesetheva nayaunenee hadnevethenau, nau duujehe nehayau, nau hadjeenechaudaune haunaude hesevethenauu nau hesaveyānagu; nau heauhauwunee jenaevethehene nau hadevaveyā?



<sup>9</sup> Gauhadvaveene henee wauwau hanau dauhunaasedaude henee hanasenehethāthe? Haunauchāe hegau.

<sup>10</sup> Naathahena, hāene nananena vahesedaunagu hena hayauhuhau hathauchuwhana, Hāhauwuneejavaājasethānau wauwaunau; vavade nanesedaunau hadnesedaunuu, hadeva.

<sup>11</sup> Nau hethauwuu, daunausuyehaude Dādaunedan, haehedesa nahethāe Samaria nau Gananee.

<sup>12</sup> Nau hāewaudasade jasaa hauauwudan, haenuchaunaa vadadauchu henanenau haenaujaune hedaugauwudaunenau, haetheaugunenau vavāaune:

<sup>13</sup> Nau haeneduvanau, nau hanaāenehethauthee, Hejavaneauthusau, Hecauhauthethāhe,\* jeauwunauā.

<sup>14</sup> Nau hāenauhauwaude hanaāēdauwunaude, Waunenauhauthehaa hadanayaunenau vevethahevahehauau. Nau hethauwuu, henee daunausuyehauthee, haejegaudauvāhenauau.

<sup>15</sup> Nau hanesāde, hāenauhadauau henee dauunayauhade, haejaaagu, nau haevasenehe dauvaveenethedaunaude Hejavaneauthu,

<sup>16</sup> Nau haeuāneseve heauthene, haevaveenethedauna: nau haenaadāde Samaritan.

<sup>17</sup> Nau Hejavaneauthusaun haechuhananadethā, gaujenayauhaunauau vadadauchu? hau daude theadauchu?

<sup>18</sup> Hajenauhauvathee hajejaeyehauthee hadvaveenethedaunauthee Hejavaneauthu, vavade naa henewauuhu.

<sup>19</sup> Nau haeēdauwuna, Gauhā, najesa: nananene hadethauwaudaude henayauhāne.

<sup>20</sup> Nau hāenaudedauwunāde Nesethajauhuhau, daun henajanedaunene Hejavaneauthu hadneenauauchaunee, Haeēdauwuna, Henajanede Hejavaneauthu hadnehauwunauauchaune nausujauwuwuhadagu:

<sup>21</sup> Daudause hehedauneagu, Nauhaudauwuu hede, wauāthe, nauhaudauwuu hena, hanau, naune, henajanede Hejavaneauthu thanāsadena,

<sup>22</sup> Nau hanaāēdauwunaude hethauguhādaunau, Hese hadnauauchuu, hāene nananena vadaunauhadauwunā jasae hese Heau henane, nau hadnehauwunauhadauva.

<sup>23</sup> Nau hadnanethāna, Nauhaudau hede; wauāthe nauhaudau hena; jevayehauau, wauāthe jevathauguhaa,

<sup>24</sup> Waude hasauau jahagude, henee naunauasānauuu hehethee naugauthanee nau gauauwuu hejavaa neenauasādaa jasaa naugauthanee nau gauauwuu hejavaa; hadnaasauau jea Heau henane hadnaasaunee hedeseve.

<sup>25</sup> Hau nedauau hadnanasedauau wauthanee, nau hadnausāguthade nuu henaedede.

<sup>26</sup> Nau waudeneesaunee deenaedede Noe, hadnaasaunee jea hedeseve Heau henane.

<sup>27</sup> Neauwauthethehedaune, neauwauthevaveyaudenee, neauwauthenenedaunee, neenenehathee, haunau nauu henee Noe dejedāde havathee thewaunaa, nau haenaāenadauwunauau, nau haenauhā vahee.

<sup>28</sup> Waudenaasauau jea deenaedede Lot; neauwauthethehedaunee, neauwauthevaveyaudenee, neauwauthadaunaudenee, neheadaunaudenee hayauhuhau, neauwauthenayaudenee, neauauvadenee;

<sup>29</sup> Hau hajesesenenee henee Lot haenaude Sodom haesedanauasaude nau haegauhauchanauauhauunaganauau hehethee hejavaa, nau haenauhā vahee.

<sup>30</sup> Hadnaasauau hesee hāene Heau henane hāenauhauthethāthe.

<sup>31</sup> Henee hesee, hāenedauthee dasee hauauwuu, nau hevatheyaunau jedauwuu hauauwuu, nanehajeauwusade hadejedanaau: nau henee hanedaude nauau, nanehajejaejaude.

<sup>32</sup> Dauyuwuu Lot henene.

<sup>33</sup> Daun vanadaunayaudede hedenaedede hadnanadede; nau daun hadnanadede hedenaedede hadnenayaudede.

<sup>34</sup> Nananenau nāedauwunathana, henee veeyaugu hadnesethee henanenauau hanesadenee hauau; hanesāde hadnedanade, nau jasaa hadnathauaude,

<sup>35</sup> Hanesethee hesānauau hadthauayāthee wauhaunee; hanesāde hadnedanade, nau jasaa hadnathauaude.

<sup>36</sup> Hanesethee henanenauau hadnenedauthee nauau; hanesāde hadnedanade nau jasaa hadnathauaude.

<sup>37</sup> Nau haechuhananadethanaau, Daude, Vahadāhene? Nau haeēdauwunā haduu vadanayau, hanaaduhauāneauhuthee neahehauau hauānee.

\* 17:13 Missing "h" in "Hec(h)auhauthethāhe" ("Master").

## 18

1 Nau haeanadetha hauthaunauhānee nuu heee, hena henane hāvachudajauaunevevetha, nau hājethaujesevenauau;

2 Hahagu haeanedau hedan hauchuwunane, haejesa Hejavaneauthu, daudause hathauwunananau;

3 Nau haeanedau henevesā hena hedan; nau haejeedasa, Jeugaunayewhu naujau-thavaa, hathauhuk.

4 Nau haejevadaunaasedau: hau waunee hasethajauhuk, hewauāthe nejechauau Hejavaneauthau, nau hathauwunananau;

5 Hau nausunee hanau naa henevesā hajanauchuhānau, hadenayauhauau havaedajauaunejau navanadauchuhaa.

6 Nau Vahadāde hasenehēhuk, Jaathehaa hasenehede janechuvāhede hauchuwunane.

7 Nau gauhujavaneauthau gauhadnenayauha nehayau hanayāsanaunau, hauwauau-daunādaunau hesee nau dajāee, hau negudauchuhaude?

8 Nananenau nananena nāedauwunathana henee hadnauchuhanenayauhaude, Hau hāejauthe Heau henane, gauhadveede hethauwaudaude nuu hathāauauvaa.

9 Nau haeauthaunanadetha jachau nethauwaudaunadenethe nehayau henee dauchuhahethee, nau newauchānauwauthēe hauthauau:

10 Hanesethee henanenauau haeyehaunauau vevethahenauauwuu hadvevethahethee; hanesāde Nesethajuhu, nau jasaa hauāyāhe.

11 Nesethajuhu haetheaugu nau haevevetha waude heee nehayau, Hejavaneauthau, nananenau vaveenethedaunathane, henee nāhauwunaathā hauthauau henanenauau hathahethee, hedanauwuyāhehauau, janechuhahethee, jatheaudauwuyāhehauau, daudause naa hathāde hauāyāhe.

12 Nananenau nenaugauyānau nese hanesadee hauchauvadede, Nevānau vadadauchu vahee henee nāthāenetheyaunau.

13 Nau hauāyāhe haetheaugu vavāaune, daudause haejejenāauguau hejavaa, hau haeanadesejāhede, Hejavaneauthau jeauwunaune wauchudaunau, hathauhuk.

14 Nananenau nāedauwunathana, naa henane haejaeyehau hedauauwuu haeauwunau-nau haejavaāhe jachau: hanau dathājee hanesāde henee nevadaujavaānajanethee nehayau hadnauwujenanade; nau henee nenehanethaunadede hadnejanade.

15 Nau haejādaunanauau jea hajasedāeyaunauau, hadnevasanaude; hau hāenauhaudauwunethe hethauguhādaunau, haeneneuvanauau.

16 Hau Hejavaneauthusau haeadetha, nau hahagu, Nanehajauthēe hajasedāeyaunauauau, nau jevadauduvaa: naathāhenethe henehanahedaunau henajanede Hejavaneauthau.

17 Hethauwuu nāedauwunathana, Daun hadjesedanauau henajanedaunene Hejavaneauthu hasenaedenethee hajasedāeyaunauau hadnehauwuneejādā.

18 Nau jachau hauchuwunanene haenaudedanaa, Hethāhene Hechauhauthethāhe, nauddusedau hadnedanauwau jethauujenenaedede? hathauhuk.

19 Nau Hejavaneauthsaun\* haeāedauwunaa, Naudu hethāde haesene? henaneda hehauwuthā, vavade hanesāde, nananede, Hejavaneauthau.

20 Nananene haenauwu nanavaavedaunau, Jevawauchudauau heee haugauthenenede, Jevanaa, Jevaaveda, Jevajayaudauwāedauwauthadee, Vechauchune nananene hāsaunau nau hānau.

21 Nau hanaāenehede, Vahee nuu haunaunedenau heee daujeeseaunau.

22 Wauhā Hejavaneauthusau hāenedauwaudauau nuu, Hanaāedauwunaude, Hanesadee hāhauwusenethene: Vaheaudauna henee hāthāenetheyaunau, nau hadjaanauwunaunauau hadavenuhuhauau, nau nananene hadnethenauwu haenathau hejavaa, nau hadejau hadjethaugu.

23 Nau hāenedauwaudauau nuu, haeaudauwuthajau: hanau deethauwunethauyā dāde.

24 Nau Hejavaneauthausaun hāenauhaudauwunith henee dauaudauwuthajau, Duthāenanauthaune henee nanethenuu veaunauaude hadnesejedāthee henajanedaunene Hejavaneauthu, hathauhuk.

25 Hanau hehauwujajathauhe heee camel hehedesahagaunee hajasevāhau nedaudaudenedee, javaāneenauthaunee nethauyāsenane hadnesejedāde henajanedaunene Hejavaneauthu.

26 Nau hathāenedauwauduu, Hanaa hadnenanedanede? hahagaunee.

27 Nau hanaāenehenith, hayauhuhau hejethauuneethaunenau henanenauau neneedede Hejavaneauthau.

\* 18:19 Missing letter “u” in “Hejavaneauth(u)saun”, which often appears (as does “Hejavaneauthusau”) where we would find the name “Jesus” in the KJV.

- <sup>28</sup> Hanaānehede Peda, Naune, naunaudawunauau vahee, nau thaunauguhane.
- <sup>29</sup> Nau haeāedawuna, Hethauwu nāedawunathana, hena haunaude henane henee hehauwunaude hedauawuu, wauāthe henehā, wauāthe henauhauwauau, wauāthe henene wauāthe henesaunau, heee henajanedauene Hejavaneauthu hedenaedauene,
- <sup>30</sup> Nananede hadjavaānesedanauau nuu hewaunehaa, nau hathāuauvaa hadnauusanauau henaedede hadnejethauuvadauauau.
- <sup>31</sup> Hanaāedanaude nesenee, nau hanaāāedawunaude, Naune, hadneyehaunauau Dādaunedan, nau vahee hayauhuhau hathāewauthaunauhuu haeyāhehauau heee Heau henane hethauwunauauchaau.
- <sup>32</sup> Hanau hadvenavathe Neauthu, nau hadvavavanauchuhāde, nau hadnaunauauchauchauchuhāde, nau hadneguthahayauthāde.
- <sup>33</sup> Nau hadnensesaguhude, nau hadnaāde: nau nasese hadnaājeagauhāde.
- <sup>34</sup> Nau haejaenauwu nuu: nau nuu hauthedau haeyaudaunaunauau, daudause haejaenauwu hathauthedaunāthee.
- <sup>35</sup> Nau hethauwu, hāyāēdadauau Jericho, jasia haenanenaugu henane haetheaugu nedechaundenenee dauhunedauwaude:
- <sup>36</sup> Nau haenedauwaude henanedanede dadavechaundenenee, haenaudedauva haesedaundenenee.
- <sup>37</sup> Nau haeāedawunau, henee Jesus Nazareth hanehedesade.
- <sup>38</sup> Nau hanaāevasanadede, Hejavaneauthusau, nananene Heau David, jeauwunaune, hathauhuk.
- <sup>39</sup> Nau nanedauvathee haenenevanauau haddādaunaugunith: hau haevasanade haugauthe, Nananene Heau David, jeauwunaune.
- <sup>40</sup> Nau Hejavaneauthusau haedauusa, nau haeautheave hadjādaunade: nau hāyājenausanith, haenaudedaua,
- <sup>41</sup> Hauddusehathe henee hadenaasehathane? hathauhuk. Nau hanaāēdawunaude, Vahadāhene, nanaa hadeesedanauwau nauhaudauwaude.
- <sup>42</sup> Nau Hejavaneauthusau haenehetha, hanesedanauwu nananene nauhaudauwaude: hadethauwaudaude henayauhāne.
- <sup>43</sup> Nau chauchaunu haeesedane henauhaudauwaude, nau haethauguha, haevaveenethedauna Hejavaneauthu: nau vahee henanedanede, hāenauhaudu, haevaveenethedaunanauau Hejavaneauthu.

## 19

- <sup>1</sup> Nau Hejavaneauthusau haewaudasa nau haechaugusa Jericho.
- <sup>2</sup> Nau, naune, haenedau henane Zacchaeus haseagu, haenajawauna hauāyāhehau, nau haeveaunauau.
- <sup>3</sup> Nau haenenavadaunauhauva Hejavaneauthusaun haedāhenethe; nau haejeneene daunauthethenedaunenene, heee daujaahede.
- <sup>4</sup> Nau haesyāgau, nau haenauuhyu sycomore hunauhaudee hadnauhauwaude: hanau hadnehedesanith.
- <sup>5</sup> Nau Hejavaneauthusau hājeedadauau, haejaāne, nau haenauhauva, nau hathauhuk, Zacchaeus, nauhauhuhu, nau jeauwusa, hanau nuu desenee hadnandedaunau haudauawuu.
- <sup>6</sup> Nau haenauhauhu, nau haejeauwusa, nau haedasa nauguu neethajau.
- <sup>7</sup> Nau hāenauhauvāhede, vahee haeneānaune, Henee hadneejādavenethe henanene henee wauwauchudauhu, hathāhuk.
- <sup>8</sup> Nau Zacchaeus haetheaugu, nau haeāedawuna Vahadāhenith; Naune, Vahadāhene, vayaugauuu naudaununaunau vanenu hadavenuhuhanau; nau hith hedanavanaugu hayewhu hehethēe daun henane hanājayaudauvāedauwauthauau, hanājavaāvenauau yāyaunanee.
- <sup>9</sup> Nau Hejavaneauthusaun haeāedawunaa, Nuu desenee henayauthāhe hedadauau nuu hauauwuu, hanau nechau haneāvāde Abrahamvene.
- <sup>10</sup> Hanau Heau henane nauusade hadnaudethāde nau hadnenayauhaude daun naunethauaunith.
- <sup>11</sup> Nau hajesenedauwauduu nuu hayauhuhau, haethedaunane nau haeauthauhānanadetha, hanau dauhuauchauau wauwu Dādaunedan, nau hanau daunauanaduu henee henajanedauene Hejavaneauthu chauchaunu wauauhaadenauhauwu.
- <sup>12</sup> Hanaānehede henaheee, Jasia naja haehau vavāaune vedauawuu hadnesedanauau heee nehayau najanede, nau hadjajau.

<sup>13</sup> Nau haeadetha vadadauchu hewauwauwauwau, nau haejaanauwuna vadadausauna vāejethā, nau haeāedauwuna, Hadeaudaunava haunaude jaenauusanagu.

<sup>14</sup> Hau hauauwunanenau haesānavaa, nau haeyethauthevedaunene thaugu, Nāhauwuvadaunethenauva naa henane nāhauwuvadaunajawaunāva, hathāhuk.

<sup>15</sup> Nau hethauwuu, henee hājeaenauusade, haeesedane najanede, hanaāaichuwuhaude nuu wauwanau hadnadethaude, hevenanau vāejethā, henee hadnaenauau haedauchu dathājee henane haedauchujavaājasedethe heee hedaudaunaunau.

<sup>16</sup> Hanaājeenauusade nanedauvade, Vahadāhene, havāejethāwau javaājasedede vadadausauna vāejethā, hathāhuk.

<sup>17</sup> Nau hanaāēdauwunaude, Hethadee, nananene hethāhene wauwau; hanau nananene nethauwaudauwu heee naugajuhuhu hadnajawaudauwu vadadausauna hedan.

<sup>18</sup> Nau naneseauwaude haejenauusa, Vahadāhene, havāejethāwau javaājasedethee yauthauyauna vāejethā, hathāhuk.

<sup>19</sup> Nau vavade hanaasenehethaude, Hadnehanāhene yauthauyauna hedan jea.

<sup>20</sup> Nau jasaa haejenauusa, Vahadāhene, Naune, heyewnau havāejethāwau, neaunaunede-nau nejenanauwau hāheāhaunaa, hathāhuk:

<sup>21</sup> Heee dauhusathane, hanau nananene daugaunaauwunanenene: nananene hedanau henee hājejenayaunau, nau hadegauuchu henee hājejenayaunau.

<sup>22</sup> Nau haeāedauwuna, hehethee nehayau hadenaa hadaichuwuhathane, nananene hauhauganene wauwau. Haenauwu henee daugaunaauwunanenenu, hedanauwau henee nājejenayaunau, nau hadgauuchauwau henee nājejenayaunau:

<sup>23</sup> Naudu gauhājevā navāejethāwau nedauhaenaevāejethā, henee hājeaenauusanaune hadeesedanauwau nehayau javaānee?

<sup>24</sup> Nau haeāedauwuna henee daunauthetheaugunethe, Hedanauwunaa vāejethā, nau hadevenau henee vadadauchuvāejethāvade.

<sup>25</sup> Nau hathāhuk, Vahadāhene, nanethenauau vadadauchuvāejethā.)

<sup>26</sup> Hanau hāedauwunathane, Henee dathājee hanesāde nanethenauau hadnevenade; nau henee janejasedede, daudause henee henethayaunau hadnedanauwunade.

<sup>27</sup> Hau hena naujauthauwauwau, henee najevadaunajawaunaunauau, hadjāthauva hede, nau hadnaunaauva hathājenau.

<sup>28</sup> Nau hāesanāsenehede nuu, haenedauva, haenauauhuyehaunauau Dādaunedan.

<sup>29</sup> Nau hethauwuu, hāyānauusade Bethphage nau Bethany, haua Olives haseāgu, Hae-sayānautheava hanesenethe hethauguhādaunau.

<sup>30</sup> Najesaa nananena hesee hajasee hauauwudan hathāāsana, hathauhuk; nana wau-dasanagu hadveehauna dātheveehauchavesau hadduguhude, hehauwuthauune henane dachaugu: hadaugunauva, nau hadjāchaudauneva hede, hathauhuk.

<sup>31</sup> Nau hith daun henane naudedanānagu, Naudu hauaugunauna hethānagu? hesau jenaasenehethauna, hanau Vahadāde haddaununaude.

<sup>32</sup> Nau henee hautheavathēe hanaāejathāuthēe, nau haeveehanauau neesenehethaude.

<sup>33</sup> Nau daunauunauunauthēe dātheveehauchavesaune, hedauneenith, Naudu haugu-nauna dātheveehauchavesau? hathāhaugaunee,

<sup>34</sup> Nau hanaāēdauwunauthēe, Vahadāde haddaununaude.

<sup>35</sup> Nau haenauuchaudaunanaunau Hejavaneauthusaun: nau haedadasanauwunanaunau hedāchaunenau dasee dātheveehauchavesaun, nau haeaugaugunaunanaunau Hejavaneauthusaun dasee.

<sup>36</sup> Nau daunauusuyehaude, haesasaanauwu hedāchaunenau vaunaa.

<sup>37</sup> Nau hāyānauusade, wauwu haeauwusa hauanee Olives, haunauude hadaichude hethauguhādaunau hanaāaunauwuthajauthēe nau haevaveenethedaunanaunau Hejavaneauthu naugu haevasānadedauune heee vahee hathāenauthaunee henesethaunene henee henauhauthaunenau;

<sup>38</sup> Haunauwuthajauau Naja henee jaunau haneesee Vahadāhenith: danādayauau hejavaa, nau vaveenethedauwu javaājauudaa, hāheagu.

<sup>39</sup> Nau hauthauu Nesethajauhuhau hehethee henenedaa, Hechauhauthethāhe, neuwune hāthauguhādaunauau, hathāhuk.

<sup>40</sup> Nau haeauchuhanāedauwuna nau hasenehethauhuk, Nananenau nāedauwunathana henee, hith nuu dādaunauagaunee, hauunauanganauu chauchauu hadneduhuthee.

<sup>41</sup> Hau hāyānauusade, hāenauhaudauu hedan, nau haevewau,

<sup>42</sup> Hanaāenehede, hith heenauwunagu, ha nananene, ha nuu hadeseve, hayauhuhau naathuu hadādaunahedaunaa, hau hewaunehaa yaunaudaunane hasesāe.

<sup>43</sup> Hanau hese hadnedasāna henee haujauthauwauu hadnesedethee havathegauuha heee nananene, nau hadnechachuunāna nauanee, nau hadnaunaunehāna daudauna hehethee,

<sup>44</sup> Nau hadnanaunauvaenāna, nau hadāeyaunewauau hanedauchaunawaunauau; nau hadnehauwunaudanauwunā hanesāhenith hauunaugane hanathaugunethe; hanau nananene daujaenauwu hāenauujādaunathana.

<sup>45</sup> Nau hanaāeyehaude vadanedaunauauwu, nau hanaāenudanaude henee neaudanane the jedauwu, nau henee naudaananethe;

<sup>46</sup> Hanaāēdauwunaude, Wauthaunauhuu, Naudauauwu haneauauwunee hadnevevethahedaunee: hau nananena haesedena nedaunaudee heyāenau havedehauau.

<sup>47</sup> Nau haeautheda hayauwusenene vadanedaunauauwu. Hau najanauau vevethahevahehauau nau wauthaunauhāhehauau nau najavahehauau henanedanede haeneenanaudehaa hadnaāde,

<sup>48</sup> Nau haeyauhuune nesenehāde hanau vahee henanedanede haenādevenenau dauhujaathēhāde.

## 20

<sup>1</sup> Nau hethauwu, henee jasia hena hese, denausunauthedade henanedanede vadanedaunauauwu, nau haeauthedade waunauyaunee hethadenee, najanauau vevethahevahehauau nau wauthaunauhāhehau haeedasaa nauuu vachaugananenau,

<sup>2</sup> Nau hanaāanadethauthee, Jeauthedaunā, hayew hāenaudahede hāenesedaude nuu hayauhuhau? wauāthe hanaa henee havenāde nuu hāenaudahede?

<sup>3</sup> Nau hanaāaachuhananāedauwunaude, Nechau hadnaudedauunathana hanesadee hayewhu; nau hadjeēdauwunewa:

<sup>4</sup> Heedusaayāde Jaun, gauhuhuthaune hejavaa, wauāthe hehethee henanedaa? hathauhuk.

<sup>5</sup> Nau haeeegaugaugauudenauau, hith hesauhesenehethaunauaugu, hehethee hejavaa; hahagaunee, Naudu haejethauwaudaunaua? hanāthānauau.

<sup>6</sup> Hau hethaunauaugu, hehethee henanedaa; Vahee henanedanede hanāedaudauuānauau hauunaugāe, hanau hethauwaenaunauthee henee Jauneau dauhaeyānith.

<sup>7</sup> Nau haeēdauwunanaunauau, daujeneauthedaunauthee daunathane.

<sup>8</sup> Nau Hejavaneauthesau hanaāēdauwunaude, Dause gauhaudnauthedaunathava daun nēnaudahede nāenesedaude nuu hayauhuhau.

<sup>9</sup> Hanaāejasesanadedauu henanedanede hee dajenehede; Jasia henane haejenane dadajenevesenethauchayau, nau haehathauauauwujethāhehau, nau haejathāu hese vavāaune vedauauwu haegudaunā.

<sup>10</sup> Hāenauauchaunee haeyethautheava wauwaune hese thauauauwujethāhehau, henee hadjevenāde vevenaundenau hehethee dadajenevesenethauchayaunaa: hau haeneneseguhuu, nau haejathēhājēnāhee jessaa.

<sup>11</sup> Nau jea haeyethautheava jachau wauwaune; nau haeneneseguhunauau jea, haedayānauchuhanaunau, nau haejathēhājēnāhee jessaa.

<sup>12</sup> Nau jea haeyethautheave nanaseauwaunee: nau haenasenēhanauau jea, nau haenuguthanaunau.

<sup>13</sup> Hanaāenehede hadāhevāhe dadajenevesaa, Hewauaujeesedaunaunee? Hadautheawauau navechauthau nāa: Nauchāe hadeneehauthee hāenauhauwaunauthe.

<sup>14</sup> Hau thauauauwujethāhehauau hāenauhauwauthee, haegaugaugauudenauau, Naa nananede hadvanehanāde: nahājauu hadenauaune, henee headevanehanahedaunau hadenehanahenauau.

<sup>15</sup> Hanaāenuguthauthee dadajenevesenethauchayaunaa, nau haenaunauau. Haudduseha hadāhevāhe dadajenevesenethauchayaunaa?

<sup>16</sup> Hadejaude nau hadnauauhaude nuu thauauauwujethāhehau, nau hadgauchuhuvāde dadajenevesenethauchayau, hathauhuk, Nau hāenedauwauduu, hadnehauwunaasau, hahagaunee.

<sup>17</sup> Nau haenāuhauva, nau hanaāēdauwunaude, Dusau nuu henee wauthaunauhuu, Hauunauganau hauauvāhehauau hausāguthaunenau, hanānanenith hāhe hanādāde nedautheane?

<sup>18</sup> Daun janese dasee nuu hauunaugane hadthausee, hau dasejaneseagu hanānauchauwuthauathāaunau.

<sup>19</sup> Nau najanauau vevethahehehauau nau wauthaunauhāhehauau chauchaunu haegaugauanavanauau hadnesedanauthee; nau haedauwu henanedanede hee dauhāenuu henee dauhanadede nuu dajenehede hee.

<sup>20</sup> Nau haeauauyauhauvanauau, nau haeautheavanauau haunauyauhauthāhehau, hadnanadaunethānethē hadchuvāhevathē henanenau, henee hadnesedanauwunethe

hedanadedanau, henee hadenauuchaudanauthee hejadenenau nau naunaudāhenethe hauchuwunanene.

<sup>21</sup> Nau haenaunaudedanauau, Hechauhauthethāhe, haenaunee henee hasenehenaunee nau nethauwuchauhauthethāne, daudause hāhauwujāvedaugauhauwaunauau henanedanauau hegau, hau hanechauhauthethāne hese Hejavaneauthu hethauwu:

<sup>22</sup> Gaunaasauu hee nananee hadnevenade hauāyauau Caesar, gauwauāthe hegau?

<sup>23</sup> Hau haeaeauwu henadanedaudenenau, nau hanaāēdauwunaude, Naudu haeavadauvasehena?

<sup>24</sup> Jenauhauthehee vāejethāe. Hanaa hewauthaunenauaudene, nau hanaa hewauthaunahanede? Haeauchuhanāedauwunanauau, Caesar.

<sup>25</sup> Nau hanaāēdauwunaude, Jauaunadaunaa hee Caesar hayauhuhau henetheyaunau Caesar, nau Hejavaneauthu hayauhuhau henetheyaunau Hejavaneauthu.

<sup>26</sup> Nau haejenesedanauu hedanadedanene hathaājedaunene henenedanede: nau haegaugauanadauu hedauchuhanehedanene, nau hanaāēdādaunauguthee.

<sup>27</sup> Hanaāējeedauchauthee jasae Sadducees, hayāthajauhuhau henee hadjejaegauhadenene: nau haenaudedanauau,

<sup>28</sup> Hechauhauthethāhe, Moses hathauthaunauwunānauau, Hith daun henane henauhauwauau gaujauaudāheyaugaune, heneneyaugaune, nau gaujauaudāheyaugaune jedēyauneveyaugaune, henee henauhauwauau hanādanaude henenene, nau hanānesaunede hee henauhauwauau, hathauhaugaunee.

<sup>29</sup> Hena hee haenesaudaunauau henahavaevadehehauau: nau jasaa nedauau haenene, nau haenaja haejedāeyauneve.

<sup>30</sup> Nau naneseauwaude haeneva, nau haenaja haejedāeyauneve.

<sup>31</sup> Nau naneseauwaude haeneva; nau vavade hanaasene nanesaudauchauwaude jea, nau haejenauthanauau dāeyaunauau, nau haegaugauaudāhenauau.

<sup>32</sup> Waunee vahee hesā haegaugauaudā jea.

<sup>33</sup> Henaheee jaegauhadeneyāgu hanaane hadnevādaune? hee hanesaudaunethe daunevāde.

<sup>34</sup> Nau Hejavaneathusau haeauchuhanāedauwuna, dāeyaunauauau nuu hathāauauvaa nenevadaunee, nau nenenehadunee:

<sup>35</sup> Hau daun naunauguthee hadnenaededuu hena henaedede, nau jaegauhadenegaue hehethēe gaujauaudahede, hadnehauwunevadaune, hegau hadnenenehadunee:

<sup>36</sup> Daudause hadnehauwauthenajadene: hadnaathahedaunee hautheaunauau; nau hadnenaunevāthee Hejavaneauthu, naathedāeyaunenadaunee jaegauhade.

<sup>37</sup> Wauhā henee gaujauaudahehehauau hadjaegauhāthee, Moses denauhauthehade jauuadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob.

<sup>38</sup> Hehauwuujavaneauthune heyauhauadade, hau henaedede: hanau vahee haneenaededanene.

<sup>39</sup> Hanaāene jasaa wauthaunauhāhe haeauchuhananadetha, Hechauhauthethāhe. Nananene hethade hasenehene.

<sup>40</sup> Nau hee haejauthenaudedanauau.

<sup>41</sup> Nau hanaāēdauwunaude, Naudu haena hane Chris Dāvid\* dauhuāwaude?

<sup>42</sup> Nau Dāvid nehayau hasenehede wauthaunauhanaa Psalms,† Vahadāde hasenehethaude Navahadāhewaunādaune, Hadjejanaugudaune hejavesanee,

<sup>43</sup> Haunaude nadeesehanauau haujauthauwauau hadnedaugāaugunene.

<sup>44</sup> Dāvid henaheee haheenesea Vahadāhenith, dusee heau?

<sup>45</sup> Nau vahee henenedanede haenedanau hanaāēdauwunaude hethauguhādaunau,

<sup>46</sup> Waudauau wauthaunauhāhehauau, neneanaduu javesanee sauaunūsāchaude, nau vechauduu jachauthade nedauadaunauvadaunene, nau najatheaugudaunau vevethahenauuau, nau najanau nedaugunethe vanethehedanene;

<sup>47</sup> Naudauvāe henevesānau hedauauwunene, nau hanau denauhauthethāthee deguthevevethahethee: hadnathee hanesedanuu vanasaunee gudanadede.

## 21

<sup>1</sup> Nau haejaāne, nau haenauhauvā nethauyāsenanene haejenanauwu hevaudenenau haenathaunaa.

\* **20:41** "Dāvid" is spelt thus here and in two other places nearby, 20:42 and 20:44. The name is spelt "David" in its other ten appearances in the text. (See note for 13:16.) † **20:42** "Psalms" is capitalized here but not in 24:44, but both are almost certainly deliberate. As per the KJV, "Psalms" in 20:42 is the name of a book in the Bible, but in 24:44 the common noun "psalms" is meant.

<sup>2</sup> Nau haenauhauva jea jachau hadavenuhu henevesāne haethāgudene hanesāneee nevaāhenee vāejethāau.

<sup>3</sup> Nau hanaāenehede, hethauwuu nananenau nāedauwunathana henee naa hadavenuhunde henevesā javaājenanauau vahee;

<sup>4</sup> Hanau vahee nuu nanethauyādahethee dejenanuu dejenanauwunauthee Hejavaneathu: hau hadavenuhunde hajananaau vahee heenaededaunau hathāenethenauau.

<sup>5</sup> Nau haehegaugaugauudenauau vadannauauwuu, haseneehenee nauguu hethāhenethe hauunauganau nau hausāyauau, hanaāenehede,

<sup>6</sup> Nuu hayauhuhau hānauhauthaunenau, hese hadnauaichuu, hadnehauwunathauau hanesāde hauunauga hanathaugude hadvajanese.

<sup>7</sup> Nau hanaāenaudedauauthee, Hechauhauthethāhe, hau hadduunaasau nuu? nau hayew hadnauhauwuu hadnesauau hāene nuu hayauhuhau hadneenauaichuu? hathauhau-gaunee.

<sup>8</sup> Nau hanaāenehede, haunauyauhau dauwauau henee nananena hadejenanedaunehana: hanau hadnewauthathee hadjauthee Naneseedaunaa, Hanejavaneauthusaunenau, hadnethee; nau hayānauaichauau: jevathauguhā.

<sup>9</sup> Hau hāenedauwaudauwunā vauthadede nau jajayauthadede, jeva nathajauau, hanau nuu hayauhuhau hadnedaunauaichuu; hau hadneevadauauau hadguthauau.

<sup>10</sup> Hanaāēedauwunaude, jajaesenanedanedede hadnevauthadee jajaesenanedaa, nau nananed hadnevaudauau najanede:

<sup>11</sup> Nau hadnavathethauthauwunauauau vedauauwuu, nau hasenaude, nau havathaugauwude, nau naunaunauchaudauhauthaude nau hadvasauau naunauhauwuu hadnauaichauau hehethee hejavā.

<sup>12</sup> Hau hadnejesejenauaichuu vahee nuu, hadnedanāna, nau hadnaunaunauchauthehāna, nau hadnevaudenee nananena hauāchaude, nau duguhunauauwuu, nau hadnenauchauhana hathaājethee nenauchuwuthee nau hauchuwunanenauau hanau Naneseede hee.

<sup>13</sup> Nau hadnaasejenanauwunana hee haenathau.

<sup>14</sup> Hāenauwuu heehena nananena hadahenauau, jevagaugauuthajauau nedauau daun hadnesenehena:

<sup>15</sup> Hanau hadvenathana vade nau haeyaude, vahee hasānavādaunenau hadnehauwuneayādaunāva hegau hayethaagudaunādaunenau.

<sup>16</sup> Nau nananena hadnavethevāthee nesauuu hanehānenau, nau hāthesaunenau, nau hādaunānenau, nau hādaehahenau; nau jase nanaena hadneenaana.

<sup>17</sup> Nau hadneevahasānavāhena vahee henanedaa hanau naneseede hee.

<sup>18</sup> Hau hegau hāthaanenau haudauguhuanenauau hadnehauwugaujauaudāhenaunau.

<sup>19</sup> Hanāedevedaunenau hadnaunaunehaudde havadathuwunau.

<sup>20</sup> Nau hāenauhau dauwunā Dādaunedan hadnechauchuaunāna vanenanenauau, nanehāenaunawuna henee nauauhade wawuu hadneadaa,

<sup>21</sup> Nanehadaugauhuthee hese hauanee hathāanedauthee Judaea; nau henee hathāanedauthee nahethāe nanehanauahethee; nau jevajejedānauha henee hathāanedauthee gauchuhunee vedauauwuu.

<sup>22</sup> Hanau nuu hese hadneauthedaunee henee vahee hayauhuhau hathāewauthaunauhuu hadnethauwunaaasauau.

<sup>23</sup> Hau naunauthaunee hadnethauauvāhethee hathāenesaunethee, nau hathāeneauthuthee hena hese, hanau hena hadnavathasenaunee vedauauwuu, nau hasenaundaunāhenaunau nuu henanedane.

<sup>24</sup> Nau hadneaunathāhethee gaugauthau, nau hadnejathechauhāthee hadwauwaunenethee vahee jajaesenanedanede: nau Dādaunedan hadnauguhethee Neauthu, haunaude Neauthu nauauchaudauhaugaunee.

<sup>25</sup> Nau hadnauhauthaunee hesese, nau vegusee, nau hauthuu; nau nanadee hathāauauvaa hadnaunaūdaugauhudaunee jajaesenanedanede, hadnehauwaenauw; hadaje nau hadnaunaudānaunee;

<sup>26</sup> Henanenauau hedahenau hadnadenāthajane, nau hanau naunauyauhauuu hena hayauhuhau hadnauaichuunee dasee hathāauauvaa, hanau hathāenauthauau hejavā hadnauauwunauauau.

<sup>27</sup> Nau hadnaāenauhauwauna Heau henane hadnenauusade henaunauade nauguu nau-nauthaunee nau hadnavathenausaasauau.

<sup>28</sup> Nau hāene nuu hayauhuhau hāenauaichuu, nauhadnaāenauauānena; nau hadnejenāauguana hee hadneejenauthana hadnaāeadaa.

<sup>29</sup> Nau hanaāedadajenehethaude; Nauhauvaa hauuyauhunauhaude, nau vahee hahaude-nauau;

<sup>30</sup> Hāeguugauāhenauthe, hadnauhauwauna nau hadnaenauwuna nehayau henee veja dauhuaudaa.

<sup>31</sup> Hadnaasauau nananena hāenauhaudauwunā nuu hayauhuhau hadnethauwu-naasauau, hāenauwuu henee henajane Hejavaneauthau haneaudanee.

<sup>32</sup> Hethauwuu nāedauwunathana, nuu henaedede hadnehauwuvadauau, haunaude vahee hadnethauvāe.

<sup>33</sup> Hejavaa nau vedauauwuu hadneyauhuu; hau Nadanadedau nau hadnehauwuthau-uyauhuunau.

<sup>34</sup> Nau haunauyauhaudauwauau nehayau, naseduhuu daunāene hadahenau havaehayaundenau heee haudauhauganedaunenau, nau havanadenenau, nau haunaunethaunenau nuu henaedede, nau henee hesee hadgauduauwunā nau hadnehauwaenava.

<sup>35</sup> Hanau waude nauyauundenau hadnauauchauau vahee hathāetheaugude dasee hathāauauvaa.

<sup>36</sup> Haunauyauhaudauwauau henaheee, nau hevevethahee dajauaunee, henee nananena hadehenauwana hadegauchuhauwuna vahee nuu hayauhuhau henee hadnauauchuu, nau haddetheauguna hathāēhede Heau henane.

<sup>37</sup> Nau hesenee haeechauhauthethā vadanauauwuu; nau hāeveeyaunee haenauā, nau haeadāne hauanee henee neseeyāgu hauanee Olives.

<sup>38</sup> Nau vahee henanedane haejevanauchaudene naugusāje daunauganenee hadaude vadannauauwuu, heee dauhujaathehāde.

## 22

<sup>1</sup> Wauhā hadneevasevenee janenesaunauchauanauhuu jauaujaunau haeyānauauchau, Hadavechaude neseāgu.

<sup>2</sup> Nau najanau vevethahevahehau nau wauthaunauhāhehauau haegaugauanadauwunene hadnesenaāde; hau haedauwu henanedane.

<sup>3</sup> Hanaāejedāde Haujau Judas hejaveede Iscariot, haenethanedau vadadauchunesenee.

<sup>4</sup> Nau hanaāejathāaude, nau haeanadetha najanau vevethahevahehau nau haunauyauhauthāhehau, hadneseavedaudaunauwaude.

<sup>5</sup> Nau haeneethajaunauau, nau dechauhuhadethee hadvenāde vāejethā.

<sup>6</sup> Nau haesayānehetha, nau haeunauyauhaudauwu hadneeneavedaudaunauwaude henanedane.

<sup>7</sup> Hanaāenauauchauau hesee janenesaunauchauanauhuu jauaujaunau nanaa hadav-echauthau hadnāede.

<sup>8</sup> Nau hanaāautheawaude Pedaheau nau Jauneau, Najesaa hadesaanudeva hadavechauthadede, hadevethenauau, hathāhaugaunee.

<sup>9</sup> Nau hanaāēdauwunauthee, Daudu hadauvathethāne hadnedauusaunuu?

<sup>10</sup> Nau hanaāēdauwunaude, Naune, hāejedānā hedan, hena henane hadnuchaunāna, hadnewaunauau hauānau hadjaāsanenee naje; hadethauguhauva hauauwuu hadnedau-jedāde.

<sup>11</sup> Nau hadethauva henane hedauauwunede, Hechauhauthethāhe nejeethāne, daudu jādanauauwuu hadnedauvethenauau hadavechauthadede naugu nāthaughādaunauau?

<sup>12</sup> Nau hadnauhauthethāna vanasaunee dachauauwuu hadnesewaudeanee: hadnesaanuhuu.

<sup>13</sup> Nau hanaāeyehauthee, nau haeevedenauau neethāedauwunaude: nau hanaāesaunudethee hadavechauthadede.

<sup>14</sup> Nau hāenauauchaunee, hanaāejanaugude naugu vadadauchunesenee hevadauhanau.

<sup>15</sup> Nau hanaāēdauwunaude, hethauwuvadauvethenau nuu hadavechauthadede nau nananena hajesejasauwauwuthānau:

<sup>16</sup> Hanau nāedauwunathana, Nadnehauwauthevethe nuu, haunaude hadnauauchauau henajane Hejavaneauthau.

<sup>17</sup> Nau hanaāedanauau vāenau, nau hanaāevāde vaveenede, nau hanaāenehede, Hedanauwuu nuu, nau hadjaanauwauva nehayau:

<sup>18</sup> Hanau nāedauwunathana, Naudnehauwuvanethede dadajevenenaje, hanaude hena-janede Hejavaneauthau nauauchauyāgu.

<sup>19</sup> Nau hanaāedanauau jauaujau, nau hanaāevade vaveenede, nau haejeane, nau haevana, Nuu nanaa nadanayau havenadenenau: nuu hadneeejanaunethedaunena, hathauhuk.

<sup>20</sup> Naasauau jea vāenau hāesethunevethedeaunee, Nuu vāenau waunauyauau hesānaavede Navaevaa, hanedaunauwunana, hathauhuk.



<sup>21</sup> Hau nauhauvaa, hejadena henee haneavedaudaunade nananenauau nanedau-guvānauau vethehedanaa.

<sup>22</sup> Nau hethauwuu Heau henane hadjathāaude, neesedaunade: hau naunauthaunee henee henane haneavedaundaunenenee.

<sup>23</sup> Nau hanaāenaunadedauadethee nehayau, hanaadee hadnesedaude nuu.

<sup>24</sup> Nau hena jea haenenayaudenauau, hanaadee hadjavaāvasāthaa.

<sup>25</sup> Nau hanaāēdauwunaude, Nenauchuwuthee Neauthuu haevhadahethedauwu; nau henee nanethenuu naudahede nanadee hesenaedehehauau neseadagaunee.

<sup>26</sup> Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau.

<sup>27</sup> Hanaa vanasāthaa, henee vanethede, wauāthe henee henechauthāhe? gaujenane henee vanethede? hau hanedaunathana waude henee henechauthāhe.

<sup>28</sup> Nananena daudajauaunenethaunena denaunaunauchauthehanau.

<sup>29</sup> Nau janenanauwunathana najanede, waude Nāsaunau nejeesejenanauwunānau;

<sup>30</sup> Hadevethehena nau hadevaveyāna navethehedaunaa Nanajanedaunaa, nau hadetheaugudaunau najatheaugudaunau hadnauchuwuhauna vadadauchunesenee jajaesenanedanede Israel.

<sup>31</sup> Nau Vahadāde hanaāenehede, Simon, Simon, nauhauwune, Haujau nevadaunethenāne, hadvachuuguthāne waude thauauhanewauchuunau:

<sup>32</sup> Hau nevevethasathane, henee hadethauwuthajaude hadejenadegaunauau: nau hājeauaugauthethajauanaune hadedāewaunauau hahauwauauau.

<sup>33</sup> Nau haenetheta, Vahadāhene, Nananenau hanesaanunau hadnennenethaunathane, nesauna duguhanauauwuu, nau gaujauaudahedaunaa.

<sup>34</sup> Nau haeēdauwuna, hādauwunathane, Peda, neauthunēhe hadnehauwunedu nuu desenenee, hajesejenehenaune nasau hadnethedauwaune henee nananene daujaenaunene.

<sup>35</sup> Nau hanaāēdāuwunaude, Deathavejenanathana hāehauwunewauunava nesevājethāwau, nau newaugusajaānauchu, nau wauaunau, gauhājevathehāva hayewhu? Hegau, hathauhaugaunee.

<sup>36</sup> Hanaāēdauwunaude, hau hewaunehaa henee nanethenauau nesevājethāwau nanehaedanauau, nau jea newaugusajaānauchu; nau henee janenethenauau gaugauchu, nanehaeaudaunade heddu, nau jeaudaunade gaugauchu.

<sup>37</sup> Hanau nādauwunathana, henee nuu wauthaunauhuu hethauwunaathauthaunauhu-nau, Nau haewauhaunau wauwauchudauhuhau: hanau nethauthedauthanau hethau-vaa.

<sup>38</sup> Nau hathauhaugaunee, Vahadāhene, nauhaudau, heyewnau hanesāe gaugauthau. Nau haeēdauwuna, Naadauchāe.

<sup>39</sup> Nau haejenaua, nau haejathāau, nesedaude, haua nee Olives; nau hethauguhādaunau jea haethauguhāa.

<sup>40</sup> Nau hāanauusade, haeēdauwuna hevevethahee henee hadejejedāna vasehadede.

<sup>41</sup> Nau haejāvesa hehejese nejechauthaunenene, nau haechagujanaugu, nau haevevetha,

<sup>42</sup> Nāchau, hith Nananene vadausedaunenagu, jegudanauwune nuu vānau hehethee Nananenau: hau nāhauwuvathehaa, hau Nananene, hadnaasauau, hathauhuk.

<sup>43</sup> Nau haenauhauva hauthaune hehethee hejavaa, haedadāevaa.

<sup>44</sup> Nau haenenajeneethajau haenenavevetha: nau heguwauaude waude datatheja-janeauthee vaewauau dejanese vedauauwuu.

<sup>45</sup> Nau hāegauhāde hehethee devevethahede, nau haejeedasa hethauguhādaunau, Haeveena haeseenaugauhunenau heee haudauwuthajaude,

<sup>46</sup> Nau haeēdauwuna, Naudu haenaugauhuna? gauhāe nau vevethahee, hadejejedāna vasehadede.

<sup>47</sup> Nau hajesanadede, haenauhauwu havathenanedanede, nau henee Judas ne-seade, jasaa vadadauchunesenee, haenedauva, nau haeayāedasa Hejavaneauthusaun hadnedanaude.

<sup>48</sup> Hau Hejavaneauthusaun hathāhuk, Judas, gauhāavedauna Heau henane gauhad-nenedanau?

<sup>49</sup> Hāene henethauguvādaunau daunauhaudauwunethe hadnesehade, Vahadāhene, gauhadjedauuwaunauau heee gaugauchu? hathauhaugaunee.

<sup>50</sup> Nau hanesāde haedauauva hewauwaunavene vasnajane vevethahevahew, nau hae-gaadathāhe hejavese.

<sup>51</sup> Nau Hejavaneauthusaun haeachuhananadetha, Hauwaa nanesedau nuu. Nau haevasane henaununenene, nau haeenayauha.

<sup>52</sup> Hejavaneauthusau hanaāenehethaude najavevethahevehau, nau haunauyauhau-thāhehau vadannauauwuu, nau vachaugananenau, hejewaunedasādaunau, Gauhāejauva, waude heee havedehe, nauuu gaugauthau nau vachau?

<sup>53</sup> Denethenaedevathana hayauwusenee vadannauauwuu, nananena hāehauwudaneva: hau nuu nauauchaudauna, nau naunauthauau vaneeyauau.

<sup>54</sup> Hanaāedanauthee, nau haejathechauhanauau, nau haejedananauau Vasenajane vevethahevahew hedauuwunene. Nau Peda haejesedauchu.

<sup>55</sup> Nau hāesewaudeaunathee nahethāe hadauvasenejesauau, nau haeauājanaugunauau, Peda haejanaugudauna.

<sup>56</sup> Hau jasae hesāhedāeyaune haenauhauvaa daujanaugudaunaude hejava hesedaa, nau haenaunauchaudauhauvaa, nau hathāhuk, Naa henane jea nanethenaedewaude.

<sup>57</sup> Nau haeethedauwautha, Hesā, nahauwaenaunau, hathauhuk.

<sup>58</sup> Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenu hegau.

<sup>59</sup> Nau heee jasaye denauachauau waunee jachau haeethauwunehene, hathāhuk, het-hauwuu naa jea nanethenaedewaude; hanau nananede Gananaean.

<sup>60</sup> Nau Peda hahagu, Henane, Nāhauwaene daun nesenehene. Nau chauchaunu, dau-nausunanade, neauthuneāhe haenedu.

<sup>61</sup> Nau Vahadāde haejaaagu, nau haenāauhauva Pedaheau. Nau Peda haethauchutha-jaude hedanadedauene Vahadāhenith, neesenehethāde, Hajesejeneduhude neauthuneāhe, nananene hadnethedauwauchune nasauna.

<sup>62</sup> Nau Peda haenaua, nau haeneenavewau.

<sup>63</sup> Nau henanenauau henee daununauthee Hejavaneauthusaun haevava-vanauchuhanauau, nau haedaudauauvaa.

<sup>64</sup> Nau hāesajeājethauthee, haeanadeāhenauau, nau haenaunaudedauananauau, Haeyāhe, hanaa henee haudaauvāde? nethāhuk,

<sup>65</sup> Nau wauthanee haewauwauchuvaa nanāsanadethāde.

<sup>66</sup> Nau chauchaunu hasenaugusājenee, vachaugananenauau henanedanede nau n-ajanauau vevethahehehauau nau wauthaunauhāhehauau haeauāchadaunanaunau, nau hae-jedananaunau hadaunanadethee,

<sup>67</sup> Gauhanane Chris? jeēdauwunāa, hathauhaugaunee. Nau haeēdauwuna, Hith Nana-nenau hāedauwunathanagu, nananena hanājethauwadaunena:

<sup>68</sup> Nau hith nananenau jea naudedauathanagu, nananena hanājachuhananadesena, wauāthe hanājejenanena.

<sup>69</sup> Hewaunehaa heee Heau henane hadtheaugude hejavese naunaudāhenith Heja-vaneauthu.

<sup>70</sup> Hanaāenehethēe vahee, Gauhanane Heau Hejavaneauthau? Nau haeēdauwuna, Hasenehena Nananenau.

<sup>71</sup> Nau hahagaunee, Hehauwauthevathehāanauau naudedauyaunauau? hanau nehayau nanaunaunauau Nehayau hedenaa.

## 23

<sup>1</sup> Nau haunauude henanedanede haegauhādene, nau haeyehadaunanaunauau Pinade.

<sup>2</sup> Nau hanaāevavasevāde, Vaneenaunauau naa gauchuhuchadede jajaesenanedanede, nau nedauduwaude hadjevenauthee hauūyaunau Caesar, daunahagu Chris Nenauchuwude, nethadede, hathauhaugaunee.

<sup>3</sup> Nau Pinade haenaudedaua, Gauhanane Dauhunauchuwuhunene Jews? hathauhuk, Nau haeauchuanāedauwunaa, Hethauvāne.

<sup>4</sup> Hanaāedauwunaude Pinade najanau vevethahehehau nau henanedanede, Nāhauwuveedenaune wausaunee naa Henane.

<sup>5</sup> Nau haenaunauchauthedauhādene, wauwauyachudede henanedanede, hanechauhauthethāde hehethēe vahee Jewsevedauauwuu, jejesese hehethēe Gananane nauuu nuu vedauauwuu, hathauhaugaunee.

<sup>6</sup> Hāene Pinade nedauwauthaude Ganane, haenaudedauva wauau haganananenane.

<sup>7</sup> Nau chauchaunu hāesaenauau henee daunaadāde Herod hadaunajavanethe, haeathavenane Herod, jea haenedau Dādaunedan hena hese.

<sup>8</sup> Nau hāene Herod nauhauwaude Hejavaneauthusaun haevaseneethajau: heee de-vadaunauhauwaude dajauaunee hanau dauhuwauthanedauwauthaude; nau haevadau-nauhauwauwuu jasaa venauneguthau hadnesedaunith.

<sup>9</sup> Haenaunaudedaua hauwuhuu hanadedauau; hau haejauchuhananadethaa.

<sup>10</sup> Nau najanau vevethahehehau nau wauthaunauhāhehau haetheaugunenau nau haenaunauchauthevaa.

11 Nau Herod nauuu vauānanenau haejenananauaugaugauyaune, nau haevava-  
vanauchuhanauau, nau haeenenuhanauau neudahenenee hu, nau haevenanauau jea  
Pinade.

12 Nau hajesesenenee Pinade nau Herod haenedaehāvadenuau nesauuu: hanu  
nedauwuu haesānavadenauau nehayau.

13 Nau Pinade, hāesauānadedhaude najanau vevethahehehau nau hauchuwunanenau nau  
henanedanede,

14 Haeāedauwuna, Nananena nauuchadaunena naa Henane, nanahagu henee  
gauchuhuchaukede henanedanede: nau, naune, nananenau, haunauchuwuhauau  
hathaāhena, nāhauwuveedenaune wausaunee naa henane heee henee hayauhuhau  
nanāsevasewauna:

15 Hegau, hehauwune Herod: hanau neathavejenanauwunathane; nau naune,  
hehauwunee nauau hehauwugaudauwudau.

16 Hadnensesaguhāa, nau hadjenanauau.

17 (Hanau hadnau gauhusenaasedaude hadjenanaude hanesāhenethe vasevethē-  
hedauneagu.)

18 Nau haunauude haevasānadenauau jasānee, Hausāguthāa naa, nau jejenanauwunāa  
Barabbas, hahagaune:

19 (Nananede hanau jasaa nejaevauāde hedan, nau hanau nenaade, nethānade duguhu-  
nauauwuu.)

20 Pinade henaheee, haevadaujenana Hejavaneauthusaun, haenadetha jea.

21 Hau haenānaune, Saethechuhuu, Saethechuhuu, hahagaunee.

22 Nau haeāedauwuna nanaseauwaunee, Dusee, dusewauhudau? Nāhauwuveedenaune  
hadneegaujauauthehaude: Hadnaasedaunau hadnensesaguhāa, nau hadnāējenanauau.

23 Nau haeenenasānadenauau, haeenenavadausaethechuhunauau. Nau  
haenānadenauau nau najanau vevethahehehauau haechauwauauwaunauau.

24 Nau Pinade haechuwardā henee hadnaasaunee hasevathehāthee.

25 Nau haejenanauwuna nananede henee hanau nejaevauāde nau nenaade haethānau  
duguhunauauwuu; nananede heenedauwaudenenau; hau haevā Hejavaneauthusaun  
hathanauwauthee.

26 Nau hāejathechauhauthee, haedananaunau hanesāhenith Simoneau, hehethee  
Cyrenene, hananeedesade vedauauwuu, nau hananene haenhanauwunanauau  
nau gauchu, henee hadnanewauunauwunith thaugu Hejavaneauthusaun.

27 Nau hena haethauguhāa havathenedanede, nau hesānau, haeaudauwuthajauha  
nau haevewauhunauau heee.

28 Hau Hejavaneauthusau haejāāne haeāedauwuna, Dādaunedan hedaunauhau, jeva-  
hevewauhū heee Nananenau, hau heevewauhū nehayau, nau heee hadāeyaunenau.

29 Hanau, naune, hese janādaunee, hadneehedaunee, Haunauwuthajauau  
jenesaunehahauau, nau henaunauwenau henee nejethauujanesāthee, nau hethanenau  
hehauwunethuaunenau.

30 Heee hadnāējaseseneduū hauane, Gaudaunānauau; naa jauaudane, gaudauyahu-  
nauau.

31 Hanau hith heenesedauhagaunee nuu hayauhuhau janadanegauaheyaugaune  
hauhadene, haudneedusedaune wautheyau?

32 Nau hena haenesenauau gauchuhunee jea, wauwauhudauhuhau, haenethaunaa  
hadnaugunaade.

33 Nau hāene hāedaduū, Calvary hanaaseenee, hena haesaethechuhunauau, nau  
wauwauhudauhuhau, hanesāhenith hejavase, nau jachau nauwauthe.

34 Haenaānehede Hejavaneauthusau, Nāchau jaegudanaunene; hanau daujāenuū  
hasedauthee. Nau haejaanauwaunenau, hedāchaunene, nau haehēdaudausadaunenau.

35 Nau henanedanede haetheaugudaune dauhasauhauvade. Nau hauchuwunanenau  
jea nauuu haeauchaudanavaa, haseneheyagaune, Nenayauhade hauthauau; Nane-  
hanehanenayauhade hethauwuu Chrisdeyau, Neayāsānāde Hejavaneauthu.

36 Nau vanenanenau jea haenaunau gauthedaunaa, haedasaa, nau haevenaa naneujau-  
denee dadajevenenaje,

37 Nau hathāhuk, Hethauwunajawaunadagaunee Jews, henayuhade nehayau.

38 Nau haewauthaunau jea haewauthaunauhune hejavāa hedanadedauunee Greek, nau  
Latin, nau Hebrew, Naa Nanajawaunaude Jews.

39 Nau jachau wauwauhudauhu chaunauunauunith haewauwauwuhāa, Hethauwuu  
Chrisdenagu, henayuhade Nehayau nau nananee, hathāhuk.

40 Hau jachau haeauchuhananadene haedauduva, Gauhajeadaunau Hejavaneauthu,  
hanau nananene nanesadee hathauchuwuhane? hathauhuk,

41 Nau neehanauau; hanau hanesedanauwunauau nanāsedanauau: hau Naa hehauwuwauchudau.

42 Nau hanaāenehethaude Hejaneauthusaun,\* Vahadāhene, dauyewuwuthedaune hānanaušanaune Hanajanede.

43 Nau Hejavaneauthusaun hathāhuk. Hethauwu hāedauwunathane, Nuu desenee had-nethenaedevene Paradise.

44 Nau hāethauthaunesade, nau hanaāeveeyauau nanadee vahee hathāauauvaa haunaude nanasuusee hāenauauchauau.

45 Nau hesese haeevenenauau, nau hauguthau Vadannauauwu haethauwunauau nahethāe.

46 Nau Hejavaneauthusaun hāevasānadede, Nāchau, hajadēna hadaunaunehau Navadathuwu, hahagu: nau hāesenehede nuu, haevadauwauthauwu.

47 Wauhā vanenenaja hāenauhau dauu hasedaunenēe, Haeauwauadauna Hejavaneauthu, Hethauwu nāa chaunuvāde Henane, hahagu.

48 Nau vahee henanedanede henee hathāejeauānuusathee hadnauhauwauthee, haenauhau dauwu hanasedaudenēe, haenanadesejāhedēnaau, nau haejaajegauhudaune.

49 Nau vahee henedaehauhau, nau hesānau hethāethauguhādaunau hehethee Gananee, haetheaugunenau vavāaune, haenauhau dauwu nuu.

50 Nau, naune, henane Joseph haeseēe, najananadehe; nau haeethā, nau haechuvā:

51 (Naa haejechuwaudā hasenehedaunenēe nau hasedaunethe;) haenaadāde Arimathaea, hedan Jews: nananede jea nehayau haejauwuwude henajanedaunene Hejavaneauthu.

52 Naa haeyehau Pinade, nau haenedauwaude hedanayaunene Hejavaneauthusaun.

53 Nau haejanana, nau haeauyauuna naunaujānaunee, nau haejenana nedauthānavathe gaujauadahehehau hauunaugāe, haunauau henane haejethauujenana.

54 Nau hena hese haesaanudaune, nau vadaneseēe dayānauauchauau.

55 Nau hesānau jea, hejenaunethaunādaunau hehethee Gananee, haethauguhā, nau haenauhau dauwu hadausaesēanethe, nau hedanayaunene hathaudanee.

56 Nau haejaenauthau, nau haesaanudenauau hathāeneevaudēe nau chauayaunau; nau haedauyānusenauau vadaneseēe hasauau nanavaavede.

## 24

1 Wauhā nanedauwadaa hese hauchauvadēde, hajesejevesesanith haejeedadauwu hadausaesēanith, haenauauchaunēnaau hathāeneevaudēe heesaanuthaunenau, nau jasae hauthauau nauguu.

2 Nau haenauhauvanauau hauunaugane haeausānēe hehethee hadausaesēe.

3 Nau haejedānauau, nau haejevedēnaau hedanayaunene Vahadāhenith Hejavaneauthusaun.

4 Nau hethauwu daugaudauwuthajauthee hee, naune, hanesenethe henanenau haetheaugudaunā haenauasāaunenau hedāchaunene:

5 Nau daunāthajauthee, nau haenaunauagunauau vedauauwu, haeāedauwunā, Naudu nananena haenaudehauna hanenaededaunade nethee gaujauadahehehau?

6 Hehauwanedau hede, hau jaegauhāde: dauyewuwuu neethāedauwunā denausunanedaude Gananee,

7 Neesenehede, Heau henane hadvenavathe hejadenene wauwauchudaunanenau, nau hadsaethechauhude, nau nasese hadjaegauhāde.

8 Nau haedauyewuwunauau hedanadedanene,

9 Nau haenau dauwu hehethee needausaesēanith, nau haeauthedaunanauau vahee nuu hayauhuhau jasānee, nau vahee hauthauau.

10 Haenane Mare Magdalene, nau Joanna, nau Mare henaune James, nau hauthauauau hesānauau henee henethaunādaunenau, neauthedaunauthee nuu hayauhuhau vadauhanau.

11 Nau hedanadedanēna hathanadauwuyaugaune gaugauyaune, nau haejethauwau daunaunauau.

12 Hanaāegauhāde Peda, nau haeyeseneegau hadausaesēanith, nau haeewauguau, haenauhau de naunaujānaunee haeānaudanēnaau jessaa, nau haenaude, haegaugauanade hasaunee.

13 Nau, naune, hanesenethe haeyehaunenau henee hajeseseneēe hajasee hauauwudan Emmaus haseagu, hehethee Dādaunedan wauau nesaudauchu nau gauuu daugauha.

14 Nau haenanadanauau wauhaunee vahee nuu hayauhuhau hasaunee.

\* 23:42 "Hejaneauthusaun" possibly should be "Hejavaneauthusaun". (See note for 18:19.)

<sup>15</sup> Nau hethauwu, henee, dauanadethee wauhaunee nau haenaunaudedaudanadanaau, Hejavaneauthusau Nehayau haeeauhauna, nau haenethauna.

<sup>16</sup> Hau hesesānenau haedunenenu henee hadjaenaunauthee.

<sup>17</sup> Nau haeāedauwuna, Hayewnau hadanadedanenu nuu henee nananena hānegudaunenau, daujajāwauamadana, nau daudaneāauna?

<sup>18</sup> Nau jāsaa hanaaseede Cleopas, haeachuhananadethaa, Gauhanane vavade dauhadavesane nuu Dādaunedan, nau gauhajaene hayauhuhau hasedaudenee hena nuu hesee?

<sup>19</sup> Nau haeāedauwuna, Hayewnau? Nau haeāedauwuna, Hee Hejavaneauthusau Nazareth, nananede Haeyāhe naunaudāde hanasedaude nau hedanadede hathaāhenith Hejavaneauthu nau vahee henedanede:

<sup>20</sup> Nau najanaau vevethahevahehau nau hadaachuwananevene neesevānethe gaujauaudahede hadneachuwhade, nau nesaethechauhude.

<sup>21</sup> Hau nejauwuhaunauau Nananede hadnenayaude Israel: nau nauguu vahee nuu, desenee nanasāe hesee hāesenesedaudenee.

<sup>22</sup> Haa, nau jāsae hesānaau jea hadahenauau nenāvānaau, naugusāge neanedauthee hadausaesenanith;

<sup>23</sup> Nau devevedethee hedanayaunene, nejenuusathee, neauthedathee, henee jea haenauhauvanauau hautheaunau neethāhaugaunee henee daujaenaedeyaugaune.

<sup>24</sup> Nau hauthauauau hānethaunādaunene deyehaunauau hadausaesee, nau haeveedenaau vavade hesānaau neesenehenethe: hau haejenauhauvanauau.

<sup>25</sup> Hanaāedauwunaude, Hau hāhauwaenava nau gainuanuu hadahenau hethauwaudanee vahee henee haeyāhehauau nethauthedathee:

<sup>26</sup> Naasauau Chris hadnasenede nuu, nau hadjedāde hadnedauvasāthaa.

<sup>27</sup> Nau jeejasesee Mosese nau vahee haeyāhehauau, neevavesāedauwunaude hee vahee hanathauthaunauhenee hayauhuhau hadnesenaedede Nehayau.

<sup>28</sup> Nau haeeauchauwu hajasee hauauwudan hasesathee: nau nehayau haenanedauneha hadjavesade.

<sup>29</sup> Hau haeneenadanaunauau, hathauhaugaunee, Hanedaundaunā: hayānaesade, nau hesee hayāenauwusanauau. Nau haejedā hadnatedaundaunau.

<sup>30</sup> Nau hethauwu, daujanaugude haenethevethheva, Haedane jauaujau, nau haeveene, nau haejeane, nau haevana.

<sup>31</sup> Nau hesesānenau haegaunanenenu, nau hanaāaenaunauthee; nau haeyauhaudenauau.

<sup>32</sup> Nau hadāhene gauhauchāe hethauvaa, hanathadagaunee jae, deanadethānaau jāthee, nau hāegaunanaunauau wauthaunauhanau?

<sup>33</sup> Nau haegauhānaau chauchauu nau haejaeyehanaunau Dādaunedan, nau haeveehanaunau jasānee haeaunauudaunāhenenu, nau hauthauau henee hanedaundaunādaunenu,

<sup>34</sup> Vahadāde gauhāde hethauwu, nau haenauhautheha Simon, hathahaugaunee.\*

<sup>35</sup> Nau haeauthedanauau hayauhuhau hanasedaunith hadesathee, nau hasaenaunāde daujeanaunau jauaujau.

<sup>36</sup> Nau daunusunadethee, Hejavaneauthusau Nehayau haetheaugu nahethāe hadathee, nau hathāhaugaunee, Danādauyauau vanenathana.

<sup>37</sup> Hau haenānaunauau nau haenāthajanaunau, nau hasethajauhaugaunee henee haenauhauvanauau vadathu.

<sup>38</sup> Nau hathauhuk, Naudu nananena haenāthajana, nau naudu haegauguauthajana gauhānauha hadahenau?

<sup>39</sup> Nauhaudauwu Najadenau nau Nauaudau, henee Nananenau nehayau: Vasanee, nau nauhauwu; hanau vadathu hehauwudaunāne nau hehauwudechaunave, hathauhauwuna.

<sup>40</sup> Nau dauhanadede, haenauhautheha hejadenau nau heaudau.

<sup>41</sup> Nau haejethauwuthajanaunau hee haunauwuthajau, nau haegauguauthajanaunau, Haeāedauwuna, Gauhajeveheneva hede?

<sup>42</sup> Nau haevenanaunau hanesāhenith nauwu haeaunaunene, nau gauhauaugunaugaue.

<sup>43</sup> Nau haedane, nau haevethe hathaājenethe.

<sup>44</sup> Nau haeāedauwuna, Nuū nanāe hanatedaunau hāauthedaunathadenenu, denausunethenaedevathana, henee vahee hayauhuhau hadnethauwunauaachu, hanathauthaunauhuu henanavaavede Mosese, nau haeyāhehauau, nau psalms hee Nananenau.

\* 24:34 The last word of the verse is unclear and could be "hathahaugaunee" or "hathahaugauee". The former was chosen as being closer to what is used in other instances of direct speech.

<sup>45</sup> Hanaāegaunanauwunaude hadnaenauwunethe, henee hadnaenauwunethe wauthau-nauhanau,

<sup>46</sup> Nau haeēedauwuna, Hathauthaunauhuu, nau naasauau Chris hadnasenede, nau had-jaegauhāde hehethee gaujauaudahede nasese:

<sup>47</sup> Nau henee haugauthegaugauuthajaude nau hadjaegudanee wauchudaudenau had-nautheduhunee heee Heneseede nanadee jajaesenanedane, hehethee Dādaunedan.

<sup>48</sup> Nau nananena haenauwuna nuu hayauhuhau.

<sup>49</sup> Nau, naune, Nananenau vanenathana sayānee Nāsaunau hau theauguu hedan Dādaunedan, haunau nananena hāchauwunagu nauguu naudahede hehethee hejavaa.

<sup>50</sup> Nau haejasesenedauwauna hajechaudanee Bethany, nau haegauha, nau haevevethasa.

<sup>51</sup> Nau hethauwuu, daunausuvevethauchaude, Haenautha, nau haeejchauhau jethee hejavaa.

<sup>52</sup> Nau haevevethedaunanauau, nau haejaeyhaunauau Dādaunedan nauguu vase-neethajaude:

<sup>53</sup> Nau dajauaunee haenedaunauau jedauwuu Vadannauauwuu, hauwaunede nau haevevethedaunanauau Hejavaneauthu. Hethauvaa.